

Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

This work is licensed under a Creative Commons Attribution-NonComercial
3.0 Unported (CC BY-NC 3.0) license.

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

20.775

329.14
A - 91



Եղիշե յանդատչութեան բարեկամ

2881

1921

329.14

Բ-91

Խ. Հայոց պատմութեան բարեկամ

ՔԱԱՆ ԿԱԻՍԱՂԱՆՆԵՐԸ

25

Կ Ա Զ Մ Ե Ց

ԵԴՈՒԱՐԴ ԶՈՒՄՈՒՐԵԱՆ

2881



30 AUG 2013

20.7.15.

Printed In Turkey 15 JAN 2010
403

05 FEB 2007

ԻՆՔՆԱՎԱՐ ՀԱՅԱՍՏԱՆԻ

ՔՍԱՆ ԱՆՇԵԶ ԶԱՐԵՐԸ

988/

Ս. Դ. ՀԱԶ. ՔՍԱՆ ԳՈՐԾԻՉՆԵՐ

Որո՞նք և ահասակուեցան կախաղանի վրայ

Պոլսոյ մէջ 1915 Յունիս 2/15ին

որովհետեւ ոռհիրը գործած էին աշխատելու
անկախ եւ ինքնօրին Հայաստանի մը կազ-
մորեան համար։

Կը ԽՈՇԱԲՀԻ ՊԱՇՏԱՄՈՒՆՔՈՎ ԱՌՈՅՑ ԱՃԻՒՆՆԵՐՈՒՆ ԱՌՁԵՒ

ՀԱՄԱՅՆ ՀԱՅՈՒԹԻՒՆԸ

Տպագրութիւն
Օ. Ա. Ա. ՏՈՒՐԵՆԸ ՈՐԴԻՔ



1268-2002

Printed in Turkey



• ՓԱՐԱՄԱԶ

• ՏՕՔԹ. ՊԵՆՆԵ ԹՈՐՈՍԵԱՆ

• ԱՐԱՄ ԱԶԸՔՊԱՇԵԱՆ

• ԳԵՂԱՄ ՎԱՆԻԿԵԱՆ

• ԵՐՈՒԱՆԴ ԹՕՓՈՒԶԵԱՆ

• ՈՒԽԲԵՆ ԿԱՐԱՊԵՏԵԱՆ

• ՅՈՎՀ. ՏԵՐ ՂԱԶԱՐԵԱՆ

• ԹՈՎԾԱՍ ԹՈՎԾՄԱՍԵԱՆ

ՅԱԿՈԲ ՊԱՍՄԱԶԵԱՆ

ՄՈՒՐԱՏ ԶԱՔԱՐԵԱՆ

• ՄԿՐՏԻՉ ԵՐԵՑԵԱՆ

• ԳԱՐԵԳԻՆ ՊՈՂՈՍԵԱՆ

• ԱՐՄԵՆԱԿ ՀԱՄԲԱՐՁՈՒՄԵԱՆ

ԵՐԵՄԻԱ ՄԱՆՈՒԿԵԱՆ

ԱԲՐԱՀԱՄ ՄԱՆՈՒԿԵԱՆ

• ՄԻՆԱՍ ՔԵՇԻՇԵԱՆ

• ՍՄԲԱՏ ԳՅԼՇԵԱՆ

• ԳԱՌԵԿԻ ՊՈՅԱԶԵԱՆ

ՀՐԱՆԴ ԵԿԱՒԱՆ

ՊՈՂՈԾ ՊՈՂՈՍԵԱՆ

Ա Ա Ա Ա

ՄԱՀԱՊԱՏԻՃԱ



ԶԵՐԲԱԿԱԼՈՒԹԻՒՆՆԵՐԸ

Գրեց՝ Ա.ՑԵՄՆԻԿ

Թուրք ազգայնականութիւնը հետզհետէ աւելի յարձակողական և այլամերժ ըլլալ սկսած էր։ Բոլոր բազկաթուցիչ ազգութիւններուն ազատութիւն ապահովելու խոստումներով բերուած Սահմանադրութիւնը երեւան կուգար իբրեւ բէժիմ մը, որուն վարիչները կը ձգտէին ամէն գինով նսեմացնել, փոքրացնել, քաղաքականապէս ոչնչացնել այն ժողովութեները, որոնք կուլտուրական ինքնուրոյն գոյութեան մը իրաւունք ունենալ կը կարծէին Օսմ. կայսրութեան սահմաններուն մէջ։

Իթթիհատը իր բոլոր հակառակորդները կախաղաններու վրայ բարձրացնելէ կամ զնտաններու խորը նետելէ յետոյ ինքոինքը կը զգար կացութեան տէր և կը պատրաստուէր վճռական հարուած մը տալ ըմբոստ տարրերուն։

Իթթիհատի ուշագրութիւնը մասնաւորաբար ուղղուած էր դէպի Հայութիւնը, որ հակառակ իր դարաւոր գերութեան, սկսած էր շարժիլ շնորհիւ Հայ Յեղափոխութեան։

Եւ յարմար առիթէն օգտուեցաւ այդ կառավարութիւնը, ներքին քաղաքացիական պատերազմի մը մէկ պահէն, ջարդել տալու համար Կիլիկիայի մէջ Հայութիւնը։

Ատիկա նախարան մըն էր այն հայաջինջ մեծ ծրագրին, որ պատրաստուած էր Սելանիկի իթթիհատական համաժողովին մէջ, հետզհետէ նօսրացնելու կայսրութեան նահանգներուն մէջ Հայ տարրը, որպէս զի միանգամ ընդ միշտ ան-

կախ Հայաստանի մը գաղափարը հեռանար կարելիութիւնս ներու սահմանէն:

Ատանայի ջարդէն յետոյ սիսթէմաթիք կերպով առաջ տարեցաւ այդ հայաջինչ քաղաքականութիւնը, աւելի կայ նուազ ուժգնօրէն, բայց միշտ մտահոգիչ:

Ի պատիւ Ս. Դ. Հնչակեան կուսակցութեան, պէտք է ըսել որ սնիկա եղաւ առաջինը՝ հնչեցնելու համար ահազանգը այն վասնգին, որ կը սպառնար Հայութեան:

Առաջին մէկ օրէն, Ս. Դ. Հնչակեան կուսակցութիւնը վերապահ դիրք մը բռնած էր դէպի օսմ. սահմանադրութիւնը, որմէ մեծ բան մը չէր յուսար, ան կեցած էր դիտողի գերին մէջ, և ահա, մէկ քանի տարւան փորձառութենէ յետոյ, որոշակի երեւան կուգար սնանկութիւնը այն րէժիմին՝ որ այնքան փառաբանւած էր:

Օսմ. սահմանադրութենէն յետոյ մեր կուսակցութեան դիրքը եղած է խուլ պայքար մը թուրք ազգայնամոլութեան մարմացումը եղող իթթիհատի դէմ, ինչ որ չէր կրնար հրաւիրել անոր համակրութիւնը դէպի մեր կուսակցութիւնը:

Եւ արդարե կնվերներու ու Թալէաթներու կուսակցութիւնը կը սպասէր յարմար առիթին, ազատելու համար վասնգաւոր թշնամիք մը:

Այդ առիթը ներկայացաւ նպաստաւոր պայմաններու մէջ:

Այն օրերուն, երբ Եւրոպայի հորիզոնը սթագնած էր և մէկ օրէն միւսը պատերազմի ուրականը պայմել կը սպառնար, նետուեցաւ ձեռնոցը:

Իթթիհատը յարմար ատենը եկած համարեց վրէժը լուծելու Ս. Դ. Հնչակեան կուսակցութենէն, որ մինչեւ վերջը չէր ուղած համակերպիլ և գլուխ ծուել թուրք ազգայնական մակընթացութեան:

Եւ առաւօտ մը սկսան Ս. Դ. Հնչակեան մտաւորական-ներու ու գործիչներու ձերբակալութեան:

* *

1914 Յուլիսի առաւօտ մըն էր:

Ս. Դ. Հնչակեան կուսակցութեան ուսանողական

միութեան վարչութիւնը կազմակերպած էր դաշտային խրն-ջոյք մը, ի պատիւ նոյն տարուան շրջանաւարտ ընկեր-ներուն:

Բոլորս հաւաքուած էինք Կայծի խմբագրատունը. հոն էին բոլոր ուսանող ընկերները, հոն էին Վանիկն ու Ար-տաշէսը... և Փարամազը:

Փարամազ...

Կը սիրէր ան ժամերով նստիլ ուսանողներուն մէջ, զանոնք զբաղեցնել իր սրամիտ հարցումներով, իր խօսակ-ցութիւններով, որանց ամէն մէկը մէյմէկ դասախոսութիւն էին մեր մատազ և սորվելու ծարաւի հոգիներուն համար. մտիկ կ'ընէինք ժամերով և չէինք յագենար:

Այդ օրն ալ անիկա մեզի հետ էր: Զրկանքի և ընդ-վզուսի այդ հերոսը կարծես վայրկեան մը կը մոռնար փշոտ այն ուղին, ուրկէ քալած էր տարիներով և որուն ծայրը նահատակութիւն մը կ'սպասէր իրեն:

Եւ ուսանողներու խումբը ճամբայ կ'իյնար Բե այէն դէպի Պէշիկթաշ, Օխլամուրի պարտէզը, շրջապատած Փա-րամազը, որ կը խօսէր, կը բացատրէր, կ'ոզեւորէր մեզ:

* *

Նշան Թաշի հասած ենք:

Այն միջոցին, երբ պիտի դասնայինք փողոց մը, իջնե-լու համար դէպի Օխլամուր գացող զառիթափէն, յանկարծ կը պաշարուինք ստիկաններէ:

— Եյ, Եյ, կը պոռան անոնք և մեզի կը քշեն փողոցէ մ. ներս:

— Ի՞նչ կայ, ի՞նչ պատահեցաւ:

Պատասխան չէնք ստանար, սակայն նոյն բոպէին իսկ կը տեսնենք ինվէրը, Հայութեան այդ դահիճը, որ նոյն ճամբան վրայ հաստատուած հիւանդանոցէն դուրս կ'ելէ և նստելով ինքնաշարժ, կը հեռանայ:

Զգիտի մոռնամ գլխու այն շարժումը և այն կիսամը-պիտը, որ գծուեցաւ Փարամազի դէմքին վրայ:

Վրեմի աստուածը այդ ժպիտը սւնենալու էր իր դեմ։
Քին վրայ, մեծ վրէժինդրութիւններու նախօրեակին։

Շատ յետոյ հասկցայ այդ գլխի շարժումին և այդ
ժպիտին իմաստը։

Շարունակեցինք մեր ճամբան դէպի Օխլամուր։ Այդ
օրը ապրեցանք մեր ընկերական վերջին օրը։ քանի մը օր
յետոյ հողմը ցիրուցան կ'ընէր մեզ բոլորս, և աւազ, ան-
գամ մըն ալ զիրար չտեսնալու համար։

* *

Այսուուան, Յուլիսի տաք ցերեկէ մը վերջ կը վերա-
դառնայինք Տիկին Մուրատի հետ։

Ուսանողական Միութեան տարեկան դաշտահանդէար
տեղի պիտի ունենար շաբաթ մը յետոյ, և տոմսակները
տեղաւորելու համար առաւօտէն ի վեր կը թափառէինք։

Հազիւ ոտքս դրած էի կամուրջին կողմնակի սանդու-
խին վրայ, տեսայ ընկ. Մ. Հովհաննել։

Շփոթած դէմքով, յուզուած երեւոյթով մը քովա
վազեց։

— Իմացա՞ր եղածը։

— Ի՞նչ կայ։

— Զերբակալեր են . . .

— Ա՞վ։

— Տօքթօր Պէննէն . . .

— Հէ՛։

— Այո՛, Փարամազը, Տօքթօր Պէննէն, Սաքօն, Արծ-
րունին . . .

Չսպասեցինք ընկերոջ խօսքի վերջաւորութեան։ Կէս
ժամ յետոյ Բերա էի։

Ուղղուեցայ դէպի Կայձի խմբագրատունը, որ կը գըտ-
նուէր թաքսիմ։

Մոտեցայ դրանը և ներս մտնել կը փորձէի, երբ հնչեց
ապառնական ձայնը։

— Եասա՞ք։

Անմիջապէս հեռացայ, աժան ազատելուս՝ գոհ։

Սակայն հազիւ հեռացեր էի տասը քայլ, երբ մէկը դպաւ
ուսիս։

Ետ դարձայ, մեր «Մեղու» Աշակերտական Միութեան
պատանիներն էին։ Առաջին հարցումս եղաւ։

— Ի՞նչ կայ, ի՞նչ պատահեցաւ։

— Քալէ, քիչ մը հեռանանք, կը պատմենք։

Քայլերնիս ուղղեցինք դէպի Այաս Փաշայի զառիվարը
և ընկերը պատմեց։

«Ալուաօտուն կանուխ սկսան ձերբակալութիւնները,
Փարամազը ձերբակալուեր է առւնէն դուրս ելած տաեն,
Սաքօն՝ ճաշարանին դրան առջեւ։ Տօքթ։ Պէննէին տունը
խուզարկեր և կարդ մը թուղթեր գտեր ու տարեր են։

«Կայձ»ի խմբագրատունն ալ կէսօրին փակեցին։ Ա. Դ.
Հնչակեան նորակազմ Սքառօթական խումբը հաւաքւած էր
ներսը, և կը պատրամտուէր մարզանքի երթալ, երբ քօմի-
սէր մը, խումբ մը գաղտնի ոստիկաններ Բերայի հայ մուխ-
թարին ընկերակցութեամբ եկան և պաշարեցին խմբագրա-
տունը։ Մեզի մէկ կողմէ ըրին և սկսան խուզարկել. գրա-
ռեցին «Կայձ» Գ. տարուան 12րդ թիւը, «Գիտութիւն և
Յեղափոխութիւն» գիրքը, մէկ քանի զինանշաններ, յետոյ
մեզի ալ դուրս հանեցին, կնքեցին դուռը և ոստիկան մը
դրին առջեւը։»

Այս բոլորէն յետոյ «Մեղու»ի տղաքը անմիջապէս ցրուեր
էին քաղաքին մէջ և լուրը հասցուցեր բոլոր Մ-լերուն,
որպէսզի պատրաստ գտնուէին։

Այսպէս անցան մէկ քանի անձկալից օրեր։ Զերբակա-
լութիւնները կը յաջորդէին իրարու, ոմանք ազատ կ'ար-
ձակուէին, ուրիշներ կը նետուէին զնտանը։

Իթթիհատը յարձակողականի անցած էր։ Առաջին հար-
ուածը տուած էր, ձերբակալուելով Ա. Դ. Հնչակեան
մտաւորականութիւնը և կը սպասէր յարմար առիթին,
աւելի ծանր հարուած մը իջեցնելու համար։

Այդ առիթը չուշացաւ։ Զերբակալութիւններէն քանի

մը օր յետոյ պատերազմը կը բոցավառէր ամբողջ աշխարհի մէջ։ Իթթիհատը իր ոյժի գագաթնակէտին հասած, ձեռնոց նետեց ամբողջ աշխարհին։

Զերծ այն բոլոր շղթաներէն, որոնք կը կաշկանդէին իր ոճրագործ ձեռքերը, առաջին գործը նկատեց աղատիւ այն ոխերին թշնամիներէն, Ս. Դ. Հնչակեաններէն, որոնք պահ մը քիչ մնացած էր բնաջնջէին իր գոյութիւնը։

Եւ 1915 Յունիս 2)15ին, Պայտագիտ, պատերազմական նախարարութեան հրապարակին վրայ մահացան քսան հերոսները, առաջին զոհերը ըլլալով նոր Հայաստանին։



ԿԱԽԱՂԱՆՆԵՐՈՒ ՆԱԽՕՐԵԱԿԻՆ

(ԱԿԱՆԱՏԵՍԻՆ ՊԱՏՄԱԾԸ)

Գրեց՝ Տ. ԳԱԼՈՒՍ ՔՀ. Յ. ՊՈՂՈՍԵԱՆ

Հետեւեալլ զրի առնուած և Գումգարուի յահանաներեն Տ. Գալուս Յ. Պողոսեանի կողմէ, որ միակ վկան և կախաղաններու նախորդ օրը բանիք միջ անցած դարձածին եւ մահապատճին։ Ահա թէ ի՞նչպես կը պատմէ։

Ի՞ՉՉՊԵՍ ԿԱՆՉՈՒԵՑԱՑ

Յունիս 1)14ի կիրակի իրիկունը, ժամը 9.30ին ատենակերը ընթրիքս նոր աւարտած էի, երբ գուռը զարնուեցաւ ուժգնորէն։

Մեծ զաւակ՝ Գրիգոր բացաւ դուռը և քիչ յետոյ վերադարձաւ ըսելով։

— Հայրի՛կ, ոստիկան մը եկած է և քեզի կը կանչէ։
Վար իջայ, Գաղտնի ոստիկան մըն էր եկողը, որ հարցումիս պատասխանելով ըսաւ։

— Ոստիկանական տնօրէնը ձեզ տեսնել կ'ուզէ անմիջապէս։

Շատերու զինուորագրութեան խնդրին առթիւ երաշխաւոր եղած ըլլալով, կարծեցի որ այդ առիթով զիս կը կանչեն։ Միեւնոյն ատեն վախը պատած էր զիս, որովհետեւ Հայութեան համար չ'է ընդունակ օրերը կ'ապրէինք։

Կարծես այս մտածումս կարդալով դէմքիս վրայ, դաղանի ոստիկանը ըսաւ։

— Մի վախնաք, ձեզի անձնապէս ու և բան չկայ, պաշտօնիդ կիրարկելու համար կը կանչուիք:

Այս խօսքերը զիս աւելի շփթեցուցին, որովհետեւ չէի կրնար հասկնալ թէ «պաշտօնիս կատարումը» ի՞նչ կապ ունէր թուրք ոստիկանութեան հետ:

Երբ հասանք Միւտիւրիէր, զիս առաջնորդեցին Թահիր օտաղն, ուր պարթեւ հասակով անձ մը պույուրլն, պոյուրլն ըսելով իր աթոռը ինծի տուաւ, միւնոյն ատեն սիկառ մը հրամցնելով, հրամայեց որ սուրճ մը բերեն. յետոյ ծիծաղդ կոտ դէմքով մը ինծի դասնալով թրշերէն ըսաւ հեղնանքով.

— Ով գիտէ ինչե՛ր կ'անցնէք մտքերնուդ, փափաղ էք. : Եետոյ առանց սպասելու իմ պատասխանիս, շարունակեց.

— Զեր տաքզլուխներէն մէկ քանի հոգի անկախ չայստան մը կազմակերպել ուզեր են և մեծ ոճիրներ ընել ծրագրեր են: Ատոր համար անոնք ձերբակալուեցան և Պատերազմական Ատեանի կողմէ մահուան դատապարտուեցան: Մահավճիւր առտուն պիտի գործադրուի: Զեզի կանչեցինք, որպէս զի անոնց վերջին կրօնական պարտականութիւննին կատարել ուս:

Եետոյ հետաքրքրուեցաւ իմ ընտանեկան պարագաներով և ընտանիքս մտատանջութենէ աղատելու համար հեռաձյնեց Գումգարուի ոստիկանատունը, որպէս զի տունը լուր տան:

Եետոյ իմացայ որ ինծի հետ խօսող այդ անձին անունն էր Քէլ Օսման պէյ:

Երեք քառորդ ժամ յետոյ Քէլ Օսման պէյ զիս յանձնեց նոյն տեղի սէր-քոմիտէրին, յանձնարարելով որ զիշերուան ժամը 2ին զիս տանի Պատերազմական Ատեան, որոշեալ պաշտօնեաներով:

Եետոյ ինծի դառնալով և նոյն հեղնական շեշտով ու ուղայէլական ժայտով սը ըսաւ.

— Փափաղ էֆէնտի, անոնց հետ երես երեսի բերուած ատենդ ըսէ որ այս աշխարհին մէջ հանդարտ չկեցու-

զին մահը այսպէս կ'ըլլայ: Զըլլայ որ անդիի աշխարհին մէջ ալ յեղափոխութիւն հանել փորձեն, որովհետեւ հոնամեղի պատիժը աւելի խիստ է:

ՊԱՏԵՐԱԶՄԱԿԱՆ ԱՏԵԱՆԻՆ ՄԷՋ

Մէկ երկու ժամ այդաեղ սպասելէ յետոյ զիս տարին դէպի Պատերազմական Ատեանը: Ոտքերս ինծի չէին հապատակեր, զինովի նման կը քալէի, առանց մտածելու և առանց կամքի: Մտածումներս խոցս կուտային ուղեղէս և մեծ բան, եթէ այդաեղ չինկայ մահացած:

Պատերազմական Ատեանի առջեւ հասած էինք, երբ սթափեցայ, տեսնելով այն եռոտանիները, ուրկէ պիտի կախուէին քիչ յետոյ մեր նահատակները: Արիւնը գլուխս խուժեց, պաղ քրտինք մը պատեց մարմինս և ուժաթափ պիտի իյնայի, բայց քովիննելս բռնեցին:

Ներս մտանք Պատերազմական Ատեանի պաշտօնատունին և առաջնորդուեցանք սենեակ մը, ուր կային սպայ մը և զինուորական բժիշկ մը: Դուռին մօտ նստած էին երկու գնչուներ, որոնք կը պատրաստէին կախաղանի չոււանները: Սպաններ կ'երթային, կուգային դրան առջեւէն և կը կատակէին գնչուներուն հետ:

Ժամէն աւելի սպասեցինք հոտ:

Առաջոտուն Յու կէսին ատենները պաշտօնատունը սկսաւ ոգեւորուիլ: Սպաններ կուգային սուրերնին շաշեցնելով, գուռները կը բացուէին, կը գոցուէին:

Բակին սիւներուն և ձեզունին մէջ բոյն դրած աղաւնիներն տլ արթնցած էին և իրենց տխուր զո՛ւ, զո՛ւ, զո՛ւ կանչովը կարծես կուլային և կ'ողբային մահը այն քսան կորիճներուն, որոնք ինքիլինքնին կը զոհէին Հայստանի համար:

Անմեղ թաշնիկներուն այդ կանչը զիս աւելի յուզեց և արտառուալից կ'սպաէի պատահելիքին:

ԴԱՏԱՊԱՐՏԵԱԼՆԵՐՈՒՆ ՀԵՏ

Ներս մտցուցին 10 հոգի, որոնց մէջ էին նաև Տօքթ. Պէննէն, Բանուորը: Անոնք ոտքի վրայ սպասեցին, երբ

ներս մտան Պատերազմական Ատեանի նախագահը, անդամները, մէրքէզ քօմանտանին և իր օդնականը, ոստիկանական տնօրէն Պէտրի Կոչուած հրէշը, Ընկերակցութեա մը մէրքէզ մէմուրիներու, քօմիսէրներու, գաղտնի ոստիկաններու։ Անոնցմէ վերջ ներս մտաւ երիտասարդ սպայ մը, ձեռքը բռնած ծրար մը թուղթ, և դառնալով դատապարտ եալներուն, ըստ թուրքերէն.

— Ψωτερωαρμακων Αισθεωνη δεκ δωδεκων η αισθαλωρ-
τωσθ επιλογη, Σημειωση ψωτερωαρματων εις θηληση
δωδεκων η αισθαλωρης αισθητης ιανης η αισθητης

զարգացման վրա կատարել պիտի տայս է բրիտանացին մէկը՝ որուն անունը չեմ կընար մըտաքերել, որովհետեւ չափազանց յուղուած էի, երեսիս վրայ ինկաւ և բարձրածայն սկսաւ հենեկաւ:

Երբ պաշտօնեանեթը ուղեցին զայն վերցնել, իր ընկեր-
ները Թող չտուին. Իրենք վերցուցին և սկսան քաջալերել:
Հրաման ըրին ինծի կատարել արարողութիւնը:

Սկսայ արտասանել Մեղայ ամենասուրբը, որուն կը պատասխանէին Մեղայ Ասուծոյ բնելով միասնան:

Զուր ուզեցի: Եթև մը ջուր և գաւաթ մը բերին, զոր օրհնեցի, խաչակնակեցին և բոլորը խմեսին անել.

Երբ արարողութիւնը լմցաւ, սպայ մը զիս առաւ և
տարաւ քովի սենեակը:

Ես կը կարծէի որ մահուան դատապարտուածները այդ-
քան էին միայն, բայց տեսայ որ հոն ալ 10 հոգի կային:
Ամենէն առաջ աշքիս զարկաւ հին և լաւ ծանօթներէս
Սրամ Աշքպայենան:

Աչքպաշ հարցուց միւս ընկերներուն ուր ըլլաւու
մասին. յետոյ խստիւ պատուիրեց որ իրենց մարմինները
առանձին առանձին չթաղեմ, այլ բոլորը միասին մէկ
իսոսի մէջ:

Ես հաղիւ կը լսէի բաածները, այն աստիճան ուժաթափ ղած էի հոգեպէս և ֆիզիքապէս:

Երբ բոլոր արարողութիւնները վերջացան, ամէն մէկուն
տուին թուղթ և մատիտ, իրենց կտակները գրելու համար:
Յետոյ բերին մահուան ճերմակ շապիկներ և մէջմէկ հատ
բաժնեցին իւրաքանչիւրին:

Այդ միջոցին մահապարտներէն մէկը դառնալով դէպի սպան, պոռաց թուրքերէն:

— Ինչպէս որ զիս մահուան դատապարտեցիր, անանկալ դուն հազգօ՞ւր շապիկս և թեւերս դուն կատէ'...

Սալան սարսափած ետ ետ գնաց, մինչ երիտասարդը
յարեց.

— Ինչու կը սարսափիս :

Այս խօսքին վրայ սպան դողահար մօտեցաւ, հազցուց շապիկը և կապեց ձեռքերը:

Շապին Գարահիսարցի Գառնիկ, որ մինչեւ այն ատեն լուս կեցած էր, յանկարծ պոռաց թուրքերէն.

— Ո՞վ սճրագործներ, եթէ ուզած երեսուն սակի կա-
շառքնիդ տուած ըլլայի, զիս ազատ կ'արձակէիք, չէ՞:

Յետոյ հանեց զրպանէն հաշուետետը, սանտր մը, կարդ
մը թուղթեր և սոկի ժամացոյց-շղթայ մը, զոր ինծի յանձ-
նեց: Երեմիս Մանուկեան ալ սոսկեզօծ գեղեցիկ գրիչ մը
տալով ինծի, յանձնաբարեց կնոջը տալ, իբրև յիշա-
տակ:

Երբ շապիկները հազցուցին և ձեռքերը կապեցին, հը-
րաման եղաւ որ դուրս տարուին։ Այդ միջացին սպայ մը
ձեռքէս առաւ աւանդները, ըսելով որ մահապարտներու
պարագաներուն պիտի տայ զանոնք։

ԿԱԽԱՂԱՆԵՐՈՒՆ ԱՌՁԵՒ

Քսան ընկերները տարին կեցուցին կախաղաններուն
առջեւ։ Մէկ երկուքը կը դողային և կը դանդաշէին. բայց
մեծ մասը անժօներ կերպով կը դիմագրաւէին մահուան և
կ'արհամարէին զայն։ Այն հագեստն կօրովը, որ ցոյց կու-
տային անոնք, կը վարափէր 701.րուն Առ կը տոկայի այդ տե-
արանին։

բերնէն, որովհետեւ համօղուած զինուորներն էին ազատութեան բանակին։ Անոնց յիշտառակը պէտք է ըլլայ անմեռ մեր նոր սերունդին համար, քաւելու այդ մարտիրոսներու գծած արեան ուղիէն։

Այդ միջոցին Մերժիկ Գօմանտանին հանեց ծալլուած խոշոր թուղթ մը, համբուրեց, իր օգնականին յանձնեց, ան աւ իր կարգին համբուրելէ վերջ տուաւ ընդհ. դատախազին, որ կարդաց Սուլթանէն վաւերացուած մահավճիռը։ Այն վայրկեանին, երբ կը կարդացուէր թէ ի՞նչ յանցանքի համար դատապարտուած էին, բոլորը միասին պոռացին, յուզուած, բայց ուժեղ ձայնով մը.

— Կեցցէ՛ Հայաստան, կեցցէ՛ Հայաստան։

Մահավճուին ընթերցումէն յետոյ Փարամազ դարձաւ իր ընկերներուն և քաջալերական խօսքեր ըրաւ անոնց, հաւ կառակ անոր որ արգելք ըլլալ կուզէին, մինչ Տօքթ. Պէննէ կը պոռաք դահլիճներու երեսեն։

— Մեզ, քսանս կը կախէք, բայց քսան հազարներ պիտի հետեւին մեզի։

Լոեցուցին։ Այս խօսքերը իբրև մէյմէկ հրաշէկ երկաթ կը մխուէին անոնց գանկերուն մէջ։

Առաջին անգամ Փարամազը աարին կառավինատին առջեւ, իսկ զիս բաժնեցին անոնցմէ և տարին այն սենեակը, ուր արարողութիւն կատարեր էի։

Պատուհանէն կրցայ հետեւիլ այդ տիսուր տեսարանին, չուշաթափուելու համար գերմարդկային ճիգեր ընելով։

Յաջորդաբար կը տանէին և կը կախէին։

Մէկ քանի ցնցումներ և կ'անշնջանալին անոնք։

Յանկարծ երգի մը ձայնը լսւեցաւ։

Երուանդն էր, Բանուորը, որ երգով կը դիմաւորէր մահը, արհամարհելով զայն։

Անենայն տեղ մահը մի է

Մարդ մի անգամ պիս' մեռնի,

Բայց երանի, որ իւր ազգին

Ազատութեան կը զոհուի...

Երգին վերջին վանկերը խառնւեցան մահուան հոկւնդիւններուն հետ։

ՓԱՐՍՄԱԳ



Երբ վերջացաւ սարսուազգեցիկ այդ գործը, բոլորին վեղէն կախեցին տախտակներ, որոնց վրայ իրենց մահավճիռը դրուած էր և լուսանկարիչ մը լուսանկարեց կախաղանները:

Ա. լուսանկարումէն յետոյ զինուորական բժիշկներ օրինական քննութիւնը կատարելով քակեցին ձեռքերը և կրկին լուսանկարեցին:

Քիչ վերջը եկաւ զինուորական բեռամբարձ օթօմօպիլ մը, ուր լեցուցին նահատակներուն մարմինները:

Օթօմօպիլը դուրս ելաւ էսկի Մերայի դուռնէն և ուղղուեցաւ Շահզատէի կողմը:

Զիս տարին Պայազիտի ստիկանական կեղբոնը, հոնթուղթ մը ստորագրել տուին և մէկ քանի ժամ վար դնելէ յետոյ ազատ թողուցին:

Երբ ստիկանատունէն դուրս ելայ, խելակորոյս էի: Տեսածներս, քնատ վիճակս այն տեսակ վերի վայր ըրած էին հոգիս, որ մարդկութենէ դուրս բան մը եղած էի: Քայլերս անդիտակցաբար ուղղեցի դէպի տուն:

Հոն հասնելուս կիսամեռ ինկայ և առանց կարենալ պատասխանելու ինծի եղած հարցումներուն, սկսայ զղային լացով մը հեկեկալ: Քիչ մը հանդարտելէ յետոյ պատմեցի եղելութիւնը և գացի Մայր եկեղեցի, ուր թուզ, Խորհուրդի մէկ քանի անդամները և քահանայ եղբայրներս ինծի կը սպասէին: Ստիպուեցայ կրկնել պատմութիւնս, զոր յուղումով լուցին:

Զաւէն Պատրիարք լսած ըլլալով ինծի պատահածը, լուր զրկած էր: Գացի և դէպքը պատմեցի իր բոլոր մանրամասնութիւններով, սինչ Սրբազնը արտասուալից մտիկ կ'ընէր ըսածներուս և սիրու կ'արիւնէր:

Սակայն աակաւին վերջացած չէր:

Հազիւ եկեղեցի վերադարձայ, ինծի լուր բերին թէ ստիկանական պահականոցէն զիս կանչած են: Նորէն հոգիի, ինծի յանդիմանեցին թէ ինչո՞ւ կախուողներուն մարմինները ձգած եմ և զացած: Պատասխանեցի որ իրենք զիս ճամբեցին և ոչ թէ ես փախայ:

Զիս քաշկրտեցին ոստիկանատունէ ոստիկանատուն,
պատերազմական ատեան, միւտիրիյէթ և մէկ քանի ժամ-
ուան չարչարանքէ յետոյ ճամբեցին։ Երբ խնդրեցի որ թոյլ
արուի ինծի երթալ և թաղման արարողութիւն կատարել,
Պէտրի պէտք երեսիս պոռաց։

— Անանկներուն ոչ մէկ բան պէտք է, անոնք միւլէթ
խայլինի են։

Սյսպէս վարձատրուեցան անոնք, որոնք մահը արհա-
մարեցին Հայաստանի համար, այսպէս խժդօրէն նահա-
տակուեցան իրենց կեանքի գարսւնին մէջ այդ անձնուրաց
գործիչները և խոստմնալից մտաւորականները, որպէս զի
«հայը որ կաթիլ կաթիլ կը մեռնէր», ազատէր այդ մահէն։
Հանգիստ անոնց ոսկորներուն և օրհնութիւն անոնց յիշա-
տակին։

ՈՒԽ ՏԱՏԵՂԻՆ

Էտիրնեգարուի Հայոց գերեզմանատան պատին դուրսի
կողմը, հասարակաց փոսի մը մէջ կը հանգչին անոնք, հա-
մաձայն Աչրբայսի կտակին, եղբայրական բունով մը։ Զկայ
շիրմ, չկան ծաղիկներ, որովհետ անոնք չքալեցին ծաղիկ-
ներու վրային, այլ նախընտեցին փոս նամբան եւ պէտք

Ուխտի վայր մըն է անիկա ընկերներու համար, մինչեւ
այն օրը երբ այդ նուիրական անիւնները կը փոխա-
դրուին հայրենի հողին վրայ, ազատագրուած ամեն տեսակ

ՄԱՅԱՎՃԻՌ

Ահա այն զեկոյցը, զոր 1915 Յունիսին, Պոլսի Պատե-
րազմական Ատեանը հաղորդեց մամուլին, բան Հեղակ-
եան բնկերներու մասին, անոնց կախաղան բարձրահա-
յին յետոյ։

Պատերազմական Ատեանին առջեւ ի ներկայութեան տեղի
ունեցած դատավարութեամբ հաստատուեցաւ թէ հետեւեալ
անձերը անկախ եւ ինքնօրին Հայաստան մը կազմելու համար
ոնբափորձեր սարքած են եւ օստրեները կայս։ կառավարու-
թեան դէմ գրզուելու եղանակով, ձեռնարկած են կայս։ Եր-
կիրներուն մէկ մասը օսմ. կառավարութեան անջատելու, եւ
այս նպատակով օսար Երկիրներու զանազան տեղերք գաղտնի
ու յայտնի համաժողովներ գումարելով հանդերձ հրատա-
րակութիւններ, գրզութիւններ եւ բղրակցութիւններ ըրած
են։ Այդ անձերը հետեւեալներն են։

ՀԵշակեան կուսակցութեան ազդեցիկ անդամներէն եւ
Ռուսանական Կովկասի Փարամազ անունով ծանօթ՝ Մատ-
րիոս Սարգսիսին եւ կամ Թէկիրտաղցի Համբարձում Գրիգոր։

Վարնացի Յակոբ Դավարեան, որդի Մուրատեանի, ուրիշ
անունով Մուրատ Զաբարեան։

Կիրատնեցի մասկ Մինաս, որդի Գաբրիէլ Քէփէս սնի,
ուրիշ անունով Մամանցի Սարը Խաչիկ կամ Մինաս։

Դերձակ Պիրլիսցի Սմբատ, որդի Վարդան Գըլլենեանի,
ուրիշ անունով Անկուտի Պէտրոս։

Յանձնակատար Զմէկածակցի Վահան Պօյանեան, ուրիշ
անունով Ռուբէն, որդի Մինաս Կարապետեանի։

Խարբերդի Տօֆք. Պետրոս, որդի Պետրի Թուրունեանի:
Վաճառական Արմենակ, որդի Համբարձումի:
Կուկակար Արքահամ, որդի Ստեփան Մուրասեանի:
Կալուածական միջնորդ՝ Արաքիւրցի Արամ, որդի Կարապէս Աշրգիւրցի:

Բժշկական վարժարանին Գ. դասարանին ուսանողներէն Արամ, որդի Արքահամ Եկատեանի:

Սարանխանէի մէջ վրան չինող զործաւոր Շապին Գարանխարցի Գարեգին, որդի Առաքել Պողոսիանի:

Քիլիսի Հնչակեան մասնանիւլի Յախազան, Մինկերի ընկերութեան հաւաքիչ՝ Յակոբ, որդի Ղազար Պասմանեանի:

Նոյն նիւդին անդամներէն եւ Հայոց վարժարանին ուսուցիչներէն թովմաս, որդի Վահան Թովմասեանի:

Կուկակար Երեմիա, որդի Կիպրիանոս Մանուկեանի:

Խարբերդի Հնչակեան նիւդին անդամներէն Մկրտիչ, Յովհաննես Էպիքնեսեան:

Զինուորական վարժարանին մէջ, սպայութեան քեկնածու, Վանեցի Գեղամ, որդի Կարապէս Վանիկեանի:

Պարտիզակի Հայոց վարժարանի ուսուցիչներէն Երուանդ Թօփուղեան:

Գայսերի Հնչակեան նիւդին անդամներէն եւ վարժարանի ուսուցիչներէն՝ Յովհաննես, որդի Ստեփան Եղիազարեանի:

Դուրը գահունի Գառնիկ, որդի Գրիգոր Պօյանեանի:

Կ. Պոլսի Պատ. Ասեանը բաղաբային պատժական օրենքին 54րդ յօդուածին համաձայն վերոգրեալ անձերը մասնուան դաստավարէց, Վեհ. Սուլրանը վաւերացուց վճիռը, որով եղած կայս. իրատէին համաձայն, վերոգրեալ անձերը, Յունիս 2ի առունե, ժամը 3 ու կեսին (Ը. Ե.) ըստ սովորութեան բերուած կրօնական պատօնեայի կողմէ կրօնական արարողութիւնը կատարուելէ, կտակնին գրելէ ու բժշկական հնութեան ենթարկուելէ Եսքը, պատերազմական պատօնատան դիմացի կառափնատելին տարուելով, մասու պատիմին ենթարկուեցան:

Վերոգրեալ ոճիրին համար ի բացակայութեան դարձեալ մահուան դասապարտուած Քօմիրէին ընդի. կեդրոնին նախազան Սապահգիւեանի եւ անդամներէն Վարազրատի մասին ալ ձեռնարկուած է օրէնքին պահանջմանց զործադրութեան:

ԿԱԽՈՒՈՂ ՔՍԱՆ ՀՆՉԱԿԵԱՆՆԵՐԸ

Գրեց՝ Թէ՛ՌԻԿ

ՅԵՏԱՐԱՐՁ ԱԿՆԱՐԿ

Պալքանեան պատերազմի վաղորդայնին, տարիներէն հետէ հարստահարուած ազգը, իր հնամաշ բայց տօկուն սաւլն վրայ կրկին կը սկսի ծեծել իր գոյութեան խնդիրը, բարենորոգմանց յաւիտենական հարցը՝ զոր Եւրոպա կը հաճի վերջապէս նկատի առնել և անոր զործադրութիւնը պարտադրել Կաբէէն ա'յնքան սաստիկ պարտուած դուրս ելող Իթթիհատի կառավարութեան։ Սուրբի պէս անուններ կը յեղյեղենք ամէն օր. Հօֆ և Վէսթէնէնկ, Իթթիհատի պարագլուխներուն Ջիղերը թունդ ելած են սակայն։ Պէտք էր վիճեցնել իր սաղմնային վիճակին մէջ իսկ—Հայկական նահանգներու բարենորոգմանց այդ ինդիրը։ Ի՞նչ կերպով.—Հայուն բնաշնչումով։ Պատերազմի հոգ, հաշիւ, բանակ, յաղթանակի երազ, ամէն ինչ կարծես մարած է հոգիներնուն մէջ։ Իրենց մասունքին, իրենց հնանուքին ոռանցքը մինակ մենք է որ կը կազմենք։ Եւ ահա կը պայթի ընդհանուր Պատերազմը։ Ամենապատեհ, թանկազին առիթ՝ իրենց սեւ ծրագիրը հասունցնելու և իսկոյն զործադրելու։ Դեսպանները մեկնած են վաղուց, ո՛չ ոք ունին շուրջերնին՝ իրենց արարքին քննադատ։ Ու կը սկսի խոլ բրօքականաց՝ Սթանպոլէն մինչեւ Անատօլու, հեւ ի հեւ, արշաւասոյր։

ՍԵՒ ԳԱՐՈՒՆԸ

Այս անցուղարձերէն ամիսներ առաջ, մայրաքաղաքիս Հայութիւնը խռովքի նոպայէ մը անցած էր արդէն՝ լսելով

ձերբակալումը կարգ մը ազգային գործիչներու : Հայ թերթեր արձագանքը չէին ըլլար այս դէպքին, գրաքննութեան շուրջէն ահարեկ : Ո՞վ էին ատոնք, քանի հոգի էին, ինչո՞ւ բանա էին նետուեր : Իշխնչ որոշ : Ինքնէ բերան շշուկ մը շրջան կ'ընէր միայն թէ Հնչակեան էին ատոնք՝ ֆարամազ, Տքթր . Պէսնէ, Աչըքպաշեան և ուրիշներ, բոլորն ալ ախուր ցուցմունքներու վրայ ձերբակալուած : Թրքահայը չէ բուլորած գարուն մը ա'յն աստիճան սեւ, սգաւոր, որքան 1915 տարուանը : Իր հորիզոնը մթնած էր մէկէն ի մէկ, և ամպերը, որոնք կուտակ կուտակ կը խաղային շարունակ իր գլխուն վերեւ՝ անձրեւ չէ՛ր որ պիտի տեղային, այլ պատռհաս : Քանի մը հարիւր, մտաւորականներու, ազգ . ու կրթական գործիչներու միահաղոյն հաւաքումը զիշերանց՝ ամպերէն է՛ն խոշորն էր, է՛ն աղէտալին : Ատոնցմէ ճի՛շդ չորս օր առաջ Ապրիլ 7ին — իշխնչ եղկելի առաջնութիւննած կը վիճակուէր ճանչնալ վոհմակն իթթիհատի արբանեակներուն, բօլիս, քօմիսէր, մէրքէզներու և միւտիւրիէթի որջերուն հետ, երրորդ անգամն է որ կը կանցուէի պատեանէն, դատուելու, այսինքն սպառնալիքներու տակ պատասխան տալու թէ իշխնչ դիտումով հիւրընկալեր էի տարեցայիս մէջ կլատըթօնի ճառը, ուսւահայ զօրավարներու պատկերներով :

Հաղար հեղ պնդէ՝ դուն թէ գիրքս գրաքննութենէ անցած էր, թէ միւսն ալ քսան տարի առաջ մեռնող մարդ մըն էր և ո՛չ մէկ կապ ունէր արդի քաղաքականութեան հետ, թէ միւսներն ալ 40 տարուան հնութեան մը կը պատկանէին այլեւս :

Անօգուտ, մարդիկը «ինկիլիզ» կը պոռային երեսս ի վեր, ետեւէն «մօռքօֆ էրմէնիլէրի» :

Բազմաթիւ զինուորներ բազմեր էին թիկնաթոռներու վրայ, թնդանօթ և հրացան բուրող մարդիկ, որոնք օրէնքին զիրքը ձգէ՛ կարդացած՝ գուցէ բացա՛, բռնա՛ իսկ չունէին կեանքերուն մէջ :

Նախագահ Նաֆըզ դատաւորի իր դերին մէջ՝ աւելի լուտանք կը տեղար ինձ, քան հարցում .

Վերջին այդ դատավարութիւնը մէկ օր ամբողջ տեւեց : Պրուսայի ջերմուկներէն ամէնէն տաքին մէջ նոււազ կը քրտնի մարդ, քան այդ սրահը, որ կը կոչուէր Տիվանը հարպը էօրփիւ : Իրիկուն է արդէն, երբ վծիուը կ'արձակուի :

Մէյմէկ տարի բանտ և 25ական ոսկի տուգանք շալկած՝ գլխիկոր դուրս կ'ելլեմ տպագրիչիս հետ, անպարտ արձակուող զրաքննիչէն՝ նուսուգեան երուանդէ խնդրելով որ իրիկուան մեզ հանդիպի և պատշաճ ձեւով մը կնոջա հաղորդէ տուն չդառնալուս պարագան :

ԴԵՊԻ ԽՕՎՈՒԵՇ

Կ'առաջնորդեն զմեզ վորանցքէ վորանցք, դիւանէ դիւան : Քացիսած դէմքեր ամենուրեք և կերպարանքներ՝ միշա խաքի հագուստով և «էնվէրիէ»ներով : Արձանագրութիւննիս վերջ չունի : Եղէգէ գրիշներ կը ճռնչեն, հանգըռուանէ հանգրուան, թուղթերու վրայ, մեր անուններուն և դատապարտութեան սեւ լորձունքը փսխելով : Բանտի տնօրէն իսմայիլ Հազզը գիտէ զրօնուէլ մեզի պէս խեղներու հետ : «այս զիշեր միսաքիր էք մեզի . վաղը պալատ պիտի առաջնորդուիք» կը տարուինք ուրիշ սենեակ մը : «Զէնք ունիք վրանիդ» կը հարցուի մեր երկութիւն, և պատասխանիս անքաւարար սեպելով կ'սկսին պաշտօնական իուղարկութեան :

Զոյդ ձեռքեր պտոյտներ կը կատարեն մեր կողերուն ու զիստերուն բոլորտիքը, մատներ կը մտնեն նոյնիսկ բաճկոնակի գրպաններէ ներս և մատիտ տաշելու յատկացուած պղտիկ Շէֆիլտի մը գիւտովը հպարտ դլուխներ սպառնական ճօնումներ կ'ընեն : Կը թալլեն ինչ որ կը գտնեն վրանիս, ստակ, տետրակ, սանտր ու կապար գրիչ :

«Եօխլամա»ի արարողութիւնը հազիւ թէ աւարտած, մուրզացի հարուած մը կ'ընդունիմ թիկունքիս՝ աչքին մէկը պայթած զինուորէ մը, որ «եիւրիւ» կը մոլտայ իր կլսկած կղակներուն մէջէն : Էօմէր Զավուշն է, տիվանը հարպի արգելանոցի «կառտիան»ներու պետք :

Անդաստակէ մը կ'անցնինք, յետոյ սանդումներէ վար կ'իջնենք, մգլոտ, խոնաւ որջերու, ահաւոր սեւ տուներու և երկաթ ձողերով պատուհաններու շրջանները կը բոլորենք փոխնի փոխ, աչքերնիս հետզհետէ վարժուելով մութին ու սոսկումին, որոնք պատած են ամբողջ առքը սանդարամէտական այս նկուղներուն.

«ՀՆՉԱԿԵՑԻՆ»ՆԵՐՈՒՆ ՀԵՏ

Խաւար ու ամայի ճամբանները հատած են: Հասած ենք դրան մը առաջք, ուր քիչ մը աւելի լոյս կայ և ուկէ մարդկային ձայներ և երթեւեկի աղմուկներ կը հասնին մեր ականջներուն: Կը դնենք քայլերնիս անոր սեմէն ներս վախնի վախ, գլուխնիօ վար, չհամարձակելով մէկ անգամէն նայիլ դէմքերուն հարիւրաւոր այն անձերուն, որոնք խոնւած են հոդ, մեծ խօփուշը:

Հրեայէն մինչեւ գնչուն, Ալպանէն մինչև Լազլը, ամէն դասակ ու հասակ իր ներկայացուցիչն ունի հօն, ուր Հայեր նորէն շահած են առաջնութեան իրաւունքը, այնքան շատուոր են թիւով ու բանտի տնօրէնին խօսքը կը վերյիշեմ. «Այս գիշեր միսափիր էք մեղի», չեմ գիտեր՝ աւելի տրրամելու թէ միսիթարելու համար ինքինքս այդ խածամած ամբոխին մէջ: Երիտասարդ մը կը մօտենայ նշանացի ցոյց տալով որ աջակողմի անկիւնն ուղղուինք, ուր «բարեկամներ» մեզ կը սպասեն եղեր: Հայերէն է խօսածը:

Կ'առաջանանք տատամոտ, քարէ բակին վրայէն, մահճակալներու երկար շարք մը կտրելով և զուր փնտուելով «բարեկամներ», այնչափ անծանօթ դէմքերու մէջէն: Իրենց խշտեակին վրայ ընկողմանած քանի մը հոդի կը շակուին, կերպարանքներնին յարգանքի համեստ արձանացումներ կը ստանան, և արեւելեան ողջոյններ օդին մէջ ձեռամբարձ հօնելով՝ կ'ընդունին զմեղ: Բարեկին կը յաջորդէ «անցած ըլլայ» սիրացաւ խօսքը, իւրաքանչիւրին բերնէն արտաբերուած, իրեւ թէ այդ պայմանադրական բանաձեւը կարենար դոյզն ինչ թեթեւցնել 365ական օրուան դատապարտութեան բեռը:

Եետոյ ինքզինքնին կը ներկայացնեն մեզ.— Աչըքպաշեան, Տօքթ. Պէնսէ, Գեղամ Վանիկեան, Եկաւեան, Պարտիզակցի Բանուոր և դեռ ուրիշներ, որոնց ձեռք կ'երկարեմ կարգաւ, մորմոքանքս զսպելու յայտնի ծիգով մը: Տառապանքը մէկէն ի մէկ կ'եղբայրացնէր զմեզ այդ դժոխքին մէջ, որ կը թուէր բռնի քաւարանն ըլլալ մեղք չունեցող Հայութեան:

ԱՍՈՒԼԻՍ

Մեր շուրջն են խռնուած բոլորն ալ: Կուգան ու կ'երթան, կ'երթան ու կուգան, ուրիշներէ ուշադրութիւն չգրաւելու շրջանայեցութեամբ:

Կը հետաքրքրուին մեր դատով զոր կը պատմեմ համառօտակի, ի՞նչ չափով որ կրնալ պատմել մարդ յայտնի անարդարութենէն առթուած իր բողոքը՝ վշտին ծանրութեանը տակ:

Անոնք ալ իրենցը կը պատմեն անցողակի, չուզելով ամբողջ վեր առնել սեւ վարագոյրը, որուն ետեւ 8 ամիսէ ի վեր իրենց տռամը բեմադրուելու վրայ էր այնքան եղեռնականօրէն:

Ճիշդ ետեւ, ծերունի մը կկուզ՝ գիրք կը կարդայ մեղմաձայն. աշխարհաբառ հին Աստուածաշունչ մըն է ձեռքինը:

Անուն մը յանկարծ ռումբի պէս կը պայթի մեր խօսակցութեան մէջ, Արշաւիր: Տօքթ. Պէնսէ ծուռ ծուռ երեսը կը նայի զայն արտասանողին:

Ասուլիսը կը դադրի պահ մը: Յետոյ ուրիշ անուն մըն ալ, Արամեանց: Կարգը Աչըքպաշեանինն է՝ տօքթորին դերը կատարելու՝ ակնարկով: Կրկին լուսթիւն, զոր ես կը խզեմ այս անգամ:

— Բայց Փարամազը չտեսայ մէջերնիդ:

— Անիկա զատ սենեակ մըն է:

Ու մրրիկի պէս ուժգին կուգան գրոնել մտքիս մէջ նոր յայտնութիւններ, կարծես ուղեղու ասղնտելով. Քէօսթէննէի ժողով, դաւադրական ձեռնարկ, Թալէաթի խնդիր, մատնիչի դերեր, խեղաթիւրումներ . . . :

Նոյն պահուն ուրիշ մը մօտեցած է մեզ, ցաւակցական բառեր շրթունքին:

Ու պատմութիւնը կ'ընդհատի, ա'լ բերան չառնուելու պայմանաւ:

Դուրսը մթնած է արդէն: Բայց մութը որ հոգիէս ներս կը լեցուի՝ աւելի թանձր է: Լոյսերը զուր կը վառին քիչ յետոյ: Կ'երթանք սմբիլ խրիսլիկ երկաթ թելերու վրայ, չուլ մը տակերնիս, միակ մահճակալը որ թափուր է ահագին որդին մէջ:

ՊՈՂՈՍ ԱՂԱ

Չեմ յիշեր որքան ատեն կը մնամ ընկողմանած այդ դիրքին մէջ, այս «միսաֆիրնանէ»էն գէպի վաղուան բանտս աչքի առջեւ բերելով և խորհելով այնքան անհարկի կերպով բզբուտած ազատութեանս վրայ, երբ մարդուկ մը կը տնկուի ոտքերնուս կողմը:

Մեծկակ, հին վերաբերուի մը մէջ իրանը թաղուած է ամբողջ. օձիքներէն աղտ կը ճռաւ: թեւերը կախ՝ ծալլած է փորին, և նայուածքով մը, ոռ մուրացիկի երեւոյթն ունի կը սկսի բաներ մը մրթմրթալ իր յոգնած պոկունքին մէջէն: Բա՛ն չեմ հասկնար: Կը յիշեմ միայն որ ժամ մը առաջ Ա. Գիրք ընթերցողն է:

Բարեբաղդաբար Վանիկ կը հասնի իր մօտ և կը ճանցնէ ինձ Պօղոս աղան, այդ պատուական հայը՝ որ «Աւետարանին չափ սուրբ նկատած էր իր կուսակցութիւնը, հոգեւին փարած անոր»:

— Խօսէ, Պօղոս աղա, խօսէ:

— Դուն խօսէ, ես մտիկ բնել: Եօլոտան կէլէն հալտէն անլար: Թօշիկեանը կ'աղաչէ կոր քեզի՝ իմանալու թէ ի՞նչ լուր ունիս դուրսէն իր գործին վրայօք:

— Թօշիկեանը հո՞ս է որ,

— Նա՛, դէմի սենեակն է:

Եւ աչքերս պիշ՝ կը նայիմ հեռուն, խօվուշին ձախ անկիւնը՝ փայտորմով եղերուած նեղ խցիկ մը, որուն դրանը ճեղքէն բաներ մը կը պճլուան: Ճրագին լոյսն է որ անոր

ակնոցին ապակիին վրան է ինկած: Հէգ Վահան, 45 օրէ ի վեր այդ ծակուլիկին մէջ միսմինակ՝ սրտապնդիչ լուրի մը կը սպասէր գրչի ախապարիկէ մը, որ իր կարգին այնքան կարօտ էր միսիթարութեան: Ա. Փասո՞ս, անդիտակ էի իր գործին էութեանը մասին: Պէտք էր սակայն բան մը ըսել, աւելի շիտակը՝ յարմարցնել: Եւ մտքիս մէջ սուտ մը ողջունձեւելով՝ իսկոյն սկսայ ձայնով արտայայել զայն:

— Էսէ որ ամէն ձեւակերպութիւն աւարտած է ի նպաստ իրեն, կը մնայ պղտիկ ստուգութիւն մըն ալ կատարել, մէկ երկու օրէն ազատ արձակուելու համար:

Սրգելք կար հետը խօսելու: Մարդուկը խօսքերս Հայր Մերի պէս գոց ըրած, հեռացաւ գէպի փայտորմ և համրիչ մը հանելով՝ գրպանէն, սկսաւ այդ կողմերը սլքտալ և մաս մաս պարպել ինէ ընդունուած սուտը, աչքերը գետին:

Եւ Վահան այդ գիշեր առաջին քունն էր որ կ'ունենար խաղաղ, կամ ուրախութենէն բսաւ չէր ունենար: Սա ստոյգ է որ սուտ իրականութիւն մըն էր դարձեր և վազայաչորդ օրն իսկ անիկա կ'արձակէր բանտէն:

ՆԱԽԱՃԱՇԻ ՄԻՋԱԴԵՊԸ

Խարազանը կը չաչի հօմէր Զավուշի ձեռքին մէջ: Աւձնիւր ոք իր խշին քաշուած՝ կը պարտաւորուի պառկիլ: Դժօխային խժլութը կը մարի վայրկեանէ վայրկեան, և մէկ պահիկէն շնչառութեան կերկերուն շնուկներ կը ծփան միլոցին մէջ:

Աչքս աչքիս չեմ դներ: Գիշերն ի բուն տունս կ'երացեմ արթուն: Յետոյ կ'սպասեմ անձկագին առաջուան բարերար լոյսին, որ ահա պատուհանէն կը սողոսկի ներս: Կոպերս կ'այրին անքննութենէն:

Հրաւեր կը ստանամ Հմայեակէն, նախաճաշը մէկտեղ ընելու: Մերժումս խոտոր պիտի համեմատէր կենցաղագիտութեան հետ: Իր բազմոցը կ'ուղղուիմ, և հացը զոր բանտին քար և կծու պանիրին հետ կը ծասեմ, կը թուրի խոշորնալ բերնիս մէջ: Ախորժա՛կ, բանտարկեալի՞ն քով: Վլուայէն սիկառ: Աչքալաշեանի մեծարանք: Կը խօսինք ու

սիկառնուս հետ Հայուն ցաւը կը մխանք: Արամ կը կանչըուի յանկաքծ, երթալու՝ դուրսի մեծ Մէջտանը աւելածուի իր պաշտօնը կատարելու համար: Մինչ նայուածքս կը հետեւի իրեն, և կը տեսնեմ բռունցքները որ կը տեղան փէսին՝ փոշիի ամպերուն մէջէն, կոթունաւոր աւելը շարժը թած պահուն: — Սիրելիս, կը ձայնէ Արամեանց վարանոտ, բաւ համարե՞նք այսչափը, երկուքնիս հոս մէկտեղուած՝ կասկած հրաւիրած կ'ըլլանք, զմեղ լրտեսողներ կան դուրսէն»: Ստուերի պէս կը հեռանամ քովէն ու կը սկսիմ զեգերիլ մեծ բակին երկայնքն ի վար:

Պէսնէ՝ աջ, վանիկ՝ ձախ թեւերս մոսած են ու խօսութեառուքը սկսած է արդէն: Կը պատմեմ միջադէպը: «Զգէ՛սա խայտառակը, կը ձայնէ Տօթորը, իր երեսէն չէ՝ որ կը ճգնինք դեռ...»: Մանրամասնութեանց չմտնէր: Ես, իմ կարդիս, կը վարանիմ վեր առնել սարսուի քօղը: Գշերուան մը հիւր էի իրենց սօս: Կը խորհէի միայն որ տառապանքնին վերջ պիտի գտնէր անշուշտ օր մը և տպագային պիտի լոէինք ամէն ինչ: Խմացածներս կցկուր խօսքեր էին լոկ, որոնց տակ կը թաղուէր կծիկն այն խոշոր ու կոկագին գաղտնիքին, զոր, ափսո՞ս, հետերնին ասրին քսաննին մէկանց...:

ԱՆՁԿՈՒԹԵԱՆ ՕՐԵՐ

Մեր բանտն ենք հիմա, Սուլթան Պայազիտէն վոյխադրուած Սուլթան Ահմէտ, Հապսահանչի Ումումին: Պէտք էինք ապրիլ կտուց կտուցի 500 մարդերու հետ, որոնց շունչը գարշահոտութիւն էր և որոնց աղօթքը՝ հայհոյանք. մարդեր ոճիրի ու մեղքի աւաղանին մէջ երկիցս, երիցս մկրտած: Շատ անգամ կը յիշէի Փարամազի ընկերները՝ որոնց իւրաքանչիւր անդամը ճանչնալու տիտուր պատեհութիւնը ունեցեր էի անժոռանալի Ապրիլ 7ի այն գիշերը: Ամիս մը ետք, էրիկ մարդոց այցելութեան ուրբաթ օր մը գաւառացի մը բանտ տեսութեան կուգար, հաղորդելու համար կարեւոր մէկ խնդրանքը 20նոց խումբին: Կացութիւննին ծանրացեր էր, կ'ուզէին որ լուր մը փութացնէինք

Պատրիարքարան, տեսակ մը խմած՝ մահուան ծովուն ալիքներուն հետ ոգորող այդ տղոց:

Յաջորդ օրն իսկ բանտին տէրաէրը կը վազցնէի Պատրիարքին վրայ, որուն ձեռքէն բան չէր գար, ցորչափ թալէաթը կար անդին, այդ գազանապետը, որ յամառած կը մնար Հայոց հոգեւոր պետին այցելութիւնն իսկ չընդունելու:

ՀԱՅՈՒՆ ԿԱԽԱՂԱՆՆԵՒՀԻ

Մայիս 31: «Անկարիա»ի կը հանեն զմեղ այսօր: Պահանգը կ'առաջնորդէ քանի մը հայ՝ բանտին ատաղձի գործարանը: Գերաններ պիտի ջարդուին թերթ թերթ: Սղոցին անիւը կը դարձնեն փոխն ի փոխ բեւեռագործ Դանիէլ Զընուշին, բեռնակիր Խաչիկ Սուշէհիցին ու գրչի մըսկ թէոդիկ Սթանպուլցին: Հոգինիս բերաննիս կուգայ, բանտ չէ: թիարան է աս: Իրիկուան, երբ հոռոմ խալֆան — ան ալ մեղի պէս «մահպուս» — կը դառնայ խօվուշնիս գոյժ մը ունի շրթունքին:

Տնօրէնը 15 կախաղանչ ձող ապսպրեր է: 3 անգամ 15-45: Խալֆան իր հաշիւը ընկելու վրայ թող ըլլայ, սոսկում համակած է մեր հոգիները: Գերանները մենք էինք սղոցեր, հայուն կառափնատը մենք էինք կերտեր...: Ովքեր էին արդեօք: Մարդ սիրածին վրայ չդներ: Անանկը ըրինք մենք ալ: Բայց յաջորդ օր, յունիս 1, շշուկներ կը շրջագային օրն ի բռու: 15 հոգի կ'ըսեն. 21, չէ 23, ու մէջերնիս այս թիւը մէջ չեւ 50 բարձրացնողներ կը գտնուին տաճիկներէն: Իրիկուան՝ Թօրալ Դամիկը կուգայ, մեր բանտին դարբնոցապետը: Անթացուպը կը պառկեցնէ գետին ու վրան դնելով յետոյքը, կը սկսի բաներ մը փորբառաւ ինձ:

Ալի Զավուշ անուն զինուոր մը բանտապետին արտօնութեամբ եկեր կը սպասէ եղեր դարբնոցը: «Հինգ խալիս ունին եղեր, 15 հատ տահա կ'ուզեն կոր, ի՞նչ կ'ըսես, չինսմ» կը հարցնէ ինձ դող ելած ձայնով մը: «Զշինեն ծէծ կայ» կ'ապաղաւոծ՝ ազգակից մը անդիէն: «Աս չորնալիք

ծառուըներո՞վս պիտի շինեմ...» և աչքերը կը լեցուին: Կեանքիս մէջ չեմ հանդիպած, հանդիպելիք ալ չունիմ, մարդու մը որ այքան տառապանք զգացած ըլլար, որքան կ'ենթադրեմ թէ զգաց երկաթագործ այդ Հայ տղան՝ ահաւոր օղակները դարբնած պահուն:

Դիշեր է. մէկ սեւեռամտածում կը Աք ուղեղս, քանի մը ժամ վերջ՝ մենէ փարսախ մը հեռուն՝ ընկերներս դատապարտուած էին մահապարտի շապիկնին հագնիլ և չուանէ՝ զէրօյիս մէջ չփացնել կանանչ արիւնին: Քրէիքուր ի՞նչ յանցանք ծանրացեր էր իրենց վրայ: Կը մտմտած ու խելքս տեղ մը չկրնար յանդիլ: Տեղ մըն ալ չեմ կրնար սղմիլ: Պարտէցն եմ, միս մինակ, վեր վար պատեելու ետեւէ: Եւ ահա, տեսութեան յատկացեալ յարկաբաժնին՝ մթամած ձողերուն ծերպերէն կը նշմարեմ ցիցերը, մեր սղոցած փայտերը...:

Ահաւոր եռոտանիներու աշտարակման փորձն է ըրածնին: Բիբերս կը սկսին խիմիլ անոնց տեսքէն: Կը փախչիմ դէպի վեր, դէպի որջու գիշերային, մահը բարեւող դիւահարի մը պէս: Շատ չանցած օթօմօպիլ մը կը հեւայ դուրսի դրան առաջքը: Զողերը ծալլեր՝ Պայազիտ կը տանէին...: Ու խօփուշին հաստ կամարը մինչեւ լոյս կը չոքի կուրծքիս վրայ:

«ԺԱՄԱՆԱԿ» ԹԵՐԹԸ

Լուսցեր է: Յունիս 1ը թուած է արդէն: Կը վազեմ դուռ, «Ժամանակ»ս ստանալու ցրուիչէն: Կախութներու մասին ոչինչ կայ մէջը: Անձկութեան 24 ժամ ես: Յունիս 3, նորէն ոչինչ, Յունիս 4:

Աւօտը կը ճերմկի դէմի պատուհանիս կապարէ կապոյտին վրայ: Մուէզզինը «Ալլահ էքպէր»ը կը հեկեկէ, լոյսին աղբիւրը փառաբանելով: Կ'իջնեմ վար, և իր սիրականին սպասող յիմարի մը պէս՝ թերթին ժամանումին կը մնամ ակնդէտ: Ահա՛, ցանկը միւս երեսը, լայն լայն տողերու վրայ պառկող անուններ: Օ՛հ, բոլոր անոնք զորս ճանչցեր էի իրեց վիշտի ժանծաղուտին մէջ, և որոնց, ափսո՞ս,

գաղտնիքին չէի կրցեր թափանցել. 21 չեն, 20 են եղեր: Ինչպէ՞ս կրցեր է այդ մէկը պրծիլ, նորէն հանելուկ... Եւ արցունք չէր որ կը հոսէր աչքերէս, այլ արիւն՝ ընդերքիս մէջէն, Պոլսահայ մտաւորականներու, այնքան արի գործիչներու աքսորէն վերջ, կախաղաններ հոս, շար իշար, մե՛ր քթին տակ: Հորիզոնը մութ է կրկին և ամպեր կը շարունակեն պատուհաս անձրեւել Հայութեան գլխուն: Քիզ Մը ՊԱՏՄԱԿԱՆ

Պոլսոյ կեդր. բանտը 900 տարուան հնութիւն մը ունի: Այդ շէնքը Բիւզանդեան կայսրերու օրով վանք մըն էր յանուն Այի-Սանի Խրիստովմի (Ս. Յովհան Ոսկերեան): Պոլսոյ առումէն վերջ, վանքը երկար ատեն ծառայեր է իբր մթերանոց պետական պիտոյից (Կէլլիք տէրօսը), պահուելով հոն յարդ, գարի, ծիան, ուղմանիւթ: զէնուզարդ: Վանքին կեդր. բանտի վերածուիլը 80 տարուան ինդիր մըն է, բայց առաջ բուն բանտը կը գտնուէր այսօրուան հանք. վարչութեան նոր շէնքին տեղը: Այս վանքին տակէն ժամանակին փորուեր, շինուեր են մասնաւոր գետնուղիներ, սրբավայրը հազորդակցութեան մէջ դնող Այա Սօֆիա տաճարին և Պալեքլը այազմային հետ: Պատմական այդ նըկուզները փակուած են ներկայիս: Հապսհանէի ումումին ունի իր մատուռն ալ, որ թանձր միջնորմով մը զատուած է, կէսը վերածուելով մզկիթի՝ բանտարկեալ մահմէտականներու համար: Մատուռը պահուած կայ իմօնա մը, որ կը ներկայացնէ Ա.ծ.մօր պատկերը, կանգուն մը մեծութեամբ տախտակի շերտ մը, ներկերը եղծուած և վրան ագուցուած արտաքանդակ մը արծաթեայ, որ Ս. Մարիամն է դարձեալ, կոստանդիիանոսի օրէն մնացած այդ թանկարծէք հնութիւնը՝ զրոյցի մը նայելով— ատենօք թէկ առնուեր և Բիինքիրո տարուեր, սակայն հրաքով կրկին բանտ վերադարձեր է: Իքօնան սեփհականութիւնն է հիմակ Յունաց պատրիարքարանին, որ զայն կը շահագործէ, հասոյթը բաշխելով ամէն տարի բանտարկեալ կարօտ ազգակիցներու: Այս մատուռը կիրակի օրերը Յոյներու համար կը բացուի, շարաթ օրերն ալ Հայերու:

ԱՌԱՋԻՆ ՀՈԳԵԶԱՆԳԻՍՏԸ

6 Յունիս 1915, շաբաթ։ Լուսաւորչի տօնն է այսօր։ Դիւտ Նշխարաց։ Ռուր են Զեր նշխարները սակայն, լուսաւորչի հարազատ զաւակներ, որ անկէ շատ աւելի չարչանք տեսաք և հուսկ ուրեմն ինկաք Մեծ Երազի ճանապարհին, աչքերնիդ պաղած դէպ արշալուսը Հայ Ազատագրութեան։ Գիրկ գիրկի, կողք կողքի, դէզ դէզ ինչպէս պառկեցաք դուք մէկ փոսի մէջ, Սուրբ գաղափարին դրօշակիր անմահ հերոսներ, որ կը կոչուիք Փարամազ, Աչքպաշ, Պէնսէ, Վանիկ, Պողոս, Երուանդ, Խուբէն, Օհաննէս, Թումաս, Ակոր, Մուրատ, Մկրտիչ, Գարեգին, Սրմենակ, Երեմիա, Արքահամ, Մինսո, Սմբատ, Գառնիկ ու Հրանդ։ Զեր նահատակութեան չորրորդ օրն է այսօր և յենք հայ բանտարկեալքս համախումբ՝ անդրանիկ հոգեհանգիստնիդ պիտի կատարենք գաղտագողի, քրիստոնեայ ազգութենէ մը մնացած այս դարաւոր վանքին մէկ անկիւնը։ Կարապետեան Տ. Պետրոս քահանան, 5 տարուան բանտի այցելու անձանձիր հովիւնիս, ահա հասեր է մատուս։ Պատիկ կոչնակը երկչոտ զողանջ մը կը թզկայ սարփինային բարձունքէն։ Զեր հոգիները կը վերակոչէ ան՝ ամէնուս։ «Տէր ողորմիա»ի պահուն կարծես մէկ զսպանակէ մղուած, Պոլսեցի Հայերս բոլոր կը ծնրադրենք խոնաւ քարերուն վրայ և «Ազգիս Հայոց տուր ազատութիւն» կը հատկլտանք միաբերան։ Բուրվառը կը ճոճի, խունկին ծուխերուն մէջէն արծաթէ իքօնան կը ժպտի մեր դէմքին։ «Ազատութիւն եղբարց մերոց գերելոց...»— Քիրիէլէիսօն... կ'եղանակէ դաշն ձայնով մը յոյն բանիլաֆրին։ մեր արցունքներէն յայտնապէս յուզուած։ Երգերը կը խեղդուին արցունքէն։ Ու նորէ՞ն կը սկսի աչքերուս մշուշին ընդմէջէն տողանցքը Ծերուկ Հնչակեանին՝ աւելածու սուրբ որբոց Աչքպաշին, առիւծ Փարամազին, գեղազանգուր Վանիկին ու բարեհամբոյր Թօփուզին, սուրբի ամենանոր պատկերներ են բոլորն ալ, որոնք մեր տեղ՝ հիմա իրենք կը լւան կարծես փոխասաց։ «Եւ յաղագս այնոցիկ որք մատնեալ են ի ձեռս անօրինաց» — «Ցիշեա՛ Տէր և ողորմեա...»

ՎԵՐՁԻՆ ՎԱՐԱԴՈՅՐ

Փամուն բակն ենք բոլորնիս, կանաչ կակաչ սարփինային տակ խմբուած։ Ես աէրտէրին հետ հազիւթէ խօսակցելու վրայ, երկու հոգի կ'արձանանան դէմերնիս, մեղապարտներու պէս դլխիկոր։ Թօփալ Դամիկ և Սկիւտարցի Արտաշ։ մին՝ կառափնատներուն սև օղակները դարբնողն է, միւսն ալ՝ մահուան այդ գործիքները ծալլող և «օթօմօպիլ» փոխադրողը։

— Տէր հայր, կը ձայնին հեծկլտագին՝ մէկ մէկու ետեւէ, մեղք պիտի սեպուի ըրածնիս Աստուծոյ առջե...»

Եւ Աստուծոյ պաշտօնեան կը նայի երեսնին, յօնքերուն շարժումովը միայն պատասխան տալով, մինչ երկուքնին մէկ խոնարհած են արդէն անոր սքեմին քղանցքներուն մօտ, գլուխնին ծաած։ նոյնը և ես, թոյլ տալով որ մօրուքւոր մարդը իր «Ողորմեսցի»ն ծամծմէ ինձ՝ բազմամեղիս, և ընկերներոււ։ Ու կը մեկնի բանտէն, իբր նըշխարք բաշխելով մեղ՝ «Մնայք խաղաղութեամբ»։



ՓԱՐԱՄԱԶ

Եւ Փարամազն աւասիկ, սուրբ սրբութիւնը հեռու,
Որ Յիսուսի ճամփուն վրայ, վղկաներու խումքին մէջ
Քրիստութեամբ մը անզոյց, հետ իր խաչին բարբարու։
Կուզէ որ տան իր ուսին Քըսանին բեռն ալ անվերջ. . . .

Օ՛, Փարամազն աւասիկ, արփամիւնոն մարտիրու,
Որ լուսընկայ մը ճակտին ու հրդեն մ'իր հոգւոյն մէջ
Եւ իր շուշը առկախուած քսան աստղեր՝ վրիժահոս
Կառափինատի անտառին մէջ կը շողայ փողփողէց. . . .

Արդ Փարամազն աւասիկ, ամպահանդերձ ուրուական,
Ճեղին Գանձին շանքազարդ՝ ամպիոնին մէջ բաւակեր.
Սուրբ Քսանինեւ կ'երգե կարմիր խմբերզն Հայկազեան. . . .

Եւ աւասիկ, աւասիկ խըմբերզն ձայնը ուժով
կը բանայ դուռը սըրտի ու մըրափող սիրազէս
Ասպեսն ոսք հանելով կը զինէ զայն վըրհծով։

Փ. Ս Ա Ս

ՆԱՀԱՏԱԿՆԵՐԸ

ՆԵՐՆ ՊԵՇԻԿԹԱՑԼԵԱՆ



ՓԱՐԱՄԱԶ

Գրեց՝ Ս. ԱՅԻ-ՎԱՐԴԵԱՆ

Փարամազ... այս անունը կը վերկոյէ ամբողջ յեղափոխական անցեալ մը: Անձնուրաց գաղափարական՝ անած ոռւսական յեղափոխական դպրոցին մէջ, երկար հատոր մը միայն պէտք է անոր կեանեցը պատկերացնելու համար:

Ստորեւ կուտանի մէկ բանի դրուագներ, որոնի ցոյց կուտան այն բոցը, որ կ'այրէր եւ կ'ոգեւորէր այդ բանի կազին կեանեցը:

«...Ատրպատականը, ՓԱՐԱՄԱԶի ձեռքով պատրաստուած, կաղմակերպուած, առաջին անգամից յեղափոխական ընդհանուր շղթայի մի օղակը եղաւ: Դա արդիւնք էր Փարամազի ջանքերի: Հնչակեան կուսակցութեան հիմնաքարը, այդ շրջանի մէջ, նա էր դրեւ:

Փարամազի մէկ ոտքը կովկաս է, միւսը՝ Պարսկաստան: Նրա այդ ժամանակուայ գրութիւնները զմայելի են: 1895—1897 չարագուշակ թուականն է: ՓԱՐԱՄԱԶը իր խմբերի զլուխը անցնելով՝ 13 ահեղ ճակատամարտներից յետոյ՝ մտնում է Վան: Հազիւ մի քանի ամիս անցած՝ նա ձերբակալում է իր ընկերներով (Ազատ Ռատանիկը մէկն էր իր զինուորներից), դաշապարտուն և կախաղանի: Ազատում է Խուսաց և Թրանսխական կառավարութեանց տեղական ներկայացուցիչների ազդու միջամտութեան շնորհիւ:

Փարամազի այդ ժամանակուայ արտասանած ճառը կը մնայ մի գլուխ-գործոց՝ Հայ յեղափոխական պատմութեան էջերի մէջ։ Պատմական այդ դրուազը մեր միւս նահատակ Ասօն արձանագրել է իր «Դատաստան» անունով գրքոյկի մէջ։

Փարամազ ուղարկւում է Խուսաստան, բանտարկւում է, ազատ է արձակւում, իր գործունէութիւնը շարունակւում է։

Եթէ 1887ին ծնուել էր Հնչակեան Կուսակցութիւնը, 1899ին նա վերածնուել էր։ Այդ վերածնունդի մէջ էլ ուրոշեալ և մեծ բաժին ունի Փարամազը։

Գոլիցինեան շրջանն է։

Խլւում են հայ եկեղեցական, դպրոցական կալուածները։

Փարամազը Բագուից ճանապարհ է ընկնում, անցնում է մի քանի հազար հոգուց բազկացած պատգամաւորութեան գլուխը՝ Ս. էջմիածին, Հայրիկի առաջն է կանգնում և արտասանում լմդիմադրութեան պահանջազիրը՝ յանուն Հընչուկեան Կուսակցութեան, յանուն ամբողջ Հայ ազգի։ Փարամազը, ժողովրդական այդ հոկտորը, հայ Դանտոնը, նա այդ ճառի մէջն է՝ թերերը, կուրծքը, սիրտն ու հոգին բացած...

Եկեղեցական—դպրոցական գոյքերի յափշատկութեան առթիւ առաջ եկած ընդհարումների, կորիների մէջ։ Փարամազի սխրագործութիւնները միայն սքանչացում կարող են բերել։ Նա ամենուրեք է թռչած։

Գոլիցինը երդւում է մի հայ չի թողնել կովկասի մէջ և բոլորին Թուրքիստան փոխազրել։

Ու Փարամազը կազմակերպում է Գոլիցինի աշխարհաշըլուրդ տէորական գործը, որ հայ յեղափոխական կեանքին մէջ կը մնայ յի անթառամ էջ։

Սկսում է Հայ—Թաթարական կորիւր։ Շուշիի, Զանգեզուրի շրջանների հրամանատարը Փարամազն է։

Հայ հերոսական կռուի այդ դրուազի մէջ՝ ժողովրդական ճշմարիտ հերոս է նա դառնում։ Նա ո՛չ միայն հազարաւորների կեանքն է փրկում, թշնամուն ջախջախում, այլ իր մեծահոգութեան, իր տղամարդութեան պատճառով՝



ՎԱՆԻԿ

յարգւում է նոյնիսկ իր երեկուայ թշնամիներից։ Զանգեզուրի շրջանի Թաթար ժողովուրդը (1906) հազարաւոր ստորագրութիւններով՝ տասնեակ համախօսականներ, հարիւրաւոր շնորհակալական նամակներ ունի թափած Ս. Դ. Հնչակեան Կուսակցութեան կեդրոնական վարչութեան՝ Փարամազի կատարած գործքերի, առաքինութիւնների համար, Երեւանի այդ ժամանակուայ նահանգապետը, Ժէնէրալ աբօլիոնը, նրա ճակատը համբուրեց, նրա ձիու ասպանակը բռնեց, ձի հեծցրեց ու հետեւից «Ի՞նչ հրաշալի մարդ» աղաղակեց։

1905-1907ին, Հնչակեանութեան մէջ ծագում է գաղափարի ուժեղ անհամաձայնութիւն, որ սպառնում է հրապարակական դառնալ։ Ընկերների մէկ մասը որոշում է թողնել Տաճկահայկական դատը և ուսւ Սոցիալ-Դէմոկրատ ների հետ միանալով՝ բացառապէս Կովկասով, Խոօսաստանով զբաղուել։ Ստուար մասը հաւատարիմ է մնում Տաճկահայ դատին։ Փարամազը այս վերջինի սիւներից մէկը եղաւ։

Եկաւ «Միտհատեան Սահմանադրութիւնը», Փարամազը Տաճկաստան է վազում։ Պոլսոյ և շրջակայից մէջ նա երեւան է գալիս՝ որպէս ուժեղ պլոակականդիստ։

Տեղի է ունենում Ս. Դ. Հնչակեան Կուսակցութեան Զ. Ռ. Լոնդանուր Պատգամաւորական Ժողովը։ Կ. Պոլսոյ մէջ։

«Օսմանականութեան» զաղափարը պէտք էր ընդունիլ թէ ոչ։ «Իտարիհատորի դէմ անողոք պայքար պէտք էր մղել թէ ոչ։ 75ի սիջից միայն 3 հոգի էին, որ Կուսակցութեանս սկզբունքները անվթար պահեցին և յառաջացրին «հակատատիհատականութեան»։ «հակառանականութեան» ծանօթ որոշումը։ Այդ երեքի միջից մէկն էլ Փարամազն էր։

Թէեւ ծերացած, բայց նա ներկայացուցչի պաշտօնով գնում է Տիգրանակերտ, Խարբերդ, Մալաթիա, Կիլիկիա, Վերջերս, Վասպուրական, Կարին։ Այդ շրջանների Հայութիւնը կենտանի վկայ է նրա բեղմաւոր գործունէութեան։ 1913, Սեպտեմբերի 7ին, Քէօստէնձէի մէջ՝ կայանում է

Հնչակեան Կուսակցութեան է.րդ Ընդհանուր Պատգամաւորական Ժողովը որ իր որոշումներով, հետեւանքներով, առանձին դարագլում է կազմում Հայ յեղափոխական պատմութեան մէջ՝ ընդհանրապէս, Ս. Դ. Հնչակեան կուսակցութեանը՝ մասնաւորապէս:

Այդ տեղ էր, որ որոշուեց Կուսակցութիւնը դնել հակաօրինականութեան (illégalisme) վրայ ու պաշտպանել «Հայաստանի յաղաքական ինքնավարութիւնը՝ անջատ Թիւրքիայից»:

Դա մի պատմական որոշում էր:

Վանից՝ այդ Պատգամաւորական Ժողովին ուղղուած էր Փարամազի նամակը, որով նա պահանջ էր դնում Յեղափոխական ուղին, հակաօրինականութիւնը ընդդրկել. դա մի վաւերաթուղթ է, որ ապագայ սերունդների համար դասական ընթերցանութեան նիւթ կարող է ծառայել. իսկական Փարամազը այդ տողերի մէջն է:

Է.րդ Պատ. Ժողովը միաձայնութեամբ Փարամազին ընտրում է Կեղրոնական Վարչութեան անդամ:

Հազիւ 2-3 ամիս Պարիզի մէջ, նա իր առաջին, նույիրական պարտականութիւնն է համարում նորից Տաճկաստան մտնել և Պատգ. Ժողովի յեղափոխական, ապստամբական որոշումները գործադրել:

«Ինքնավար Հայաստան՝ անջատ Թիւրքիայից», — գաղափարաբանը՝ առաջինը ինքը եղաւ, որ իր կեանքը զոհաբերեց իր գաղափարի իրականացման համար: Միթէ՞ այդպէս չէր արել Յիսուսը, Սոկրատէաը....

Նևյշներ Փարամազի նամակներից:

«Եղածը (Միհատեան Սահմանադրութիւնը) խաղաղութիւն չէ, այլ զինադադար»:

«Իրքինաս»ի զուլումը չափ ու սահման չունի»:

«Իրքինաս»ը որուել է, որպէս երկրի դրութեան տէրը, քէ՛ իր ժողովուրդի եւ քէ՛ եւրոպական պետութիւնների առաջ իր վարկը բարձրացնելու եւ դիրքի տէրը մնալու համար, բաղկացուցիչ ազգութիւններից ո՞ր եւ է մեկից «արեան

տուրք» պահանջել, կոտորել: Վայրը, այս անգամ էլ, պիտի լինի Հայաստան, ենթական Հայը»:

(Նամակներ՝ գրուած Տիգրանակերտից եւ Խարբերդից):

«Պարսիկ Թաքրար խուժանը իր ձեռքերը բոյսի ներկով է ներկել, հինայել. — Թուրքի ձեռքը Հայի արեան ներկով է ներկուած. — սրա լուռ վկան են Հայ Լեռը, Հայ Զուրը, Հայ Հարսը, Հայ Երիտասարդը, ամբողջ Հայաստանը» (Գրուած՝ Մալարիալից), «Հայ Ազգի յառաջդիմութիւնը սաստիկ նախանձ է գրգռում»:

«Տիրող Ազգի հանգման երկիւղը մոայլ ամպի նման լողում է այս երկրի վրայ:

«Իրքինաս»ը այս զգում է:



ԳԵՂԱՄ ՎԱՆԻԿԵԱՆ

(ՎԱՆԻԿ)

Գրեց՝ ՀՐԱՆՌ ԳԱԼԻԿԵԱՆ

I

Բնիկ Վանեցի, խոնարհ ընտանիքի մը զաւակն էր Վանիկ, ծնած 1889ին:

Այգեստանի հեռաւոր մէկ թաղաժամին մէջ, սեփական փոքրիկ տնակի մը մէջ կապրէր անիկա, իր մեծ մօր հետ միատեղ:

Շատ փոքր հասակէն, Գեղամը զրկուած էր հայրական լնամքէ և գորովանքէ:

Ինք չեր յիշեր իր հայրը: Հազիւ թէ քանի մը տարեկան, անիկա իր շուրջը գտած էր միմիան իր զոյտ մայրերը, որոնց հետ կապրւած էր ամենագողաբրիկ զգացումներով:

Հօրը փոխարինողը տան մէջ, Գեղամի մօրեղբայրն էր, Յակոբ Աւետիսեանը, որ աւելի ծանօթ էր իր Արծրունի կեղծ անունովը:

Եեղափոխականի վտանգուած և թափառական կեանքը, յաճախ Արծրունին կը հրաւիրէր հոս կամ հոն՝ կուսակցական այս կամ այն պարտականութեան:

Շնորհւ այդ հանգամանքին, Գեղամը յաճախ զրկուած էր իր մօրեղբօրմէն, և գրեթէ ամբողջութեամբ նուիրուած իր մօրն և առաւելապէս մեծ մօրը:

Բայց քեռիկ պանդխտութենէ վերադարձը և կամ անոր գիշերային անակնկալ այցելութիւնները, փոքրիկ Գեղամին համար անխառն բերկրանքի գեղեցիկ պատեհութիւններ էին, մանաւանդ այն պատճառով, որ Արծրունին գրեթէ

ամէն անգամին իր հետ կ'ունենար քանի մը կարիճ ֆէտայինել ես, իր գաղափարի և գործի ընկերները, ամէնն ալ սպառազէն ու խրոխտ:

Քանի կը մեծնար Գեղամը, այնքան հետաքրքրութիւնը կ'աւելնար իր շրջապատի, այդ «Փափախաւոր» կտրիճներու խորհրդաւոր փսփսութներուն և գաղտագողի երթեւեկութիւններուն շուրջ,

Բնութենէն ուշիմ, և քիչ մըն ալ համարձակ՝ իր ընտանիքին մէջ անիկա տակաւ կ'ընտելանար այն կեանքին, որուն փարած էր իր մօրեղբայրը: Եւ այսպէս, իր մանուկ հասակէն, անգիտակցարար հոգեկան կապ մը կը ստեղծուէր փոքրիկ Գեղամի և իրենց տան անխուսափելի հիւրերուն միջեւ, որոնց միջնորդը կամ քեռին էր, Հաճի Յակոբը, և կամ անոր բացակայութեան՝ մեծ մայրը:

Մինչեւ 10—12 տարեկան, Գեղամ աշակերտած է իր թաղի ծիսական դպրոցին:

Ես իրեն ծանօթացայ այն ատեն, երբ անիկա այդ վարժարանէն փոխադրուեցաւ Երամեան, որ Վանի միջնակարգ դպրոցը կը համարուէր:

Այդ ժամանակ արդէն Գեղամը 13—14 տարեկան էր:

Իր յանկարծակի երեւում՝ դասարանէն ներս, ընդհանուր հետաքրքրութիւն մը արթնցուց իր շուրջը, Դաստիարակ ուսուցիչը զայն ծանօթացուց որպէս ինչլացի և աշխատասէր դպրոցական մը: Երկար սպասել պէտք չեղաւ այդ բանին անձամբ համոզուելու համար:

Փոքր ժամանակի մը ընթացքին, Գեղամը աչքի զարնուեցաւ որպէս ուշիմ, ժրածան և մանաւանդ մեղմ բնաւորութեան տէր պատանի մը:

Միշտ գոն էին իրմէ ուսուցիչները, իսկ աշակերտներէն իւրաքանչիւրը զայն իրեն ամենամօտ ընկերը կ'ուզէր համարել:

Գեղամ իր բնաւորութեան գծերովը, բոլորին համակրանքին արժանացած էր:

Սակայն միայն այս չեր Գեղամի հրապուրիչ կողմը:

Անիկա ուրիշ հով մըն ալ ունէր իր վրայ; զոր մենք քանի մը ամիս վերջ միայն նկատեցինք:

Գեղամը միաժամանակ «ֆէտայի» էր: Խոկ անոր հասկացողութեամբ ատիկա կը նշանակէր ըլլալ ազգասէր և անձնուէր, այսինքն նման իր քեռիին:

Արտպահմանէն համող յեղափոխական հատուկոտորդրականութեան, զուլումի և տանջանքի նկարագրութիւնները, ըմբոստութեան ու գոյամարտի դրուագներուն յեղափոխական-ազատատենչ երգերն ու տաղերը, բոլորն ալ թէեւ խառն ի խուռան, սակայն իրենց որոշ տեղը գրաւածէին Գեղամի մտքին և սրտին մէջ:

Որեւէ պատեհութիւն պիտի գար քիչ մը ձեւակերպութիւն, դասաւորութիւն մտցնել այդ ուղեղին մէջ, որ հազիւ 14 տարեկան, բայց կարծես թէ կը խոկար, կը տանջուէր տարաբախտ հայրենիքին համար:

Շատ չուշացաւ այդ առիթը:

Աշոտը, Պարսկաստանէն յատուկ առաքելութեամբ մը վան կ'անցնէր իր խմբովը:

1904ին էր ատիկա:

Ս.Դ. Հնչակեան կուսակցական կեանքը նոր ոգեւորութիւն մը կ'ստանար զործիչ ընկերոջ ժամանումովը: Սակաւաթիւ հին ընկերներուն վրայ կուգային աւելնալ նորերը: Երիտասարդ ուժեր հետզհետէ կը խտացնէին կուսակցական շարքերը:

Հաւաքումներու, խմբական կազմակերպութիւններու և դասախոսութիւններու մեծ մասը տեղի կ'ունենային Գեղամենց տունը, ոստիկանական հայեացքներէն հեռու, ըստ երեւոյթին լոիկ մնջիկ տնակին մէջ:

Հոն կը բնակէր Աշոտը:

Բնական է Գեղամ բոլորի վստահութիւնը կը վայելէր:

Ֆէտայիի խորհրդաւոր կեանքը, որ այնքան հրապուրիչ է բոլոր գեատիներուն՝ Գեղամին առանձին ոգեւորութիւն ու շունչ կուտար:

Անկէ յետոյ էր, որ յաճախ Գեղամը դպրոցի մէջ, միջնադարներու ընթացքին հատ ու կոտոր մէկ քանի տե-

ղեկութիւններ կուտար ֆէտայիներու արկածալից գործունէութեան մասին:

Վեց ամիս չանցած մեր դասարանին մէջ արդէն Ս.Դ. Հնչակեան խումբ մը կազմակերպուած էր: Այսուհետեւ, մենք մեր ժամանակին մէկ մասը կը յատկացնէինք կուսակցական գրականութեան ընթերցումի, խմբական ժողովներու և վիճաբանութիւններու:

Մեր գասարանին մէջ Դաշնակցականները ստուար թիւ մը կը կազմէին, և հետեւարար մտքերու շփում և հակածառութիւն մեր ամենօրեայ կեանքի յաճախադէպ երեւոյթներն էին:

Բայց ասով հանդերձ, ոչ մէկ անտեղի պայքար կամ վիրաւորական արտայայտութիւն: Եւ այդ մենք կը պարափնք Գեղամի նկարագրին: Ան միշտ ալ չիտակ և անկեղծ իրաւարարի դերը կը կատարէր մեր մէջ և ո՞վ էր որ պիտի ուզէր Գեղամի խօսքէն դուրս ելլեւ:

Այսպէս մենք միաժամանակ և աշակերտներ էինք և կուսակցականներ, անշուշտ առանց գործնական որ և է աշխատանքի մասնակցելու՝ զուտ գաղափարի շրջանակի մէջ: Միայն Գեղամն էր, որ այդ հասակէն խոկ կատարեալ պաղարիւնութեամբ ու գաղտնապահութեամբ կը կատարէր իրեն վստահուած յանձնարարութիւնները:

Այն ժամանակէն ի վեր, բոլորը համոզուած էին որ Գեղամին կ'սպասէ կուսակցական տենդու գործունէութեան մը արկածալից ասպարէզը:

1907ն էր, մենք միասին աւարտեցինք միջնակարգ վարժարանը:

Գեղամը դժոնի էր իր ստացած ուսումէն, կ'ուզէր բարձրագոյն ուսման հետեւիլ, զարգանալ և պատրաստուիլ հասարակական բեղուն աշխատանքի:

Վանի միջավայրը նեղ կուգար իրեն, խոկ իր պատրաստութիւնն ալ չատ անբաւարար:

Գեղամը կը մտածէր Կովկասի մասին: Զէ՞ որ այնտեղ էր քեռին՝ Հաճի Յակոբը, չէ՞ որ հոն էր յեղափոխական շարժման վառարանը:

— 48 —

ՔՍԱՆ ԿԱԽԱՂԱՆՆԵՐԻ

Գեղեցիկ հեռապատկեր մը տակաւ կը պարզուէր իր շուրջը և կ'ընդգրկէր իր տպագան:

Եւ ահա օր մըն ալ Գեղամը մեղ յայտնեց իր կովկաս մեկնելու հաստատ որոշման մասին: Խմբական ժողովի մը մէջ էինք այդ պահուն: Պէտք է խոստովանիլ որ անախորժ նորութիւն մըն էր այդ մեղ համար, նախ անոր համար որ Գեղամէն պիտի զրկուէինք, նաեւ այն պատճառով որ քիչ մըն ալ կը նախանձէինք:

Մենք բոլորս ալ կ'ուզէինք հեռանալ, կ'երազէինք համալսարան, ապագայ ասպարէզ ևայլն, սպանիական դըղեակներ՝ որոնք այնքան մատչելի էին գաւառի նորաւարտ երիտասարդներուն:

Կար նաև ուրիշ պատճառ մըն ալ: Վասպուրականը զուլումի օրեր կ'ապրէր: Տիրահոչակ Դաւիթի դաւաճանութեան շնորհիւ հայ ազգաբնակութիւնը կը հեծէր մզաւանջային սարսափի մը տակ:

Սկսած էր ընդհանուր պաշարում և խուզարկութիւն: Ձեռք բերուած ծածկազրերու միջոցով, ամէն օր զէնքի նորանոր թագստ.ցներ կը բացուէին: Ծեծ, բանտարկութիւն՝ ընդհանուր էր: Սպառնալիքի, վտանգի ենթարկուած էին ոչ միայն կուսակցականները, այլ նաև ամբողջ Հայութիւնը:

Ընդհանուր կոտորածը անխուսափելի կը թուէր,

Այս քաջաքական և հոգեբանական պայմաններուն մէջ իրարմէ անջատուիլ և անյոյս կերպով, արդարե այնքան ալ հեշտ չէր:

Առով հանդերձ պէտք էր հաշտուիլ:

Երկար պատրաստութիւններու կարիքը, ոչ ալ հարաւորութիւն ունէր Գեղամը:

Մէկ քանի անհրաժեշտ իրեր և վարձու ձի մը, ահա բոլորը:

Անձրեային մելամաղձու օր մը, յետ միջօրէի, ձամրու և դնէինք զինքը դէպի կովկաս:

Բնութիւնը լալկան էր, այնպէս ինչպէս մեր սրտերը:

Առով հանդերձ երկուստեք կրցանք ինքինքնիս զըս-

պել: Նոյնիսկ փոխադաբար զիրար քաջալերեցինք, յուսալով և խոստանալով շուտով զիրար գտնել:

Տաք համբոյրներով մենք իրարմէ բաժնուեցանք:

* *

Գեղամի մեկնումէն յետոյ, քանի մը ամիսներ եւս, մենք հալումաշ եղանք ընդհանուր կոտորածի մզձաւանջին տակ և ահա վրայ հասաւ պօչատ սահմանադրութեան հառչակումը:

Խանդավառութիւնը, գինովութիւնը ընդհանուր էր և ամենուրեք: Կարծես թէ գաւառի հայութիւնը կը վերածնէր, կը վերակենդանանար:

Սահմանադրութեան յայտարարութեամբ, գաւառէն ուժեղ խուժում մը ծայր տուաւ դէպի մայրաքաղաք, դէպի Պոլիս:

Գաւառի պատանիները շատոնց կերազէին համալսարան, նոր ասպարէզ և փայլուն ապագայ:

Ընտանեկան փոքրիկ ընդդիմութենէ մը յետոյ ես ալ կը յաջողէի նոյն տարուան Սեպտեմբերին անցնիլ Պոլիս:

Կարծ տատամսումէ մը յետոյ ես կը վճռէի և կը յաջողէի մոնել իրաւաբանական փաքիւթէն, Ընկերներէս և ծանօթներէս շատեր նոյնպէս հոն վազեցին: Ըստ երեսոյթին, երկու դրդապատճառ ուսանողները առաւելապէս կը մէկին դէպի իրաւաբանութիւնը, նախ մուտքի և ուսման դիւրութիւնը և յետոյ ապագայ փայլուն ասպարէզի մը հեռանկարը:

Զանցած քանի մը ամիս, Գեղամ շեռիին հետ միատեղ կովկասէն Պոլիս հասաւ:

Սահմանադրական թուրքիան կուսակցական-հասարակական գործունէութեան համար լայն ասպարէզ կը բանար: Ահա թէ ինչո՞ւ զոլոր կուսակցութիւնները արտասահմանէն հաւաքեցին իրենց գործիչներուն մեծ մասը և ձեռնարկեցին տէնդու գործունէութեան:

Նոյն տրամադրութեամբ և առաքելութեամբ էր որ Արծրունին ալ կովկաս կը թողուր, Պոլիս գալու համար և

4

հետ կը բերէր նաև Գեղամը, որպէսզի հոս հետեւի բարձրագոյն ուստան:

Գեղամ կը նախընտրէր հետեւիլ ընկերային և տնտեսագիտական ուսմանց: Եւ որովհետեւ Օսմանեան համալսարանը այդ ճիւղը չունէր, Գեղամ ճարահատ որոշեց մտնել իրաւաբանականը, նկատի ունենալով որ բոլոր մասնագիտութիւններու մէջ ամենէն աւելի այդ ճիւղն էր որ առընչութիւններուն ունէր իր նախասիրած գիտութիւններուն հետ:

Բայց արդէն շատ ուշ էր: Ֆարիւլթէի արձանագրութիւնները արդէն փակուած և դասախոսութիւնները սկսած էին:

Այս պայմաններուն մէջ Գեղամին կը մնար սպասել ամբողջ մէկ տարի: Բայց պէտք էր ո և է կերպով օգտագործել այդ տարին: Միմիայն գեղագործական վարժարանն էր որ գեռ բաց էր նորեկներուն համար: Գեղամ որոշեց հոն մտնել: Յաջորդ տարին անիկա արդէն մտած էր իրաւաբանական վարժարանը:

Առաջին իսկ տարիէն, Գեղամ դժգոհ էր համալսարանէն: Անիկա համոզուած էր որ հազիւ թէ կարելի ըլլայ Պոլսոյ մէջ լուրջ մասնագիտութիւն մը ձեռք բերել:

Պէտք է խոստովանիլ որ այդ ուղղութեամբ հիասթափութիւնը ընդհանուր էր. թէեւ կային շատեր, որոնք ճիրծուի մը համար միայն կ'աշխատէին և հետեւաբար այնքան ալ նախանձախնդիր չէին իրենց ստանալիք զարգացման մասին:

Գեղամ հազիւ քանի մը ամիս միայն Պոլսոյ մէջ ապրած և շրջապատին հետ ծանօթացած, կը մտածէր կուսակցական գործունէութեան ձեռնարկել ուսանողական շրջանակի մէջ:

Մէկ կողմէ ժողովրդական խանդավառութիւնն ու կուսակցութիւններու եռանդուն գործունէութիւնը, միւս կողմէ ալ իր իւրայատուկ կուսակցական դաստիարակութիւնն ու նախանձախնդրութիւնը Գեղամը կը մղէին ասպարէզ նետուելու:

Քանի մը շաբաթուան մտմտուքներէ վերջ՝ Գեղամ, մեզ՝ քանի մը մօտիկ ընկերներու, կ'առաջարկէր կաղմել Ս. Դ.

Հնչ. կուսակցութեան Պոլսոյ ուսանողական միութիւնը: Երկար չտեսեց խորհրդակցութիւնը: Քանի մը ժողովակերպութեամբ յետոյ, այլեւս որոշուած էր այս ուղղութեամբ կազմակերպութիւնը և հրապարակ դալ:

Ս. Դ. Հնչ. կուսակցութեան Կ. Պոլսոյ Ուսանողական Միութեան կազմութեամբը, Գեղամ իր կուսակցական գործունէութեան սկիզբը կը դնէր Պոլսոյ մէջ: Ապագան ցոյց պիտի տար թէ ինք պիտի ըլլար նաեւ այդ Միութեան գլխաւոր սիւնը և անձնուէր զեկավարը:

Հնչակեան Ուսանող, միութիւնը չսպասուած ոգեւորութիւն և յաջողութիւն ձեռք բերաւ: Կարճ ժամանակի մը ընթացքին համալսարանի և բարձրագոյն միջնակարգ վարժարաններու բազմաթիւ ուսանողները հետզհետէ կուտային ստուարացնել և զօրեղացնել միութիւնը:

Ս. Դ. Հնչ. Ուսանողական միութիւնը իր հովանաւորութեան տակ ունեցաւ աշակերտական միութիւններ, որոնք կուսակցական հողի վրայ չէին կազմակերպուած: Գեղամ եղաւ այդ միտքն յղացողն ու գործադրողը միանգամայն:

Զանցած քանի մը ամիս, Ուսանող, միութիւնը կը մտածէր սեփական օռկան մը ունենալու անհրաժեշտութեան մասին: Թէ՛ ինքնազարգացման և թէ Պոլսի ու գաւառի ուսանողութեան բրօբականտ ընելու լաւագոյն միջոցը ոչ այլ ինչ էր, եթէ ոչ ունենալ պարբերաթերթ մը:

Տիրող ոգեւորութիւնը, ընկերներու պատրաստակամութիւնն ու ինքնավաստահութիւնը պատճառ եղան որ 1914ի մայիսի 1ին հրապարակ հանուի «Կայձ» ամսաթերթը, որպէս օռկան Ս. Դ. Հնչ. կուսակցութեան Կ. Պոլսոյ Ուս. միութեան:

Պէտք է խոստովանիլ որ Գեղամ ամենամեծ բաժինը ունէր «Կայձ»ի հրատարակման և կաղմակերպչական գործին մէջ, որուն կ'աշխատակցէր «Կանիկ» անունով:

* *

Վանիկ, իր այս բազմապիսի աշխատանքներուն մէջ, հակառակ իր զեկավարի դիրքին, միշտ ալ մնաց համեստ,

անկեղծ և անձնուէր։ Անկեղծ՝ ոչ միայն դէպի իր մօտիկ, կուսակցական լնկերները, այլ նաև գէպի իր ամբողջ շրջապատը, անկեղծ նոյն իսկ իր գաղափարական հակառակորդներու հանդէպ՝ որոնց հետ իր ունեցած յարաբերութիւններու ընթացքին անիկա սիշտ մնաց իր գաղափարական բարձրութեան վրայ, հետու կուսակցական նեղմտութենէ և մոլեսանդութենէ։

Ահա թէ ինչո՞ւ համար զինքը ոչ միայն յարգեցին, այլ նաև սիրեցին անխտիր բոլոր անոնք, որոնք իրեն հետ շըփում ունեցան կամ ծանօթացան։ Գեղամն էր գլխաւոր օղակը Հնչակեան Ուսանողական Միութեան և ուրիշ կուսակցական Ուսումնական միջեւ ստեղծուած պատահական համագործակցութեան։

Իր ստանձնած գործին հանդէպ Վանիկը եղաւ միշտ անձնուէր և ծայրայեղօրէն անշահախնդիր։ Անրկա թէւ որպէս անդամ Ուսումնական Միութեան վարչութեան, Կայծի խըմբագրութեան, արդէն իսկ խիստ ծանրաբեռնուած էր, այնուամենայնիւ իր քնոյ և կամ դպրոցական ժամերը սիրայօտար կը տրամադրէր նաև կուսակցութեան Վարիչ Մարմոյ աշխատանքներուն։ Երբեմն ալ բրօբականտի կ'ելլէ մօտակայ գաւառները։

Եւ այս բոլորը առանց գարձատրութեան։ Կուսակցութիւնը անշուշտ չէր ալ մտածեր գէթ մասամբ մը գարձատրել իտէալիսթ Վանիկի աշխատանքները, գիտնալով որ անրկա նիւթական խիստ անձուկ կեանք մը ունէր, անձութիւն մը, որ անտարակոյս իր բացասական ազգեցութիւնը պիտի ունենար ոչ միայն Վանիկի հոգեկան աշխարհին վրայ, այլ շատ հաւանաբար նաև անոր քաղաքական հայեացքներուն վրայ։ Ուրիշ բան է թէ՝ առանց վայրկեան մը իսկ դեղէելու, Վանիկը պիտի մերժէր իրեն ըլլալիք գարձատրութեան որ և է տռաջարկ, անհաշտ գտնելով ատիկա իր բոլորանուէր անձնութիրութեան եթէաւ լիզմին հետ։

Եւ այս բոլորը, ինչպէս ըսինք, իր նեղ օրերուն։ Եւ արդէն պէտք է յիշատակել որ Գեղամ երբեք լայն օր չէ

ունեցած, իր մանուկ հասակէն ոկսեալ մինչեւ վերջը։

Վանիկ, իր ապրուստի գէթ մէկ մասը հայթայթելու համար, սկիզբէն ի վեր հետամուտ եղաւ աշխատանքի։ Անիկա մտաւ ուսուցչական ասպարէզի մէջ, որպէս զի կը նայ գէթ իր ապրուստի մէկ մասը հայթայթել եւ այդպէսով թեթևնել նիւթական հոգը իր քեռին՝ Արծրունին, որ նոյնպէս քաղցած գործիչ մըն էր։

Այս առթիւ արժէ յիշատակել որ Վանիկը չուզեց նըպաստաւորութիւն Ազգային Պատրիարքարանէն, որ այն ատեն գաւառացի եւ կարօտ ուսանողներուն տարեկան քսան ոսկի գումար մը կուտար նպաստելու համար անոնց ուսման։

Գեղամ վիրաւորական կը համարէր նպաստընկալի դիրքին մէջ մտնել, մինչ ասդին իր ծանօթներէն և հայրենակիցներէն շատեր, առանց վայրկեան մը իսկ տատամսելու, կօգտուէին ազգային այդ օժանդակութենէն, հակառակ անոր որ բաղդամամբ Գեղամի, շատերը ընտանեկան լաւագոյն պայմաններ արդէն ունէին։

Ասիկա Գեղամի նկարագրին բնորոշ գծերէն մէկն է միայն։

Գեղամ, նիւթական խնդիրներու մէջ նոյնքան նպարտէր նաև դէպի իր ընկերները։ Նոյնիսկ իր ամենամտերիմ ընկերները չէին կարող նիւթապէս օգնել իրեն։ Անիկա կը շինին էր, կը ջղայնանար և նոյնիսկ հոգեկան տագնապալի յոյզեր կունենար։ Անշուշտ այս հանգամանքը պատճու պիտի ըլլար որ ընկերները քիչ մը աւելի զգոյշ ըլլային, աւելորդ հոգեկան ընկնծում մը չը պատճառելու համար իրեն։

Այս պայմաններու մէջ, Գեղամին օգնելու միակ ընկերական միջոցը կ'ըլլար, առանց զինքը իրազեկ պահելու, փոքրիկ գումար մը գնել զրպանին մէջ, պայմանաւ որ անիկա չը կրնար իմանալ թէ ո՞ր ընկերոջ կազմակերպած խաղն էր ատիկա, այլապէս նոյն ձեւով այդ գումարը պիտի վերադառնար առողջին։ Իսկ որովհետև ինք դրամի մասին չէր կարող առանց յուղուելու խօսք բնել, ատոր համար ալ չէր համարձակեր հարց տալ և զանել զրամով զինք վիրաւորող ընկերը, այնպէս որ իվերջոյ կ'ստիպուէր գրպա-

նին դրամը ծախսել, կարծես անոր մղձաւանջէն վայրկեան մը առաջ ազատելու համար:

Դեռ աւելին կայ:

Գեղամ կը խուսափէր պառյտի ելլել այնպիսի ընկեր-ներու հետ, որոնք համեմատաբար նիւթապէս լաւ վիճակի մէջ էին, որպէսզի այդ առիթէն օդտուելով անոնք իրեն համար աւելորդ ծախս մը չընէին: Մասնաւորապէս ճաշի ժամանակյանկարծ կ'անյայտանար: Իսկ իրիկունները ընդհան-րապէս գլխի ցաւ կը կեղծէր, որպէսզի ընկերները զի՞նքը միասին թատրոն չը տանին:

Այսպէս անիկա ոչ մէկ այցմանաւ կ'ուզէր բեռ մը ըլլալ, նոյնիսկ իր ամենամտերիմ ընկերներուն: Իր այս բնա-ուորութիւնը գրեթէ չը փոխուեցաւ մինչեւ վերջ:

Բայց պէտք է նկատել թէ իր այս ուզզութեամբ ունե-ցած նախանձախնդրութիւնը ծայրայեզրութեան հասած էր: Ահա ուրիշ դրուագ մը իր արդ կեանքին:

Վանիկ, որպէս Ուսանող. Միութեան վարչութեան գանձապահ, քովը միշտ փոքրիկ գումար մը կ'ունենար:

Բաձկոնսկին ձախ գրպանը յատկացուած էր այդ գումարին, մինչ աջը՝ իր սեփական «հարստութիւնը» կը բովանդակէր, թէեւ յաճախ պարապ էր:

Երեւակայեցէք որ կը պատահէր երբեմն երբ անձնական գործածութեան համար մէկ զրուշ իսկ չէր ունենար զըր-պանը, նոյնիսկ իր անունդին կամ կամուրջը անցնելու հա-մար: Գեղամ բնաւ չէր մտարերեր թէ ձախ գրպանին մէջ գրամ կայ, և հետեւաբար կարելի է ժամանակաւորապէս անկէ գործածել և դարձեալ վերադարձնել: Գեղամ կան-գիտանար կուսակցական գրամի գոյութիւնը և անկէ տասը փարա իսկ չէր ծախսեր, եթէ նոյնիսկ վստահ ըլլար թէ կէս ժամ վերջ անձնական զրամ պիտի ստանար և հետեւա-բար պիտի կրնար պակսածը լրացնել:

Կարծեմ թէ Գեղամի նկարագրին այս կողմը անհաւա-տալի և առասպելական պիտի թուի շատ շատերուն, մա-նաւանդ ներկայիս, երբ ազգային, պետական գումարներու

ծախսումը նոյնիսկ տեսակ մը աչքաբացութիւն համարող-ներ չեն պակոիր:

* *

Իր ընկերային հասարակական հայեացքներովը, Վանիկ համոզուած ընկերվարական մըն էր, հետեւողական Մարք-սիսթ մը: Ընկերվարութիւնը շպար մը չէր իրեն համար, ինքնասիրութիւնը փայտայելու համար, ոչ ալ պիտակ մը՝ որ անհրաժեշտ էր ունենալ, Ա. Դ. Հնչակեան մը ըլլալու համար:

Ով որ հետեւած է Վանիկի գրիչին, Կայծի յաջորդա-կան թիւերուն մէջ, անշուշտ ըմբռնած է որ անիկա ընկե-րային վարդապետութիւններու գործնական վերլուծող մըն էր:

Իր ամենավերջին յօդուածին բովանդակութիւնը միայն բաւական է ապացուցանելու համար թէ Վանիկը համոզ-ուած և պայքարող երիտասարդ մըն էր և այնքան անկեղծ իր հայեացքներուն մէջ, որ չէր քաշուեր նոյնիւկ խարա-զանելի իր ամենամօտ «մօնիսթ» ընկերները, քննադատե-լով անոնց որդեգրած «կոււշա մարդու» փիլիսոփայութիւնը:

Տարակոյս չկայ թէ դաժան կեանքը, իր տեսարանա-կան հայեացքներուն աւելի շօսափելի, աւելի առարկայա-կան ձեւ մը, տրամաբանութիւն մը տուած էր:

Վանիկ, մասնաւորապէս թունդ ֆէմինիսթ մըն էր: Անիկա ամէնէն աւելի կը հաւատար կանանց հասարակական գործունէութեան օգտակարութեանը և ինքն էր գլխաւոր ջատագովը կանանց կազմակերպութիւններուն: Գլխաւորա-բար իր թելադրութեան վրայ էր որ Պոլսոյ մէջ, Ռւս. միութիւնը մասնաւոր եռանդով մը իր մէջ հրաւիրեց նաեւ ուսանողուհներ, որոնց հանդէպ ընկերներու վերաբեր-մունքը եղաւ միշտ շիտակ և գաղափարական:

Անհաւական յարաբերութիւններու մէջ դէպի ընկերու-հիներ և ընդհանրապէս գէպի կիներ, Գեղամ կատարեալ մօռալիսթ մըն էր: Ուսանողական շրջանակէն ներս, անիկա աններող ոգի մը ցոյց կուտար գէպի այն ընկերները, որոնց

վերաբերմունքը այս կամ այն ընկերուհին հանդէպ՝ անձնական մտերմութեան կասկածը կը ներշնչէր։ Շատ լաւ կը յիշեմ որ Վանիկ՝ Ուսանող, միութեան վարչութեան մէկ ժողովին, կ'առաջարկէր կախակայել ընկեր մը որ մեր զեկավար ուժերէն մէկն էր, նկատի ունենալով որ անիկա քիչ մը ազատ էր իր արտայայտութիւններուն մէջ դէպի ընկերուհի մը։

Պէտք է ըսել որ Գեղամի ջատագոված այս բարոյական հասկացողութիւնը մինչեւ վերջ տիրապետած էր Ս. Դ. Հնչ. Ուսանող, միութեան մէջ և նպաստած անոր վարկին և կազմակերպութեանը։ Ճիշդ ատօր համար է որ Հնչ. Ուս. միութիւնը բնաւ չունեցաւ այն պատմութիւններէն և սքանտալներէն, որոնցմէ զերծ չէին ուրիշ միութիւններ։

Գեղամի նկարագրին այս կողմը աւելի եւս պարզաբանելու համար, գուցէ աւելորդ չըլլայ շեշտել թէ անիկա ոչ միայն սոսալիսթ էր Ուս. միութենէն և կամ կուսակցութենէն ներս, առաջնորդուած գործի յաջողութեան մտահոգութեամբը, այլ ընդհանրապէս իր անհատական, իր կուրսի կեանքին մէջ աւ։

Անիկա շապրեցաւ այն կեանքը, որուն մէջ կը հիւծի և յաճախ կը վտանգուի Պոլսոյ ուսանողին կեանքը։ Անիկա բառին բուն նշանակութեամբը կոյս մնաց, չնայած որ բնութիւնը բաւական զօրաւոր կերպով կ'արտայայտուէր իր մէջ և յաջողութեան շանսեր ալ ունէր։

Իր ընկերները կը նկատէին որ իր այդ ճգնաւորական կեանքն ալ այնքան լաւ չէր ազդեր իր առաջութեան, նոյն իսկ իր արամագրութիւններուն վրայ։ Եւ զանուեցան մէկ երկու «բարեացակամներ»։ որոնք կարծեցին ընկերական ծառայութիւն մը մատուցանել Գեղամին, զայն խաբէութեամբ մը առաջնորդելով կասկածելի տեղ մը, Բայց, նոյն «բարեացակամ» ընկերները ամօթահար եղան և զարմանքով յետագային պատմեցին թէ ի՞նչպէս Գեղամ առաջին վայրկեանին շփոթելէ և զայրանալէ վերջ, գտնելով իր պաղարիւնութիւնը, փորձած է օգտագործել պատեհութիւնը, բացատրելու համար իր շուրջիններուն, թէ իրենք ներկայ



ԵՐՈՒԱՆԴ ԹՅՈՓՈՒԶԵԱՆ
(Բանոն)

ընկերային հասարակարգի դժբախտ գոհերն են և հետեւաքար արժանի ամէն կարեկցութեան:

Շուրջինները՝ պահ մը ազդուած և ունինդրած՝ բայց քիչ վերջ զգացուցած են թէ իրենք ուրիշի հաշուին կ'աշխատին և հետեւաբար ժամերնին ծախուած է: Գեղամ օձիքը ազատելու, համար, ամօթէն ու զայրոյթէն դողահար՝ ամբողջ կէս ժամ երեսը դէպի պատ դարձուցած, յամաօրէն մերժած է ամէն գգուանք ու շաղակրատութիւն, մինչեւ որ դուրսը սպասող իր ընկերները յուսահատ՝ վերջ տռւած են իրենց չար խաղին:

Այս դրուագը կուգայ աւելի եւս շեշտել Գեղամի նկարագրին մէկ գիծը:

* * *

Սակայն ուղղափառ մարքսիսթ Վանիկ ունէր հոգեկան անյարիր աշխարհ մը, ուր զգացումները տեսակ մը հիւանդագին և յուսահատ կացութիւն մը ստեղծած էին: Աւցաւով պէտք է ըսել՝ որ Գեղամ իր մեծագոյն ժամերուն, իր մենութեան ժամերուն, ամբողջովին անձնատուր հղած էր այդ յոռեան տրամադրութիւններուն, որոնց ազդեցութեան տակ կը տառապէր և կը տանջուէր: Եւ երեւակայել որ Վանիկ ի՞նչ կամք կը պարապադէր իրեն, որպէս զի դուրսը, ընկերներու և ծանօթներու շրջանակին մէջ, հասարակութեան ներկայութեանը կրնայ վարագուրել իր հոգեկան աշխարհը, վախճառով թէ մի գուցէ այդպէսով իր հոգեկան տկարութեան ապացոյցը տուած ըլլայ: Այսպէս որ շատ քիչեր միայն իրազեկ էին Վանիկի այս ներքին ողբերգութեան, որ երբեմն ծայրայեղ յոռեանսութեան ու յուսահատութեան հակումներ ալ ցոյց կուտար:

Իր վիրաւոր հոգեբանութեան մէջ, Վանիկ աւելի շատ անիշխանական մըն էր, այդ շունչով ու տեսնովը կ'ապրէր և գուցէ զինքը իր սիրեցեալ Փարամազին մօտեցնող հոգեկան կապերէն մէկն ալ ճիշտ անիշխանական այդ տրամադրութիւնն էր՝ որով համակուած էր նաև Փարամազ:

Ասով հանդերձ, ինչպէս ըսինք, Վանիկ կայուն հոգեկան աշխարհ մը չունէր, անոր զգացումները մէկը միւսէն

հիւանդոտ՝ իրար կը յաջորդեն անյապաղ, այնպէս որ քիչ չէին այնպիսի դէպքեր, երբ հոգեկան սպառող տագնապներ ալ կ'անցնէր:

Ճիշտ հոգեկան այս տեսակ յոռետես վայրկեաններէն մէկուն ատենն էր, երբ ես պատահմամբ իրեն ընկերացայ Պոլսէն Բերա՝ քլիւլ երթալու համար:

Ճամբան, յեղակարծ շարժումով մը կանգ առաւ Վասիկ, դէմքի այնպիսի կսկծալի արտայայտութիւնով մը որ կարծես սիրաը կուլար: Հարցումիս պատասխանելով ըսաւ. «մը կոխոտեցի...»: Սիրտը կը ձմլուէր և կ'արիւնէր այդ պահուն: Ազատական դպրոցի փիլիսոփայութեան մէջ էր թաղուած քիչ յետոյ, ուժեղի և տկարի կռուին անխուսափելի վախճանին մասին էր որ կը խօսէր և պահ մը կարծես կը տրամադրուէր իւրացնել, սրբագործել զայն: Զէ՞ որ տկար մրջիւնը կոխոտուած, սպաննուած էր իր ոտներուն տակ:

Քիչ վերջ արդէն կը մօտիկնայինք Թօգաթլեանին: Էստ սովորութեան, երջանիկներով լեցուած էր հաճոյքի և ժամանցի այդ սրահը:

Գեղամ խորաթափանց հայեացք մը ձգեց ապակիէն ներս, կարծես ընդվզում մը ունեցաւ: «Հրանտ, յարեց, հոգեկան ի՞նչ հրճուանքով մը պիտի ուզէի ուռւմք մը նետել աս սրահէն ներս, տեմնելու համար թէ ի՞նչպէս այս երջանիկներէն շատերը օդին մէջ պիտի բարձրանան և ապա անոնց մարդմին ջախճախուած, կարատուած մասերը վերէն վար կը թափին ոտներուս տակ թաւալգլոր ու անկենդան... Նայինք թէ ճիշտ է Սփէնսըրի փիլիսոփայութիւնը. եթէ իսկապէ՞ս զօրաւորները, ուժեղները ասոնք են, այս հացկատակները...»:

Այս պարագան լիովին կը պարզէ հոգեկան այն վիճակը որուն մէջ կը տապլտէր Վասիկ: Բայց ինչպէս նախապէս ալ ըսի, ընկերներէն շատ քիչեր իրազեկ էին Վասիկի այս հոգեկան տանջանքներուն, զորս անիկա ամէն կերպով կաշխատէր ծածկել:

Ես, շատ հաւանաբար՝ Գեղամի ամենամօտիկ ընկերը՝

առիթ ունեցած էի նկատելու որ անիկա իր մենութեան ժամերուն՝ երբ լիովին անձնատուր կ'ըլլար իր զգացումներուն, սովորութիւն ունէր իր յուշատետրին մէջ արձանագրելու իր բոլոր յոռետես միտքերը, իր կրած վիրաւորանքները, իր զրկանքները. միմիայն այդ յուշատետրն էր որ Վասիկ ոչ ոքի կը վստահէր, ոչ ոքի ցոյց կուտար:

Հետաքրութիւնը մէկ կողմէն, Գեղամի վրայ բարոյական ազդեցութիւն մը գործելու անհրաժեշտութիւնը միւս կողմէն՝ զիս դրդեցին գաղտագողի վերցնել Վասիկին յուշատետրը, ուրկէ համակ արցունք ու արիւն կը հոսէր: Անհրաժեշտ էր որևէ ձեւով խօսիլ Գեղամի հետ՝ իր հոգեկան թախիծին և տանջանքի մասին, բանալ իր սիրտի վէրքերը, ջանալ սպեղանի դնել, ամոքել իր ցաւերը:

Յուշատետրի կորուսոը ինքնին առիթ մըն էր, մանաւանդ որ Գեղամ արդէն սկսած էր կասկածիլ:

Ձեռնային տխուր երեկոյ մըն էր, երբ ես կիւր գացի Գեղամին: Սաւանամանիք էր դուրսը, նոյնքան նաև ցրտին՝ Կէտիկ Փաշայի այն փոքրիկ մենեակը՝ ուր կ'ապրէր Գեղզամ՝ իր մօրեղբօր հետ, որ յանախ կը բացակայէր սակայն:

Սարուձորէն մեր սկսած խօսակցութեան ընթացքին, ես յաճախ մտովի կ'անդրադառնայի իմ ըսելիքիս, սակայն ինձ կը պակսէր համարձակութիւն ու կորով, բուն նիւթին անցնելու համար:

Գեղամ զրադարձ էր վառարանը վառելով. հազիւ թէ բռնկած էին փայտերը, երբ ես գրպանէս հանելով Վասիկին յուշատետրը, շպանցի զայն բոցերուն մէջ, ըսելով. «Գեղամ մոռցիր անցեալդ, յոյզերդ ու հոգեկան խոռվքներդ, նոր կեանք սկսիր», և դեռ քանի մը տարամ ու անկապ խօսքերը, որոնց իմաստը այդ պահուն ես ալ չէի հասկնար:

Վասիկ կայծակնակար ու քարացած, առանց բառ մը բակ արտասանելու՝ աչքերը պիշ պիշ յառած բոցերուն՝ որոնք կը ճարակէին իր անցեալը մնաց քանի մը վայրկեան. երբ ուշքի եկաւ, արդէն արտասուքներ կախուած էին իր սեւորակ թերթերունքներէն:

Մենք այլեւս ոչ մէկ խօսք կրցանք փոխանակել: Ան-

ցան լոռւթեան, գերեզմանալին խաղաղութեան քանի մը ժամեր ևս, երբ արդէն յոգնած ու պարտասած՝ տեսակ մը զգայազիրկ վիճակի մէջ քունս կը տանէր.

Առաւոտ կանուխ արթնցած էի, հազիւ թէ լուսցած էր, աչքերս բացի, բայց Գեղամ բացակայ էր սենեակէն, թէեւ նշարեցի իր ժաքէթը և գլուսարկը հոն, անկիւնի աթոռին վրայ, փունս փախած էր այլեւս, անձանօթ և չարագուշակ միտք մը կը չարչրկէր ուղեղս, անհամբեր կը սպասէի որ Գեղամ ներս մտնէր: Մէկ ժամուան ապարդիւն սպասումէս յետոյ, դուրս ելայ իրեն հանդիպելու յոյսով, թէեւ կարծես համոզուած էի թէ չպիտի դանես:

Քիչ վերջ փողոցն էի. դեռ երթեւեկութիւն սկսած չէր. բաւական թափառումներէ յետոյ, վերադարձիս վերջապէս հանդիպեցայ Գեղամին, որ գլխաբաց ու առանց ժաքէթի, համակ թախիծ ու սարսուռ՝ դանդաղաքայլ ու գլխիկոր տուն կը վերադառնար:

Ուր անցուցած էր գիշեր, ի՞նչ փորձութիւններու ենթարկուած էր երիտասարդ, բայց արդէն դալկահար այդ կեանքը. յետագային միայն ես կրցայ ստուզել իր արկածալից շրջագայութիւնը Սարայ Պուրունի ծովեզերքը,

* *

Անցան ամիսներ, տարիներ արդէն և այդ երկար ժամանակաշրջանին շատ քիչ բան փօխուած էր Գեղամի հոգեկան աշխարհին մէջ, Միայն թէ կուսակցական ծանր զբաղումները հետզետէ աւելի կը շատնային և կը կլանէին զինքը ամբողջովին և հետեւաբար կամովին անձնատուր այդ նուրական աշխատանքին՝ անիկա ժամամբ մը կը ոռոնար իր մենութեան ժամերու սպաննող տանջանքը:

Հուսկ յետոյ Պալքանեան պատերազմը վրայ կը հասնէր: Ես կը թողնէի Պոլիս, վան անցնելու համար: Գեղամ տարի մը եւս ունէր իրաւաբանականը աւարտելու համար: Ես մտադրած էի զինքը հայրենիք հրաւիրել աւարտելուն պէս, միասին աշխատելու համար:

Մեր թղթակցութիւնները այդ մէկ տարուան ընթացքին,

թէեւ ընդհատ՝ բայց շարունակուեցան: Ուրիշ կերպ ալ հնարաւոր չէր:

Յաջորդ տարի, ես արդէն մէկ-երկու նամակով ջանացի զինք համոզել որ Վանվերադառնայ, Փաստաբանական սպարէզի մէջ բաւական շահեցնող գործ կար, միւս կողմէ ալ Պ. Համբարձում Երամեանը կը ցանկանար իրմէ օգտուիլ իր դպրոցին մէջ: Նամակներուս պատասխանը կ'առնէի թէեւ, բայց Գեղամ յամառօրէն լուռ կը մնար իմ հրաւէրի կամ առաջարկի մասին. միայն ի միջի այլոց կը գրէր թէ խիստ դժգոն էր իր ստացած ուսումնէն և կը մտածէր Եւրոպայի մասին: Վերջին փորձն ըլլալով հեռագրեցի Գեղամին, որպէս զի Վան մեկնի. չատ ուշ միայն ստացայ երկտող մը որպէս պատասխան, որով կը յանդիմանէր զիս որ կը ջանացի բարոյական ճնշումի ենթարկել զինքը և կը սպառնար խզել իր յարաբերութիւնները, եթէ երբեք փորձէի կրկնել հրաւէրս:

Ակամայ տեղի տուի, չէի ուզեր զինքը վշտացնել, առանց այդ ալ անիկա խիստ դառնացած էր: Միւս կողմէ ալ կը մտածէի որ գուցէ Գեղամ իսկապէս յաջողէր Եւրոպա անցնիլ:

Ամիսներու խորհրդաւոր լուռ թիւն մը յաջորդեց այս վերջին նամակագրութեան:

Շատ չանցած՝ մարդկութիւնը կը հեծէր ընդհանուր պատերազմի մղճաւանդին տակ: Թուրքիա արդէն ձեռնարկած էր նախապատրաստական աշխատանքներու և յայտարարած ընդհանուր զրահաւաք:

Ահա սուրսափի այս օրերուն էր. որ Պոլսէն ստացայ «Բիւզանդիոն»ի քանի մը թիւեր, զոր ընթեռնած պարագային աչքիս զարկին թերթերէն մէկուն ներքին Էջերու մէջ Գեղամի մատիտով՝ գրուած քանի մը տողեր, որով կը տեղեկացնէր թէ մեր՝ վանի մասնածիւղի նամակներն ալ բըռնուած են և հետեւաբար զգոյշ պէտք է ըլլալ:

Մենքայնատեն շատ քիչ բան հասկցանքայս հակիրճ տողերէն: Միայն ցաւալի և վտանգաւոր իրադարձութիւններու անորոշ հեռապատկեր մը կ'ուրուագծուէր մեր երեւակայու-

թեան առջեւ : Յետագային աւելի եւս առարկայական կը դառնար մեր մտահոգութիւնը , մտատանջութիւնը , երբ Պոլսէն տրուած հրահանգի մը վրայ՝ Վանի մեր ղեկավար ընկերները վարչական կարգով կը ձերբակալուէին և կը յանձնուէին պատերազմական ատեանի :

Պատերազմի յայտարարութենէն յետոյ , հաւանական զինուորագրութենէ և ձերբակալութենէ հազիւ ճողովրած և Պոլսէն փախած մեր ընկերները յետոյ արդէն մեզ պատմեցին այն ձերբակալութիւններու և հաւանական վասնզի մասին , որուն ենթարկուած էին Պոլսի մեր ընկերները , այն մեղադրանքով թէ կուսակցութիւնը հսկայ և ահաւոր մահափորձ մը կազմակերպած էր իթթիւատի ղեկավարներուն դէմ :

Գեղամ առաջին առթիւ թէեւ չձերբակալուած , այսու ամենայնիւ ազատ չէր այդ ճակատագրէն :

Ահա թէ՝ ինչո՞ւ համար , ընկերներու խորհուրդով , Վանիկ յանձն առաւ մտնել զինուորական վարժարան , այն յուսով թէ այդպէսով պիտի կրնայ կառավարութեան ուշադրութիւնը հեռացնել իր վրայէն :

Այսպէս ուրեմն , իրերու դժբախտ հրամայականով մը , Վանիկ հարկադրուած էր հետեւիլ զինուորական ասպարէզին , զոր հոգւով կ'ատէր և սկզբունքով ալ կը դատապարտէր :

Եւ ահա , ընկերներ կը պատմեն թէ ի՞նչպէս ամէն երեկոյ պայմանադրական մարզանքէ դարձին՝ Գեղամ յոդնած ու պարտասած , որչափ ֆիզիքականով , նոյնքան և աւելի հոգեպէս , տուն կը դառնար մարզարանէն : Նոյն ընկերները նկատած էին սակայն , որ Վանիկը քաղաք մտած պարագային , մանաւանդ ծանօթներու հանդիպելու հաւանականութեան առջեւ , ներքին , սակայն բոնազբօսիկ ճիզով մը իր կեցուածքին և քալուածքին տեսակ մը խրոխութիւն կուտար , այնպէս ինչպէս վայել է զինուորականներուն :

Եթէ հոգեբանօրէն որ և է բացատրութիւն պէտք է տալ այս երեւոյթին , հաւանաբար պէտք է կանգ առնել այն հաւանականութեան վրայ թէ Գեղամ չէր ուզեր ակա-

մայ ցոյց տալ թէ ընկճուած , յաղթահարուած կ'զգայ ինք-զինքը . թէ կեանքի և բռնութեան դէմ իր քարոզած պայ-քարին մէջ , ինքն իսկ պարտեալ մըն էր արդէն :

Եւ արդարեւ ուրիշ դրուագներ կուգան ապացուցանե-լու որ Գեղամ , այդ ահաւոր օրերուն , այդ զինւորական շղթաներու մէջն իսկ , չէր լքած իր ընկերային-յեղափո-խական դաւանանքներն ու համոզումները : Եղած են պա-րագաներ , երբ Գեղամ իր շուրջ հաւաքած իսլամ ընկերա-կիցները , բացայատօրէն դէմ արտայայտուած է ոչ միայն կեդրոնական պետութիւններու էմփէրիալիսթական արկա-ծախնդրութեան , այլ նաեւ միլիթարիզմին ընդհանրապէս : Ընթերցողները կ'ըմբռնեն անշուշտ որ աւելի քան յան-դուգն ընթացք մըն էր ասիկա , կրակի հետ խաղալու ձեւ մը պարզապէս :

Ասիկա եղելութիւն մըն է , որ մեզ թոյլ կուտայ հա-ւատակ թէ Գեղամ , իր կեանքի այդ ամենամռայլ ու ար-հաւրալից շրջանին իսկ , իր հոգեկան կորովը ու դիմացկու-նութիւնը գարձեալ կրցած էր պահել :

Քիչ չանցած , Վանիկն ալ իր ընկերներուն բախտին կ'արժանանար : Զինուորականի իր հանգամանքն իսկ չկըր-ցաւ փրկել իր երիտասարդ կեանքը և ահա Գեղամ կեր-թար միանալու բանտի իր սիրեցեալ ընկերներուն :

Այսպէս ուրեմն , դաւաճան ձեռքը , ճակատագրական բոպէին կը բարձրանար և կը բռնէր այն դանակը , որուն հարուածին տակ դիտապաստ պիտի իյնային անոնք՝ որոնք երկնեցին և գործադրեցին հայաջինջ ծրագիրը :

Թուրք արիւնարբու նախճիրի առաջին զոհերը եղան քսան մեր ընկերները , որոնցմէ էր նաեւ մեր յաւէտ ող-բացեալ Վանիկը :

Ես վստահ եմ սակայն , որ անիկա , երբ իր սիրեցեալ Փարամազի հետ թեւ թեւի կը յառաջանար դէպի կախաղան , կը պահէր իր հոգեկան կորովը և նաեւ այն խոր համոզու-մը թէ իրենց և նմաններու արիւններովն է որ պիտի շա-ռագունի վաղուան Ազատութեան բոսորագեղ Արշալոյսը :

ՔԱՆՏԱՐԿԵԱԼԻ ՄԸ

ՄՊԱՅԼ ԽՈՅՀՈՒԹԻՆԵՐԻ ՈՒ ՎԱՐԱՆՅՈՒՄՆԵՐԸ
(ՏՕՔԹ. ՊԷՆՆԵՒ ԿԵԱՆՔԵՆ)

Գրեց՝ ՊԱՐՄԱՆԻ

Քոլորովին անհատական բնոյթ կրող դէպք մըն է որ պիտի պատմեմ, բայց պէտք է որ զայն պատմեմ իր բարոյական մեծ նշանակութեան համար:

Մեծ պատերազմի երկրորդ եռամսեային մէջ ենք: Թուրքերու՝ մեծ պատերազմի մասնակցութեան առաջին վարանումին կը յաջորդէ տեսակ մը վատահութիւն և յանձնապատամութիւն: Սիխալին մէջ յարատեւելու յամառութիւնը կը շատնայ և ամէն ճիգ ուղղուած է մէկ նպատակի: Եինելու ազգային համոզում մը, նոր եղելութիւնները անով նուիրագործելու համար: Անոնք գինով էին իրենց այն մատայնութեամբ և փողփողուն հեռապատկերներով, մենք ուրախ էինք տեսնելով զիրենք այս զինովութեան մէջ, ուրգէ դեռ չսթափած՝ իրենց գլուխը ժայռին վրայ պիտի փշրէին: Այս էր մեր հաւատաք այն օրերուն ու այնպէս կը յուսադրէինք զիրար երբ այցելութիւն կուտայինք «բանտի մեր տղոց»:

Դատավարութիւնները սկիզբէն ի զեր լաւ չէին ընթանար, բանտարկեալները տիսուր բնազդումներ կունենային և մահուան հոտ բուրող անորոշութեան մը հետ դէմ յանդիման կը գտնուէին: Այս կացութեան մէջ մարդիկ ա'լ աւելի կը սիրեն յուսալ: Անոնք թուրքերու՝ պատերազմի

մասնակցիւը իրենց համար բարեյաջող դէպք մը կը համարէին, ենթադրելով որ Թուրքերը իրենց պարտութեան և ջախջախումի հեռապատկերը աչքի առջեւ ունենալով նուազքրտութեամբ պիտի վարուէին իրենց հետ:

Թող որ այն ատեն ընդհ. կարծիքն այն էր թէ գարնան պատերազմը պիտի վերջանար կեդրոնական պետութիւններու ջախջախումովը:

Սակայն իրականութիւնն ա'լ էր, պատերազմի վիճակը երբեք չմեզմացուց բանտարկեալներու կացութիւնը, պատերազմական ատեանը մնաց նոյնքան անողոք:

Հարկ էր ժամանակ շահիլ և դատավարութիւնը ձգձգել, երկարաձգել տալ մինչեւ ծագող արշալոյսը որ այնքան մօտ կը թուէր: Դէպէր քաջալերական էին. ոռւսական լողաքարը (rouleau russe) Կարպաթներն ի վար կը գլուխուէր և կ'սպառնար Աւստրիան ճգմել. զերէն արդէն Արեւելեան Բրուսիան կը կոխոտէին:

Ժամանակ շահելու մասհոգութենէն տարուած, Տօքթ. Պէննէ յաջողած էր հիւանդութիւն մը ձեւացնել և քոս առնել, ինքզինքը հիւանդանոց փոխադրել տալու համար:

Մալթէդէի զինւ. հիւանդանոց փոխադրած էին զինքը, բայց դարձեալ բանտարկեալ:

Պաշտօնիս բերումով և զինուորականի հանդամանքովս պատեհութիւնը կ'ունենայի իր խուցը մտնել: Իր առաջին մտահոգութիւնն եղաւ զիս զգուշացնել իմ անվերապահ վերաբերումի համար: Զգացուց որ իմ զինուորականի հիօնիքներս բաւական չեն զիս անմերձենալի դարձնելու ինչպէս դժբաղդ Վանիկինը չէր զօրած զայն փրկելու: Մեր առաջին խօսակցութիւնները կ'ըլլային կարծ ու կտրուկ, Թուրքերէն լեզուով և պարտականութեան վերաբերեալ: Բայց ժամանակ անցնելով թէ ինք և թէ ես մոռցանք զգուշաւորութիւնը, պարտականութենէ դուրս այցելութիւններ յաճախակի դարձան: Մեզի կը թուէր թէ բանտապահ նեգիրները ինչպէս նաև բանտակիցները խորթ աչքով չէին դիտեր մեր տեսակցութիւնները:

Տօքթ. Պէննէ ինքզինքը սիրել և յարգել տուած էր իր

բանտակիցներուն, չէին չարանար այն մասնաւոր վերաբերումին համար, որուն կ'արժանանար, կը զգային և գիտէին որ անոր տեղը իրենց մէջը պէտք չէր ըլլար, ու անոր տուած էին լսելեայն իրաւասութիւն մը, իրենց վէճերը հարթելու և զիրենք կարգի հրաւիրելու:

Ինք քաջալերուած այս բանէն, ես լացած ու շփացած այն իրողութենէն, որ սուինաւոր պահակը զինուորական պատիւով կը բանար բանտին դուռը առջիս՝ սկսայ իրիկնային այցելութիւններու:

Կը խօսէինք ամէն տեսակ նիւթի մասին, պահ մը խարկանքը կունենար թէ բանտի մը մէջ չէ որ փակուած է: Դուրսէն իրեն հայթայթեցի բոլոր այն լուրերը, որոնք այն ատեն մեծ բան մը կը կարծուէին համաձայնական թերթի մը մէջէն քաղաքողի քաղուած ըլլալուն համար սոսկ: Կը հաղորդէի նաև այն տեղեկութիւնները, զորս բանտի մեր տղոցմէ կ'ստանայինք դատավարութիւններու և դէպքերու ընթացքի մասին:

Համոզիչ և գիտական փաստերով կը պատճառաբանէր իր ունեցած անխախտ հաւատքը թրքօ-գերմաններու պարտութեան մասին, այն ատեն երբ Գերմանները Մառնի հովիտը կը կոխոտէին և Հինտէնպուրկ Սավարեան յաղթանակները կը տանէր: Կը յուսար որ Թուրքերը իրենց արտաքին քաղաքականութեան և զինուորական կացութեան համեմատ ներքին քաղաքականութիւն մը պիտի վարեն, հետեւաբար իրենց ճակատագիրն ալ արտաքին դէպքերու ընթացքէն կախում պիտի ունենար:

Բայց աւելի վերջերը ինքն ալ համոզուած էր թէ արտաքին դէպքերը չպիտի գահավիմէին, ոգորումն ու պայտաքարը երկար պիտի տեէին, որով իրենց վախճանը մշուշներով կը պատէր իր աչքին:

Դաւառէն արդէն չարաշուկ լուրեր կը հասնէին և երկուտ փափուքով մը շրջան կ'ընէին ժողովուրդի մէջ: Զեյթունի ըմբոստութիւնը, էվերէկի խուզարկութիւններն ու գերբակալութիւնները մահանոտ սարսուռով մը լեցուցին

մթնոլորտը և որոնք մեր տղոց վիճակը արդարե պիտի ծանրացնէին:

Յուսահատութիւնը չըսեմ, բայց յոռետեսութիւնը պահմը տիրեց իր էութեան մէջ և մղեց զինք դէպի այն եղրակացութիւնը թէ պէտք էր արկածախնդրութեան դիմել:

Ով որ կը ճանչնայ Տօքթ. Պէննէն, զիտէ անշուշտ թէ ի'նչ յանդուցն մտածումներ ունէր, սովորական առօրեայ կեանքին մէջ իսկ: Իր վտիտ ու չոր մարմնի մէջ կը կրէր նոյնքան չոր, հետո ու վճռական բնաւորութիւն:

Օր մը յայտնեց որ որոշած է խոյս տալ բանտէն, և այս բանը պիտի ըլլար իմ և Տ. Ս. Ա. ի գիտութեամբը միայն Մենք թրքուհիի հագուստ պիտի ճարէինք իրեն, գիշեր մը ինք պիտի ցատկէր իր պատուհանէն որ շատ կակուզ հողէ մը և աղքիւսի կոյտերու վրայ կը նայէր, պիտի կերպարանափոխուէր և խոյս տար:

Ծրագիրը ինծի անգործնական չթուեցաւ, ոչինչ կար այնքան դիւրին, որքան այդ պատուհանէն վար ցատկելը: Եթէ անգործնական ծրագիր մ'իսկ լինէր, դարձեալ պիտի չառարկէի, իրեն չտալու համար այն տարակոյսը թէ իմ վըտանդուիլս կը մտածեմ:

Քանի մը օր վերջ հագուստը պատրաստուած և բերուած էր: Վերջընթեր իրիկունը շատ տպաւորիչ և յուզուած շեշտով մը ինծի հաղորդեց թէ իր խիղճը և բարոյական ըմբռնուումը իրեն թոյլ չեն տար որ իր աղատիլը փորձած ատեն զիս վտանգէ: Զարդուիմ ըսելու թէ արդէն իմ ալ վրաս բոլորովին անօրինակ անփութութիւն մը եկած էր, շատ քիչ ժամանակ մը միայն մտածեցի հետեւանքներու մասին և ապա վճռական համակերպութեամբ մը որոշեցի իւրովի «ինչպէս անոնք, անանկ ալ ես»: Հակաճառեցի, պնդեցի իրեն որ ինծի բան մը չի գար, որ ինձմէ բան մը չպիտի կասկածին եւն: Բայց ի զուր, հաստատ որոշած էր ետ կենալ իր ընելիքէն: Կարծեցի միջին եզր մը գտած ըլլալ, իրեն առաջարկելով որ ես պէտք է հեռանամ այդ հիւանդանոցէն, ուրիշ տեղ մը պիհայիշ ըլլալով, ու ապա ինք փորձէր իր փախուստը, Քանի մը օրուան մտածումէ վերին

այդ կերպն ալ զիս վտանգէ հեռու կացուցանելու հաւանականութիւնը չներշնչեց իրեն, ինք չհաւանեցաւ, իսկ ես չկրցայ ուրիշ տեղ փոխադրուիլ:

Ժամանակ մը վերջ փախուստի ուրիշ ծրագիր մը մշակեց, այնքան անօրինակ ու հնարիմաստ, որ անկարելի էր չզարմանալ: Պիտի պահանջէր որ զինքը Պատերազմ. Ատեանի բանտը վերադարձնեն և ճամբան ի գործ դնելով իր յղացած այնքան պարզ, բայց նոյնքան ճարտար միջոցը, պահաները անգործութեան և անզօրութեան պիտի դատապարտէր և ինք խոյս պիտի տար, իրեն հարկ եղած նիւթերը հայթայթուեցան մեծ դժուարութեամբ:

Սակայն այս անգամ ալ ուրիշ միաք մը կը տանջէր զինք, արդեօք ասանկով ընկերներուս վիճակը չե՞մ ծանրացներ և անոնց դատակնիքը չե՞մ սաստկացներ:

Գուցէ այս ծրագիրները չգործադրելուն պատճառներուն մէջ կար նաեւ այն հանգամանքը եւս, ըստ որում ինք չէր հաւատար որ իրենք մահով պիտի քաւեն իրենց կարծեցեալ յանցանքը:

Այսպէս թէ այնպէս, գնաց միանալ իր ընկերներուն, կախաղանի վրայ անմահանալու համար:

Այն խօսքը որ ինք արտասանեց չոււանին յանձնուելէ առաջ թէ «Դուք մեզ քսաններս կը կախէք, մեր ետեւէն քսան հազարներ պիտի գան ձնէ վրէժ լուծել», ապացոյց է թէ ինչքան մեծ հաւատք ունէր ապագայ ըլլալքներու մասին:

Այս հաւատքն է ահա որ տուաւ անոնց գործելու եռանդը և մեռնելու քաջութիւնը:



ԱՐԱՄ ԱՉԸԳՊԱՃԵԱՆ

Գրեց՝ ԷՆԴԻՖԻՆ

Իսկական անունն էր Գրիգոր Կարապետեան:

Այն հազուագիւտ երիտասարդ գաւառացիներից, որ թէւ Պոլսոյ իրաւագիտական վարժարանի ուսանող, բայց անխոնջ կերպով հետեւում էր Մայր-Հայրենիքի ցաւերին: Մին այն ռահվիրաններից, որ յեղափոխական, ապստամբական կազմակերպութիւն էին արած կ. Պոլսոյ և հեռաւոր վայրերի մէջ ի'սկ, դեռ Հնչակեան Կուսակցութեան մարմին առնելուց շատ առաջ:

կ. Պոլսոյ Մասնաճիւղը կազմակերպուելուց յետոյ, Արամը դառնում է նրա արթուն, շրջահայեաց, եռանդուն ոյժերից մէկը: Հնչակեան և Հայ Յեղ. պատմութեան մէջ՝ մի առանձին խոշոր դեր ունի գրաւած Գում-Գաբուի անդրանիկ Յոյցը: Առաջին անգամն էր, որ Հայը քաղաքական ասպարէզ էր իջնում՝ ո՛չ թէ աղաչագրով, այլ պահանջագրով: Այդ պատմական ցոյցը, Հայկական խնդիրը Արեւելեան խնդրի մի ազդակը դարձաւ՝ որոշ կերպով, — այսպէս են ասում պատմական բալոր վաւերաթղթերը: Կարնոյ Հընչակեան ցոյց կոուից յետոյ՝ Պոլսոյ այդ ցոյցը պատմական մի Կոթող իշտառէ է իր կազմակերպիչների: Յոյցի կազմակերպող սիւներից մէկն էլ Արամն էր: Նրա կեանքը իր բոլոր նւեւէջներով, խառնուած է Կուսակցութեանս ծագման, ծաւալման և գործունէութեան հետ, մին միւսից չի կարելի անջատել. նրանք մի միւսթիւն, մի ամբողջութիւն են կազմում իրարու լրացնող, իրարու ամբողջացնող:

Արամի կեանքը մասնաւոր և ընդարձակ մենագրութեան պէտք ունի, — դա բեղմնաւոր է, խրախուսիչ, օգտակար, օրինակելի: Գում-Գարուի «Յոյց»ից յետոյ՝ Աթէնք անցնելով, կարեւոր հրահանգներ ստանալուց յետոյ, վերադառնում է երկիր, պարտականութիւն կատարելու: Նաւի վրայ հանդիպում է իրեն դատապարտող՝ ծանօթ դատախազին, ճարպիկութեամբ պահուում, օձիքը. ազատում է և երկիր մտնում: 12 երկար տարիներ՝ Կուսակցութեան Փոքր-Հայքի շրջանի Կեդրոնական վարչութեան լիազօր ներկայացուցչի ծանր և պատասխանատու պաշտօնն էր վարում: Փոքր-Հայքի, մասնաւորապէս Շապին-Գարահիսարի ինքնապաշտանութեան գործերի մէջ՝ նա ամենամեծ տեղն ունի ըռնած: Տաճիկ կառավարութիւնը մի ժամանակ Արամի անունից ահ ու սարսափի մէջ էր: Նա ամէն տեղ էր, ձեռք չէր ընկնում, հակառակ կառավարական ամէն խիստ հետապնդումների: Միայն Փոքր-Հայքը չէ, Արամը իր գործունէութեան շրջանակի մէջն էր ասել և՝ Խարբերդը: Իր շրջանների անպայման վստահութիւնը և յարգանքն ունէր: Եղած է Կուսակցութեան կեդրոնական վարչութեան անդամը՝ հինգ տարի շարունակ (1904—1909):

Զ. րդ Էնդհանուր Պատգամաւորական Ժողովը Արամին ընտրեց Տաճկաստանի Կեդրոնական Վարիչ Մարմնի անդամ: Իր պաշտօնը կատարեց խլճի մաօք, առանց կուսակցութիւնից պարզ ապրուստի միջոց անգամ ստանալու: Մի միջադէպ Արամի կեանքից: — 1909ին, Զօրք-Մարզուանի մասնածիւղի գոյժն հասաւ Պալիս, որ իրենք պաշտուած են: Հարկ էր խիզախ քայլը անել՝ առանց սպասելու: Կեդրոնական վարչութեան անդամները հրահանգ արձակեցին Պուսոյ և շրջակայից բոլոր Հնչակեան մասնաճիւղերին պատրաստ գտնուիլ զէնքը ձեռքերնին և տրուած նշանին յարձակում գործել կանխապէս կազմուած յատակագծի համեմատ:

Արշարունի Եպիսկոպոսը պատրիարքական տեղապահ էր: Ընկեր Սապահ-Դիւլեան և Արամ, յանուն Հնչակեան կուսակցութեան պահանջ դրեցին Տեղապահին, անմիջապէս

զինուորական ընդհանուր հրամանատար Մահմատ Շէվքէթ փաշալին դիմել և ասել, որ եթէ 24 ժամից Զօրք-Մարզուանի պաշարումը չվերցուի, Հնչակեանները պիտի զարկուեն, ինչ որ էլ լինի, Պոլսոյ և շրջակայից մէջ: Արշարունին մի բոպէտ տատանուեց: Հոտ տեսնելու էր «սուսիկ-փուսիկ» Արամը՝ աչքերը կարմրած, ձեռքերը աջ ու ձախ ճօճելիս, այդ բոպէին նա բոլորովին այլ մարդ էր: — «Սրբազան, վերջին խօսք, եթէ անմիջապէս չերթաս, քեզ ալ նոյնը պիտի ընենք, ինչ որ ըրինք Աշրգեանին, գիտցած եղի՞ր...»: — «Գիտեմ, զաւակս, քեզ այն ատենէն կը ճանչնամ», ասաց Տեղապահը և իսկոյն կառք նստեց: Հազիւ 4 ժամ անցած, վերադարձաւ, վստահացնելու՝ որ հեռագիրը իր աչքին առաջ խմբագրուեց և զարկուեց: — Իրաւ, այդպէս էլ եղած էր:

Արամը 48 տարեկան էր, բայց արդէն ծերացած՝ իր բազմատանջ կեանքի համար: Ընտրուեց Ազգային Երեսիուանական ժողովի անդամ, բայց հրաժարուեց: Իր համեստ, լուրջ, զգօն բնաւորութեամբը բոլոր ընկերների սէրն ու յարգանքն էր վայելում:

«Բատինատ»ի վրէժինդրական ոգին նրա ալիքներին չուզեց խնայել: Մեռաւ նա, բայց «պայծառ գիծ թողեց»:

Արամը կը մնայ մի լուսափայլ կոթող՝ Ս. Դ. Հնչակեան կուսակցութեան պատմութեան մէջ:



ԵՐՈՒԱՆԴ ԹՕՓՈՒԶԵԱՆ

(ՔԱՆՈՒՆՈՐ)

Գրեց՝ Ս. ԱՐԱՊԵԱՆ

Զուտ հայկական՝ գեղեցիկ գիւղի մը՝ Պարտիզակի հարազատ ծնունդն էր ան։ Իր ուսումը առած Ներսէս-Շուշանեան երկուեռ վարժարանին, և իզմիթի իտատիէին մէջ, ան դպրոցէն հրաժեշտ չառած՝ մտաւ Հնչակեան շարքերուն մէջ և նուիրուեցաւ անոր, իր հոգիին բոլոր թափովը։


Հէ՛զ երուանդիկ, ով չեր ճանչնար քեզ, ամբողջ իզմիթի գաւառի հայութեան մէջ, իրք այդ շրջանի կազմակերպիչ և բրօբականախաթ։ Կը յարգէին անիկա բոլորը, թէև փոքրիկ, գեռ նորեկ, սակայն կրակու ու յեղափոխող ողին միշտ իր հետ կը քաշէր ամբողջ գիւղացին և բանւորութիւնը։

Իր 23—25 տարեկան հասակին մէջ նշանաւոր դէմք մը դարձաւ երսւանդիկ, երբ սկսաւ հրատարակել Ս. Դ. Հընչակեան կուսակցութեան Պարտիզակի եռանդուն Մասնանդիրին ուկանը՝ Պայֆար անուն թերթը, նախ խմբատիպ, և քիչ ետքը տպագրուած։

Անոր յեղափոխական ողին այնքան բարձր էր և այնքան անսպառ, որ երբեք յոգնութիւն չէր զգար պայքարի վիճարանութիւններու մէջ։

Անիկա իր հոգիին բոլոր թափովը նուիրուած էր իր գործին՝ անկեղծօրէն։

Դեռ չեմ մոռցած, կը յիշեմ երէկուան պէս։ Օսմ. ե-



ՏՕՓ. ՊԷՆՆԷ

րեսփոխանական ընտրութիւնները սկսած էին Իզմիթի շրջանին մէջ :

Երուանդիկ, իբրև ընտրական պայքարի բրօքականաթիսթ, Իզմիթ, Ատափազար և չրջակայ գիւղերը Կ'երթար և ամենափայլուն կերպով կը ձաղկէր Իթթիհատը ու անոր քաղաքականութիւնը և միշտ արգելք Կ'ըլլար անոնց և յաջողեցաւ, ընտրել տալով յոյն երեսփոխան մը, փոխանակ իթթիհատականի :

Ու այդ ժամանակէն սկսեալ իթթիհատական կառավարութիւնը հաշտ աչքով չէր նայեր անոր, մինչև որ իր վրէժը լուծեց :

Հէ՛զ Երուանդիկ, բաժնուեցար մեղմէ անդարձ, անուշիկ Պարափակէդ, ծնողքէդ և ընկերներէդ . «Կ'երթամբայց պիտի գամ նորէն իմ անուշիկ քոյրս», Կ'ըսէիր, քեզ այնքան սիրող ու գուրգուրացող քրոջ :

Բանուո՞ր... որքան անուշ, որքան գեղեցիկ, ու որքան խորհրդաւոր անուն :

Կախաղանը եղաւ քու մահդ, սակայն դուն մեր սրտերուն մէջն են միշտ: Դուն չես մեռնիր երբեք, քանի կայ ափ մը հայութիւն :

Հէ՛զ Բանուոր, երբ կախաղան բարձրացած, դեռ աթոռակին վրայ էիր և չուանը վղիդ, քահանան կը մօտենար քեզի վերջին ճաշակը տալու, մօտդ գտնուած ճերմակ թաշկինակդ հանելով գրպանէդ, երկարեցիր քահանային, ըսելով . «Տէ՛ր հայր, տուր այս չոր թաշկինակս իմ մօրս. թող գիտնա՛ անիկա թէ երբեք չէ թրջուած արցունքներով...»

Ահա՛ կտակդ... ընկե՛ր: Վերջին խորհրդաւոր ու զգայուն խօսքերդ, որոնք միշտ թարմ պիտի մնան մեր սըրտերուն մէջ, և անմոռանալի:

Յարգանք յիշատակիդ:



ՔՍԱՆԵՆ ՄԵԿ ՔԱՆԻՆԵՐԸ

ՎԱՀԱՆ ՊՈՅԱՃԵԱՆ (Խուբէն կարապետեան, Զմէկածագի), Հնչակեան կուսակցութեան 25 տարուան աշխատաւոր սիւներէն մէկն էր: Ան դեռ ընկ. Խանդատեանի օրով՝ Ամերիկայի Հնչակեան շարքերու մէջ յայտնի էր եղած իր անձնական զոհողութիւններով: Համեատ շրջանի մէջ՝ նպաստած է Հնչակեանութեան կազմութեանը, խտացմանը՝ Ամերիկայի մէջ: Եղած է կուսակցական ներկայացուցիչ Պուլկարիայի, Խումանիայի, Եղիպտոսի, Խուսասատանի և Կովկասի մէջ, մէկ քանի անգամ:

Տաճկաստանի Կեդր. Վարիչ Մարմի անդամ է եղած 2 տարի: Աղջ. Երեսփ. Ժողովի երեսփոխան էր, ընտրուած՝ իր ծննդավայրէն:

Մէկ քանի անգամ ամենակարեւոր, ծայր աստիճանի վտանգաւոր միսսիաներ յանձն է առած և յաջողութեամբ գլուխ բերած: Ան անկեղծ, անձնուրաց, գաղափարական յեղափոխական էր: Հնչակեան կուսակցութեան բարգաւաճան. յառաջնաղացման գործի մէջ ան իր յատուկ տեղն ունի: Լոնտոնի մէջ 1900ին, Կեդրոնավայրը վերահաս վտանգէն աղատողը ինք է եղած: Ամէնքէն սիրուած, յարգուած ընկերն էր: Տուած է կուսակցութեան ինչ որ ունեցած է, ինչ որ կարողացած է: Թէեւ հազիւ 4) տարեկան, բայց յեղափոխական, աստանդական կեանքը զայն վաղահաս ծերութեան էր հասցուցած: Ան մինչեւ վերջն աւ պատնէշին գրայ մնաց:

ՄՈՒՐԱԾ ԶԱՔԱՐԵԱՆ (Յակոբ Ղազարեան): — Մշոյ Յրօնք գիւղէն: Հազիւ 35 տարեկան: Հուժկու, կտրիճ տղամարդ: Դօլիցինի վերջին տէրօրն էր, որ կենդանի էր մնացած: Եղած է Փարամազի «հաւստարիմ, վատահելի», անձնուրաց» զինուորը: 1903էն յետոյ երկրի զինուորական գործի կազմակերպութեանը մասնաւոր հոգ է տարած: Իր գործունէութեան առաջին շրջանը եղած է Մշոյ դաշտը: Մասնակցած է Հայ-թաթարական կոիւներու: Ինքնավար Հայաստանի մոլեռանդ պաշտպան: «Թող մեռնեմ, բայց եղ գաղափարի համար»: Մուրատի վերջին միա՛ս քարոզվէ էր ատիկա:

ԱԲՐԱՀԱՄ ՄՈՒՐԱՏԵԱՆ: — 26 տարեկան, անդամ կուսակցութեան Աղեքսանդրիայի մասնաճիւղի: Բարեհամբոյր, պարտաճանաչ զինուոր: Ան դիմագրաւող ոգիի մարմացումն էր, մէկը ա'յն սակաւագիւտ զինուորներէն, որոնք քիչ կը խօսին, շատ կը գործեն:

ԱԱՐԸ ԽԱԶԻԿ (Կիրասոնցի, մշակ Մինաս, Գաբրիէլ Քէշիենան). — 35 տարեկան. Կարճութեամբը նշանաւոր հանդիսացած է Հայ-թաթարական կոիւներու, մասնաւորապէս երեւանի և Շուշիի շրջաններուն մէջ: Կովկասեան տեղական բռնապետ-բիւրոկրատներու հոգէառ ահարեկիչն է եղած: Իր գործերը, քաջազործութիւնները առանձին պատմուած քներու նիւթ կրնան կազմել: Կատաղի Հնչակեան, անձնուրաց զինուոր էր:

ԱՆԿՈՒՏԻ ՊԵՏՐՈՍ (Պիթլիսցի, դերձակ Սմբատ, որդի Վարդան Գրլեճեանի). — Հազիւ 30 տարեկան: Անդամ զինուորական խմբի: Հնչակեան շարքերու մէջ յայտնի էր իր ձեռներէցութեամբը: Միջոց մէ՝ Պիթլիսի և Մշոյ շրջաններու մէջ յարաբերութիւնն պահող զինուորական գործիչ էր:

ԱՐՄԵՆԱԿ ՀԱՄԲԱՐՁՈՒՄԵԱՆ (Տէնիզլիցի). — 27 տարեկան, կտրիճ, անձնուէր երիտասարդ, յայտնի էր իր անգուգական քաղցր բնաւորութեամբ: Ան զինուորական արուեստը, մասնաւորապէս ամբագործութիւնը կատարելագործութեան հասցուցած իր: Անդամ էր Ս. Դ. Հնչ. Կուսակց.

Աղեքսանդրիայի մասնաճիւղի։ Հրաշալի նշանաձիգ էր անոր գնդակը վրիպիլ չեր գիտեր։

ԳԱՐԵԳԻՆ ՊՈՂՈՍԵԱՆ (որդի Առաքել Պողոսեանի)։— Շապին-Գարահիսարցի, Հնչակեան պարտաճանաչ, անվեհեր զինուոր, 30 տարեկան։ Համբակեան րէժիմին Կովկաս կը գտնուէր։ Պոլիս վերադարձած էր առհմանադրութեանէն յետոյ։ Բանտարկուած էր իրեւ հեղինակ՝ մատնիչ Արշաւիրի մահափորձին։

ՊՈՂՈՍ ՊՈՂՈՍԵԱՆ (որդի Միքայէլ Պողոսեանի) ոսկերիչ, ժամագործ, Ակնցի՝ Պաֆրա վերաբնակուած, 53 տարեկան։ Սամսոնի շրջանի մէջ յայտնի էր՝ որպէս գործունեայ, անձնուրաց աշխատող, Ոգին էր Ս. Դ. Հնչակեան Կուսակցութեան Պաֆրայի Մասնաճիւղին։ Իր ուղղամիաբնաւորութեամբ ընդհանուր յարգանքը կը վայելէր։ Այդ շրջանի մէջ «Խատիհատ»ի ամենաօխիքիմ հակառակորդն էր։ Մասնակցած է Ե. Ռ. Ռ. Հնդկանուր Պատգամաւորական Ժողովին։ «Պէտք էր հակառինական հողի վրայ կանգնիլ, յեղափոխական ապատմական տաքտիքա ընդգրկել»։ «Խնձնավար Հայատան՝ վարչական, թէ՞ յաղախական։ անջա՞ս թէ մի մասն Օսմանեան պետութեան»։— Այդ խնդիրներու վիճաբանութեան ժամանակ՝ ծերունի ընկերը յուզումէն դողողաց, շառագունեց, դառն կերպով արտասուեց, հեկեկաց։ «Ընկերներ, ատատանուիլ պէտք չէ, թուրքի հետ միասին մենք չենք կրնար միատեղ տպրիլ, կամ ապատմբնք, կոռւինք, աղատուինք։ կ'ամ բոլորս ալ միասին մեռնինք, կոտորուինք։ ալ դիմանալ չենք կրնար։ Փոխանակ ամէն օր կտոր կտոր կոտորուելու, թող մէկ օրուան մ ջ բոլորս ալ կոտորուինք, եթէ յաղթել չենք կրնար...»։

Տեսնելու էր՝ թէ հնչպէս այդ ծերունին երիտասարդացած։ մի առ մի կը թուէր իր շրջանի մէջ՝ «Խատիհատ»ի ձեռք առած հայսկործան չարիքները, Բաղմանդամ ընտանիքի տէր, ան այն բողոքականներէն էր, որոնք անկեղծ սրտավ վերը Աստծոյ կը հաւատան, Վարը Հայ Յեղափոխութեան, հոգին, մարմինը փրկելու, առաքինանալու, Աւետարանի պատուէրները կատարած ըլլալու համար։

ՅԱԿՈԲ ՊԱՄՄԱՃԵԱՆ (Ղազարի որդի)։ 26 տարեկան։ Ս. Դ. Հնչ. Կուսակցութեան Քիլիսի մասնաճիւղի ատենապետը, ինչպէս և այդ շրջանի եռանդուն գործիչը։ Կըտրուկ, բեկանող բնաւորութեան տէր էր, Փարաւազի հային լոյս աշակերտը։ Կիլիկիայի շրջանի զէնքի փոխադրութեան, մատակարարութեան գործի մէջ աչքառու դեր կատարած է։

Իր առանձին հրճուանքն էր յանկերգել։ «Ինքնավար Հայաստան՝ Կիլիկիայով միատեղ»։ Լեռնական Հայի շիտակ բնաւորութեամբ՝ մինն էր այն առոյդ մտաւորականներէն, որոնք ջերմ հաւատքով կը հաւատային Հայի աստղի փայլուու։ Կիլիկիայի շրջանին մէջ ամենառուժեղ բրօբականտան ինքն է մղած «Իթթիհատ»ի դէմ։

ԹՈՂՄԱՍ ԹՈՂՄԱՍ.ՍԵԱՆ (որդի Վահանի)։ անդամ Քիլիսի Հնչակեան մասնաճիւղին, դպրոցի տնօրէն-ուսուցիչը։ Եղած է անկեղծ, անձնուէր գործիչ։ Մէկ քանի անդամ իր անձը վտանգի ենթարկած է։

ԵՐԵՄԻԱ. ՄԱՏԹԻՈՍԵԱՆ (որդի Կիպրիանոսի)։ Պոլսեցի, նշանաւոր էր իր արտասովոր ճարպիկութեամբը և փիզիքական ուժով։ Երեմիան զինուոր էր, այս բառի ընդարձակ նշանակութեամբ։ Ան Պոլսոյ Հնչակեան զինուորական կազմակերպութեան ողին էր։

ՄԿՐՏԻՉ ԵՐԵՑԵԱՆ (Ապոչեխցի, որդի Յովհաննէսի)։ Խարբերդի Հնչակեան մասնաճիւղի բազմաշխատ ատենապետը։ Եղած է անխոնջ գործիչ, բրօբականտիսթ։ Ժողովրդական զինման գործի մէջ ահագին դեր է խաղացած։ Իթթիհատականութեան անհաշտ թշնամի։ Ուժեղ խառնուածք ունէր, անտեղիտալի նկարագիր։ Զոհաբերութեան ողին ծայր աստիճանի զարգացած էր իր մէջ։

ՅՈՎՀ. ՏԵՐ ՂԱԶԱՐԵԱՆ (Կեսարացի)։ Դպրոցի ուսուցիչներէն։ Ս. Կարապետի վանքի սաներէն մէկը։ Կեսարիոյ շրջանի բրօբականութիսթ գործիչը։ Այդ շրջանի ժողովրդական զինման գործին մէջ մեծ դեր ունի։

ՅՈՎհԱՆՆԷՍԸ Վերին աստիճանի աշխատարդ Երիտասարդ էր, աւելի լուակեաց քան խօսող, անդրդուելի նկարագրի տէր։

«Իթթիհատ»ի կեսարիոյ ներկայացուցիչը յաճախ նրան հաւածանքի էր ենթարկած և սպառնալիքներ կարդացած։ Այդ սպառնալիքները գործադրեցին, կախելով զայն։

ԳԱԽՆԻԿ ՊՕՅԱՃԵԱՆ (որդի Գրիգոր Պօյաճեանի)։ Կըտրիճ երիտասարդ, 27 տարեկան։ Պոլսոյ զինուորական խմբի ազդեցիկ և գործոն անդամներէն մէկը։ Աներկիւղ, վճռական բնաւորութեան տէր էր։ Հնչակեան զինուորի մեծահոգութիւնը, պատրաստակամութիւնը իր բնորոշիչ գիծերն էին

Գ. Ս. Ս

ՅԱՐԳԱՆՔԻ ԽՈՍՔ



Ք ՍԱՆ Ը^(*)

Գրեց՝ ՏԻԳՐԱՆ ԿՈՄՄԱՐԱԿԱՆ

«Թո՛ղ, քո՛ղ որ բարձրանայ արիւնաքարախ
բուրգը. անոր վիմաւարին ամեն մեկ աստիճանը
պատճե մըն է հայրենիիդի համար, անոր հիմ-
նաքարերուն ամեն մեկը խարիսխ մըն է ազա-
տուքեան քու ապագայ տաճարիդ համար»:

Թ. ՀՕՄՈԼԼ.

Խեղդաժան սպաննեցին զանոնք մահասիւնելու վրայ,
վասնզի իրենց հայրենիքը չատ սիրեր էին:

Աղատութեան հաւատքը ունեցեր էին անոնք. ասի
իրենց ոճիրն էր:

Չմեռան զէն ի ձեռին: Ո՞չ իսկ հրացանի բռնելու պա-
տիւլ ըրբն իրենց: «Մարտնչող»ներ էին անոնք, բռնակալին
լուծին դէմ. թուրքը սակայն «դաւաճան»ներ նկատեց զա-
նոնք ու կարիեց գուեհիկ եղեռնազործներու նման: Դաշիճի
իր դերին մէջ է տաճիկը ու հայորդիները՝ հերոսի իրենց
դերին մէջ...: Բայց կախաղանի չուանը անոնց ձեռքը
չպիտի մնայ միշտ:

Ի՞նչպէս դատեցին: Եաթաղանի վարժուած իրենց ձեռ-
քերուն այնքան քիչ կը վայլէ Արդարութեան կշիռը:
Մահավճիռը ծոցերնին՝ դատարան մտան դատաստանի խաղը
կատարելու. թրքական արդարութիւնն է աս: Հայ հայրե-
նասէրներ «ծրագիր կազմեր էին» գուշակ թուելու,

(*) 1915ին, կախաղաններու տպաւորութեան տակ զրուած է այս կտորը հայ
վիպաղրութեան հիմնադիր և յայտնի զրագէտ Պ. Տիգրան Կամսարականի կողմէ:

օրէնքը չի պատճեր երբէք դիտաւորութիւնը. եթէ ո՞նցափորձ (tentative) մը կար՝ պատժական դատարանին գործն էր ստուգել ու դատել ասիկա. ու եղեռնական արարքն է միշտն որ Եղեռնադատ Ատեանին օրինաց հարուածին տակ կ'իշնայ: Արդ՝ ո՞ւր է գործուած, կատարուած ո՞նցիրը, Պատերազմի ժամանակ, գիտենք ատիկա, զինուորական երկաթէ օրէնքն է որ կ'իշխէ միահեծան, ու պատերազմական ատեան մը ոճրագործը կրնայ պատճել իբր ոճրագործութիւն, այո՛, պայմանա՛ւ սակայն, որ յանցանքը պաշարման վիճակի միջոցին գործուած ըլլայ, մինչ մեր դժբաղդ տղաքը տարիէ մը աւելի էր կը հեծէին բանտերու մէջ:

Ու պատերազմական ատեանին դատաւոր սպաները, որոնք իբրեւ հայրենիքի պաշտպանութեան նուիրուած մարդիկ, ամէնէն աւելի հասկնալու ու հիմնալու էին իրենց ազգին համար մահուան շիփշիտակ նայող մեր եղերարազդ կարիճներուն վրայ, իրենց ձեռքովն իսկ խեղդեցին զանոնք: Զինուորական փառքերնին է ասիկա: Իրենց օրէնքը քսան հայու մահը պահանջեց, չզեղչեցին այդ քսանը 800,000էն, որ մեր պահանջն է:

Բայց չուանը, այո՛, իրենց ձեռքը չպիտի մնայ միշտ, պիտի հնչէ հատուցման ժամը, պիտի վճարէ՛ք, թշուառականնե՛ր, սլաքը կը քալէ Մեծ ժամացոյցին վրայ: Խաչակիրներուն թնդանօթը կը գոռայ ձեր սահմաններուն վրայ, պիտի վճարէ՛ք. պատժական և ոչ մէկ ոճիր առանց քաւութեան մնացած է, արիւնը արիւն կը կանչէ:

Քսան մահածողեր քով քովի նոյնքան սիւներ են՝ բարձրացած Հայուն դիւցազնութեան ի պատիւ:

Հայ գաղափարին յաղթանակը դեռ զուե՛ր կ'ուզէ եղեր, Տէր իմ Աստուած...: Ի՞նչ յամը, դառնաշխատ ու բազմակիծ է ուրեմն ազգի մը փրկարգործումը:

Մեռան Հայորդիները: Գաղափարը կ'ապրի. գործաւորները անհետացան, կը մնայ Դործը, որ պիտի շարունակուի. պատժութեան հունը ուոճանալու համար արեամբ ոռոգուելու պէտք ունեցեր է միշտ:

Տարբարազդ զմայլելի կտրիճներ, Պոլիս, վարագոյրներուն ետին, լորկմնջիկ լացին ձեր վրայ, վասն զի արցունքն իսկ մեղսակցութիւն մըն է անիծծակուռ այդ քաղքին մէջ:

Գիշերանց թաղեցին անշուռք անշուռկ, մահուան մէջ իսկ ոխ պահելով ձեզի գէմ: Բայց վազը Հայ դրօշակը պատանք պիտի տանք ձեզի ու երկրի հողը պիտի բերենք սփռենք ձեր հողակոյտերուն վրայ:

Ո՞ր քահանան եկաւ ձեր վերջին խօսքերը իմանալու. «Կարմիր Ժամուց»ի քահանան, Տ. Յուսիկը դրկած ըլլային: Ան ձեր մահապարտի շապիկէն կամ ձեր կախաղանի չուանէն կտոր մը պիտի բերէր մեզի՝ իբր մասունք պահելու:

Գացիք անշուռշտ աւետելու անոնց որ կանխեցին զմեզ մահուան մեծ ոստումին մէջ՝ թէ աղատութեան արեւին առաջին շառաւիղները մինչեւ Վասպուրական տարածուած են արդէն, ու ըսիք անշուռշտ, թէ երբ աչքերը վերջին անգամ կախաղանէն դէպի երկինք բարձրացուցիք՝ տեսաք խաչը, որ կ'իջնէր յուշիկ Հայաստանի վրայ:

Ո՞վ իմ հայրենիքիս եղերարազդ զաւակները, եղո՛ւկ ձեր մանդաղուած ճիւան կեանքերուն, ձեր տեղը մեր սրտին խորն է: Երկու մայր ունիք ձեր վրայ լացող, ձերինը ու ազգը՝ որ ուրիշ մայր մըն է: Ա՛հ, մահապարտի ճերմակ շապիկը չէ՛ր ձեզի վայլած համազգեստը. մենք պէտք ունէինք ձեզի: Կը ծաինք ձեր հողաթումբերուն վրայ ու կ'երկրպազենք ձեր մեծափառ մահուան առջեւ: Թո՛ղ ամէն հայու սրտէն ձեզի ուղղուած համբոյները իբրեւ ծազիկ թափին ու ծածկեն ձեր զարիպի հողակոյտերը:

Զէ՛, հոգենանգիստ պէտք չէ որ կատարէինք ձեր հոգւոյն համար, որ ալ խաղաղած է հայրենայոյզ փոթորկումներէ. Կոմիտասը պիտի յօրինէ «Դիւցազնաց Երդ» մը ձեզի ու ձեր բաղդակից քաջերուն ծօնուած:

Գերեզմանոցի մէջ, Պոլիս, անկիւն մը կայ հիմա, որ աղգային ուխտատեղի մըն է վազը: Ներշնչուինք այսօր այդ հողաթումբէն: Զսպե՛նք արցունքը ու քալենք անկանդ:

Ու «թո՛ղ որ բարձրանայ արիւնթաթախ բուրգը, անոր

վիմաշարին ամէն մէկ աստիճանը պատնէլ մըն է քու հայրենիքիդ համար . անոր հիմնաքարերուն ամէն մէկը խարիսխ մըն է քու ազատագրութեանդ ապագայ տաճարին հայար» : Թո՛ղ թո՛ղ որ բարձրանայ արիւնաթաթախ բուրգը ,



ՎԵՐՁԻՆ ԱՆԳԱՄ

Գրեց՝ Լ. ԿԱՆՏ

Վերջին անգամ ըլլալով ճակատեցան անոնք , իրենց ոյժերու ամբողջ թափովը :

Մէկ կողմը՝ ոտնակոխուած իրաւունքը , միւս կողմը՝ հօրդայական բռնութիւնը :

Սուլթաններով բացուած Արևելքի պատմութեան ամենահոյակապ օրն էր :

Այդ պատմութիւնը քանդակուած էր . անսանձ բռնակալութեան եաթաղանի արիւնով և անսահման համակերպութեան զուլալ արցունքով :

Պատմութիւնը՝ իր ընկերային ընբանումով անծանօթ էր հօն : Ֆաթալի և նիրվանայի այդ դասական հողամասի մէջ անհատն ու ժողովուրդը այլասերած էին իրենց ճակատագրապաշտ անշարժութեամբ :

Դարձեալ Հայ ժողովուրդին էր վիճակուած շարժել այդ ընկերային ձահիճ հոգեբանութիւնը , և ցոյց տալ ճնշուած ժողովուրդներու ընթանալիք ուղին , միւշ ինքն առնելով այդ ուղիին առաջին քայլը :

Ինկան շատեր այդ ճանապարհի ընթացքին : Հայ ժողովուրդը զոհեց ազատութեան բազինին իր ընկերային գիտակցութեան պատկը կազմող Յեղափոխական ամենալաւ ոյժերը , բայց երբեք չլքեց սկսուած գործը , երբէք չտարակուսեցաւ իր դատի յաղթանակին վրայ :

Ինչքան կը ծանրանար բռնաւորի լուծը , այնքան հուժկու կը դառնար Հայ ժողովուրդի արիւնոտ կրծքէն պոռթկացող ազատութեան զօղանջը , որուն արձագանգը

Հայր մեռնում է կարիլ կարիլ , որպէսզի Հայր կարիլ կարիլ չմեռնի , Հայր մի անգամ էլ պիտի մեռնի , որպէսզի Հայր ապրի:

ՓԱՐԱՄԱԶ

անցնելով ազգային սահմանները, կը խռովէր դարերով քարացած իրաւագուրէներու անշարժութիւնը, կռուի, ըմբութեան մղելով զանոնք:

Այլեւս Հայ Յեղափոխականը կը դադրէր ըլլալէ ժողովրդի մը, ազգի մը սեփականութիւնը. ան կը դառնար ընդհանուր մարդկութեան, բոլոր ճնշուածներու աղատութեան ռահվիրան:

Եւ Հայ Յեղափոխականը իր սկսած անհաւասար պայքարի ընթացքին՝ մարմնացնելով Սուլթաններէն ոտնակիս Արեւելքի ճնշուած ժողովուրդներու աղատագրման դաշը, վճռեց հարուածել բռնաւորը՝ իր ոյժի ձուլարանի շէմքին:

Վերջին անգամ ըլլալով ճակատեցան անոնք, իրենց ոյժերու ամբողջ թափով:

Եւ Արեւելքի ճնշուած ժողովուրդներու դարեւոր դահիճը, պարտելով կծկւեցաւ ոտներուն տակը՝ կահաղան բարձրացած այն քսան արի յեղափոխականներուն, որոնք իրենց մահւան խոյանքին մէջ տեսան աղատութեան օրը:

Այսպէս, Արեւելքի պատմութեան ընկերային գիտակցութիւնը սնած է Հայ յեղափոխականի արիւնով: Ինչպէս երէկ՝ ան այսօր ալ հեռու է կանգնած ազգայնական շիլ հաշիւներէ, միշտ մնալով իր կոչումի բարձրութեան վրայ, պիտի գործածէ իր ոյժերը անխարդախ իրաւակարդերու վերջնական տիրապետութեան համար:



ՓԱՌԱՋԱՆԴԵՍ

ՔՍԱՆ ԱՆՄԱՀՆԵՐՈՒ ՅԻՇԱՏԱԿԻՆ

Գրեց՝ Մ. ՍԱՐԳԻՍԵԱՆ

Մահերու ամենէն անարգովը անմահացաք դուք, ցեղիս աղատագրութեան ջահակիր ռահվիրաններ:

Ոճրածին հնարագիտութիւններու կատարելութեան հասած մարդիկ, իրենց մոլեգնութեան մէջ կուրցած, կարծեցին սպաննու նաև Զեր ընդգրկած գաղափարը, և Զեր խոյանքն ու թոհչքը:

Զեր կախաղանները՝ ձեր թշնամիններուն ձեռքով բարձրացած լուսարձակներ եղան, լուսաւորող այն ճամբանները, հեռաւոր ու մթին, ուրկէ քալեցին ձեր քոյրերն ու եղբայրները, դէպի խաւար ու կիզանուատ անապատ աշխարհներ, տանելով ձեր երազները միասին, և ձեր վեհ ու վսեմ իտէալը, իրենց անկաշկանդ հոգիններու խորքին մէջ պահած:

Հոն, ձեր կախաղաններու ստերին տակ անդնդախոր գերեզմանը փորուեցաւ ձեր դահիճններուն վերականգնելու ճգնած հսկայ ու համատիրական կայսրութեան, որուն խաւարմիտ ախոյեանները ջանացեր էին ամբողջ ազգ մը գերեզմանել, գոյութեան իրաւունքէն յաւիտենապէս զրկելով զայն:

Զեր պողպատ հաւատքն էր որ ոյժ ու կորով ներարկեց ցեղի զաւակներուն, տանելու լեռնացած ծանրութիւնը անարգ խաչին, որ երը և իցէ վիճակուած է ազգի մը, փշու ու տատասկոտ ճամբաններէն դէպի Խաչելութեան Դողոգոթան:


Դուք յիշեցուցիք կարմիր ահազանգը հանուր Հայութեան ինքնապաշտպանութեան, դէպի ազգային անկախութիւն առաջնորդող մարտնչումի հրաւերը, այնքան բարձրէն պատգամելով, երբ Ոյժն ու Աճիրը զինակցած կը հալածէին ամբողջ ազգ մը, Պալքանէն մինչեւ Պասրա, Կովկասէն մինչեւ Սինա, երբ Խաչն ու Մահիկը եղբայրացած, դաշինք կնքածէին կարմիր-սեւով խորագրելու ճակատագիրը ցեղին, ապրելու թիզ մը հող իսկ զլանալով անոր, անհուսօրէն անսահման սա երկինքին տակ:

Փառահանդէս մըն է այսօր: Վհատութեան յուսալը-քումի հառաջանքներ չեն փրթիր մեր կուրծքէն:

Ո՞չ սուդ, ո՞չ արտասուք. լալու, պաղատելու չեկանք հոս, ձեր հողակոյտերու այցելութեան, այլ աօնելու պարծանքի և հպարտանքի հանդէս մը, փառավայել ձեր ստեղծագործութեան. խանդ ու խնծիլ, ծափ ու ծաղիկ բերելու ձեր շիրիմներու վրայ սփռելու համար, աւետելու ձնզի թէ այս շիրիմներուն վրայ երդուընցած ձեր եղբայրներն ու քոյրերը, այսօր դեռ, հոն, ձերմակ Ծովի տիերէն ցուլ լեաներու բարձունքներու միջեւ, Հարգանն ու Ռւենիան, Սիսուանն ու Ծովք ձեր սկսած պայքարն է որ կը մղեն, հրէշօրէն իրենց դոյութեան սպառնացող դժոխային ոյժերու գլխին իջեցնելով մահացու հարուածը. իրենց երկաթաձոյլ բազուկներուն: Աւետելու եկանք այսօր ձեզի թէ հոն, սէ՛դ Տաւրոսի փէշերէն մինչեւ կատարները խրոխտ Ամանոսին, ձեր գրկած եռագոյնն է որ կը ծածանի պանծացնելով, յաւերժացնելով ձեր պաշտելի իտէալներու խորհրդանշանը:

ՄՈՒՐԱ ԶԱՐԱՐԵԱՆ

ԱՐԵՎԱԿ ՀԱՐԱՐԺԱՇԽԵԱՆ



ՆԱՀԱՏԱԿՆԵՐՈՒՆ

Դրեց՝ ԱՐԱՄ ՃԵՎԻԶ

Բօրը կը մաղուի՛, յորդ, ինչպէս կապար,
Ծա՛նր, տիրաքո՛յր...
Մեղկ Սրամապողի՛ զմբերներն ի վար...
Սգաւոր մայրեր, հեզ ուռւաններու.
Այրի վիրաւոր սեւ տարակին հետ,
Եօրը գարուններ լացի՛ն,
Դեռ կուլա՛ն...
Զեր նախուն կեանին խարոյկներուն մօս...

Աւխարհ ցնցուեցա՛ւ,
Ու այգուն աստղերն դողացի՛ն կոծով,
Զեր անժամանակ ու վայրա՛գորեն,
Շիշումի՛ն ի սես...:
Զո՛լիրը միայն, եղելի դահճին,
Մինարեններու կատարին բազմած,
Ցնծաց վա՛սօրեն...:

**

Բացեք ինձի, ո՛վ նահատակ եղբայրներ,
Բացեք Զերին սուսակածոյլ դուռը բազնին,
Զի ես ցեղին վեց դարերու,
Երինջներուն բոյն անհամար,
Ըսծայ բերի.
Զեր արեածածկ խորանին վրայ
Ներոնիան...:
Բացեք դուռը Զեր, զոհար երկնելին,
Աւետի՛ք ունիմ Զեզի բեկրանիք:
—Մահասիներուն վրան
Զեր բան,
Սյժմ վեհապա՛նծ ու ակնախտիդ,
Կը ծածանի վա՛ռ.
Դրո՛ւը Հայուն,
Դրո՛ւը Ազ ս' ու Անկախ Հայուն ...

ՓՐԿԻՉՆԵՐԸ

Գրեց՝ Ա. ՔԱՐԵԱՆ

Քսան կախաղաններու գերազանցապէս վսեմ ու նուիրական յիշատակին առջեւ ծնրադրող ամէն Հայու սիրտ կ'ուսի ազգային անսահման հպարտութեամբ մը։ Որովհետեւ այդ յիշատակը կը խորհրդանշէ մեր դարաւոր գոյամարտը՝ դիւցազնական ու անհաւասար, կը մարմնաւորէ Հայ ցեղին ինքնագիտակից ու անընկճելի ոգին, կը ցուացնէ պերճօրէն ծշմարիտ ազգասիրութեան, հայրենասիրութեան ու անձնըւիրումի գաղափարին վրայ յենող իրաւունքի յաղթանակը։ Ի՞նչ էին ու պիտի ըլլային հայ ժողովուրդին պատիւն ու վիճակը, առանց այդ պաշտելի Քսաններուն ու անոնց բանած վեհ գաղափարաբանութեան, Երեւակայելն անգամ աննկարագրելի սարսուռով մը կը հայտակէ, կը սահմակեցնէ ու կը սարսափեցնէ մեզ։

Մեր պատմական ու անողոք թշնամին յաջողած էր իր ներքին դժոխատեսիլ էութիւնը, իր ոճրաւոց քաղաքականութիւնը, իր բնաջնջումի ճիւաղային անարդ մտադրութիւնը ծածկել քսաններորդ դարու նորագոյն զէնքերով՝ կեղծիքով, սուտով ու խարդաւանքով։ Հայ ժողովուրդը խարուած ու մոլորուած, կը իւարիսափէր անստգութեան մոայլ աղջամուղին մէջ։

Ան, հեռու նախատեսելէ այն ահեղ վտանգը, որ Կ'ըսպառնար իր գոյութեան, այն դառն ու մահացու հարուածը, որ կը նիւթուէր, այն խաւար ամպրոպները, որ կը կուտակուէին իր հորիզոններուն վրայ, անհոգ ու աննպատակ

իր կուրծքին վրայ կը տաքցնէր, իրեն աղաւնիի կերպարանքով ներկայացն թունաւոր իմը։ Այս հոգեմաշ պատկերին առջեւ կանգնած սարսափեցան անոնք, որոնք 1887ին հրապարակ իջած էին յեղափոխական վեհագոյն դրօշակն ի ձեռին, ֆշրելու համար սուլթանական պիղծ սուրբ, որ կը սպառնար միրճուիլ Հայութեան սիրտը։ Այս անգամ հայ ժողովուրդին գոյութեանը հետ միասին՝ պատիւն ալ, անցեալն ալ, պատմութիւնն ալ վտանգի տակ էր։ Անոնք, որոնք մահը, կեանքի ոչնչութիւնը իրենց ամբողջ մեծութեամբը չափած ու կշաղատած էին Սասունի, Զէյթունի, Փոքր Հայքի ու Վանի բարձունքներուն վրայ, ցնցուեցան, գալարուեցան ու առաջ խոյանալով պատառ պատառ ըրին այն դիմակը, որ մոնկունան անարդ ցեղի անարդ զաւակները ձգած էին իրենց երեսին վրայ։

Անոնք արհամարելով ամէն տեսակ վտանգ, անգունելով իրենց փէշերէն կախուած ստոյգ մահը և յանձն առնելով նշաւակ ըլլալ նոյնիսկ իրենց անգիտակից ազգակիցներու անարգանքին, խծրծանքին, ատելութեանը, չարախօսութեանն ու տգեղ վերաբերումին՝ դէպի գործ դիմեցին, փրկելու համար Հայ Սզգը ապագայ պատմագրի անողորմ դատակնիքէն, կամովին հոսեցուցին իրենց մաքուր ու անապակ արիւնը, ջնջելու համար Հայ ցեղին բիւրեղանման ճակատէն՝ «մենք մեր դահիճին քուրանական արիւնարրուցեղին ախտավարակ հոգեբանութիւնը և հրէշային կոչումը մարմացնող իթթիհատին բարեկամներն ենք կամ եղած ենք» վերտառութիւնը։ Ու հայ ժողովուրդը ճանչցաւ իր ծշմարիտ ու անսայթաք բարեկամները։ Տեսաւ անոնց իմաստուն քաղաքականութիւնը, գովելի յստակատեսութիւնը, խոյուն հեռատեսութիւնը, անկաշառ նկարագիրն ու աննկուն պայքարը։ Դիտեց անոնց անյողդողդ քայլերը, որոնցմով դիմեցին անոնք դէպի անձնազոհութիւն, իրենց ցեղի աղատագրման հաստատ համոզումով, անխախտ ու անայլալլոյսովը։

Ան՝ այսօր փրկւած անհանդուրժելի անպատւութենէ մը

ու աչքերը հպարտորէն յառած իր վճիտ ու պայծառ երկնակամարին վրայ, աննախընթաց պերճանքով մը, փայլովը քսան ակնախտիր աստղերու, որոնք իր քսան անդին զաւակներու յիշատակը, հետապնդած նպատակն ու որդեգրած գաղափարը կը խորհրդանշեն, կը գոչէ հոգեւին՝ «Զե՞զ, Զեզ եմ պարտական իմ գոյութիւնս, անկախութիւնս, փառքս ու մանաւանդ պատիւս՝ փրկիչնե՛ր»:



ՓԱՐԱՄԱՋԻ ՅԻՇԱՏԱԿԻՆ

Գրեց՝ Զ. ՆԵՄՑԵ

Փարամազը մօտէն ճանչցայ 1910ին, երբ Արեւելիքի մէջ կ'աշխատէի իրը մնայուն խմբագիր։ Տակաւին աչքերուս առջեւ ցցւած կը մնայ իր չարչարւած ու վտիտ դէմքը, ուսկրուտ այտերով, ուր թեթեւ կարմրութիւն մը կը պըսպըզար։ Նայւածքը սուր ու խօսուն, իսկապէս կ'արտայայտէին իր ամհանդարտ գաղափարները և ըմբոստ մտածումները, ամէն վայրկեան պատրաստ ժայթքելու իր դիւրաբորքով ուղեղէն։

Իր աշխատակցութիւնը Արեւելիք՝ քանի մը ամիս շարունակեց։ Փարամազ կանոնաւորաբար շաբաթը քանի մը յօդւաներ կը գրէր օրւան ակզային ու քաղաքական խընդիրներուն վրայ։ Խայթող ոճ մը ունէր, սուր զիտողութիւններով համեմւած, ուր համութիւնը չէր որ կը պակսէր իր կուսակցական դաստիարակութեան շնորհիւ։ Իր գրչի անողոք հարւածները անխնայ կ'իջեցնէր աջ ու ձախ։ Կարելի չէր իր անզուսպ թափը սեղմել, երբ ինդիրը կը դառնար կուսակցութեան մը վրայ, որուն կ'ուղղէր իր սուր սլաքները։

Իր աշխատակցութեան շրջանին, Արեւելիք հակադաշնակցական էր, չեմ զիտեր քանիերորդ անգամ ըլլալով իր ուղղութիւնը փոխելէ յետոյ։ Փարամազ այդ առիթէն, իր կատաղի պայքարը շարունակելու համար այդ կուսակցութեան դէմ, որուն թունդ հակառակորդն էր։ Յաճախ վիճաբանութեան կը բռնւէինք օրւան հրատապ

հարցերուն շուրջ: Անհաշտ ու կրքոտ, չէր կրնար հանդարտորէն ու պաղարիւնութեամբ վիճիլ: Անպայման կ'ուզէր իր գաղափարները պարտագրել, մանաւանդ երբ խնդիրը կը դառնար իր բնկերային դաւանանքին վրայ, որուն ջերմ հաւատացող մըն էր երբեմն զիտմասր վիճաբանութիւնմըկը պճոթէլ, որպէսզի չարանձի հաճոյքը ունենայի վայելելու իր ժշտայորդ խօսւածքը, երբ մանաւանդ ան կը յուզէր ընկերային վարդապետութիւններ ու Մարքսիզմի ջատագովութիւնը կ'ընէր խանդափառօրէն: Անգամ մը սրտնեղած, երեսս ի վեր գոչեց. «Դուն այդպիսի խնդիրներու մէջ մի մտնէր, լրաբաղութեամբդ զբաղէ միայն»: Իր անհաշտ խառնւածքը ճանչնալու և համար, քէն չէր պահեր իր դէմ:

Բայց երբ խօսակցութիւնը դառնար չեղոք նիւթերու վրայ, այն ատեն իր մէջ երեւան կուգար ընկերական մարդը, չէնշող ու սրախօս, բոլորովին տարբեր անողոք յեղափոխականէն ու կուսակցականէն:

Սրամտութիւնը իր մտքի յատկութիւններէն մէկն էր, զոր կը մշակէր: «Հայր Սիվա» կեղծանունով գրած երգիծական յօդւածները ախորժով կը կարդացւէին: Ասիկա նորանշան երեւոյթ մըն էր մեր գրականութեան մէջ, ուր յեղափոխական գրողները չեն ուզած մօտենալ երգիծանքի սեռին, իբր բացասական արժէք ներկայացնող սեռ մը:

Այդ թւականին, Փարամազ նիւթական շատ նեղ դրութեան մը մէջ կը գտնւէր: Իր թշւառ կեանքը բացայատօրէն կը կարդացւէր յոգնած դիմագծերուն վրայ, ուր իրենց անջինջ դրոշմը դրած էին յեղափոխ. փոթորկալից կեանքի մը իրադարձութիւնները: Շաբաթական քանի մը յօդւածներու փոխարէն հազիւ երեսուն քառասուն զրուշ կ'ստանար, ինչ որ չէր բաւեր իր ապրուստին: Դառնօրէն կը գանգատէր իր նիւթական վիճակի ժամին: Իր ընակած խցիկը, մութ ու խոնաւ, ճեմիշի մը քով կը գտնւէր: Զուրկ օդէ և լոյսէ, բաւարար սնունդ աւ չէր ստանար: Յաճախ տաք կերակուր մը ուտելու և նոյն իսկ քաղցը թեթեւօրէն յագեցնելու բախտաւորութիւնը չէր ունենար: Օր մը, բարեկամներէն մէկը ճաշի հրաւիրած էր Փարամազը:

Արիաբար մերժեց այդ հրաւիրը, սա գերազանց պատճառով որ չէր ուզեր իր սուամոքսը վարժեցնել այդպիսի կերուխումներու, որոնցմէ զրկւած էր ամէն օր:

Հակառակ իր նիւթական աննախանձելի վիճակին, անսպաս զւարթութեան ազբիւր մըն էր: Իր մտերմական պահերուն, ոգեւորւած շեշտով մը կը խօսէր կովկասի մէջ ունեցած յեղափոխական տենդոտ գործունէութեան և նոյն իսկ իր ընտանիքին, զաւակներոսն վրայ՝ գուրգուրոտ և սրտայուղ շեշտով մը: Բայց շուտ կ'անցնէր այդ հոգեկան տկարութիւնը, և անզդած յեղափոխականը դարձեալ երեւան կուգար իր մէջ, միշտ պաքարող ու ընդվզող, հակառակ տիրող գմնդակ պայմաններուն:

Իրր ճշմարիտ յեղափոխական, ուզեց յեղաշրջում մը առաջ բերել նաև այն խմբագրատան մէջ, ուր կ'աշխատէր: Եւ օրին մէկը, ինծի առաջարկեց թերթին տէրերը դուրս չպրտել, քանի որ անոնք վարկարեկւած մարդիկ էին ու անխղճօրէն կը շահագործէին գրական աշխատաւորները: Պետական հարւած մըն էր աս, որուն պիտի մասնակցէի սիրայօժար, եթէ կարելի ըլլար գործադրել: Այս նեղ շըրջանակին մէջ ծրագրւած փոքր դաւադրութիւնը ինծի դառնօրէն կը յիշեցնէ այն մեծ դաւադրութիւնը, որուն համար նահատակւեցաւ հէ՛գ Փարամազ: Յարդանք իր յիշատակին:



ՔՍԱՆ ԿԱԽԱՂԱՆՆԵՐԸ

Գրեց՝ ԶՈՐՈՒՀԻ ԳԱՂԱԹԱՐՃԵԱՆ

Ո՞վ սարսափ...

Եւ ահա, կախաղաններ քով քովի, Պայտադիտի հրապարակին վրայ, վեց դարուններու սուզին մէջէն մեզ կը դիտեն...

Քսան սպիտակ պարմանիներ, քսան սպիտակ շապիկներու մէջէն ըմբոստօրէն մելամաղձոտ բիբերով մեզ կը դիտեն:

Ու անոնց աչքերուն մէջ, ուր մահը էր գորչ կնիքը դրած է, ուր անէացումի խորհուրդը իր հիբ ծիրը երիզած է անոնց աչքերուն մէջ այդ անկենդան, յաւերժացած է մեծ Յարութիւնը ցեղին.

Եւ մաղկախչէն տրորւած շրթներուն վրայ, ուր մեռելութիւնը ժպիրհած է յաւիտենական կապանք դնել, հո՞ն, այդ դալո՞ւկ շրթներուն վրայ սակայն, ազատութեան խօսնակը կ'անմահանայ իր երփներանդ շեփորներով:

Ո՞հ, այդ աչքերը, այդ շրթները, ու այդ դէմքերը տժգունած և եղերական և ըմբոստ՝ արհաւիրքէն խելացնոր քամիներու պէս հեծեծող, կուզան կառչիլ մեր սրտերուն, և մեր սրտերը տրտմօրէն կ'արիւնեն...

Պայտադիտ, վայր դաւաճան, սպանդանոց ազատութեան սուրբերուն, դահճներու նենդ հիւրընկալ հրապարակ, արիւնառչատ սուլթաններու սեւ պատմութիւններն արդէն արիւն-

ներու մէջ բիւրաւոր անմեղներու՝ լպիրչօրէն կը ճլխտայ հոն տակաւին:

Եւ հիմա ամէն անգամ որ կ'անցնիմ այդ մահանոտ վայրէն, հոգին վրայ, խոտերուն մէջ, մայթերուն քով՝ կը տեսնեմ ուրուականները՝ քսան սպիտակ տիտաններու, խելագարօրէն բռունցք զինած բռնութեան դէմ և բռնակալներուն. հոգիս կը դողդղայ էութեանս մէջ, ինչպէս մասուկը մութին մէջ:

Ու ես, վրէժս սրտիս մէջ, ու աչքերս ափերուս մէջ քամելէն՝ մտեգնօրէն մելամաղձոտ, և հոգիիս բոլոր մաղձը թուրաններուն թողլով, կը հեռանամ, կը հեռանամ...

Քսան կախաղաններ, քսան սպիտաններ գաղափարի, յարգանք ձեզ:

Դուք, կառավինատի կատարներէն հպարտօրէն, ձեր մաժովը նահատակ, գաղափարի և իտէալի յաղթանակը կերտեցիք: Դու՛ք, սպիտակ շապիկներով սպիտակ պարմանինե՛ր, դուք մեռաք անմտհութեան մէջ յաւերժանալու համար. դուք մեծ եղաք և անմահ, դարեր գարերու ետեւէն պիտի մեռնին, բայց դուք ամէն նորածիններու հետ և ամէն նորածիններու մէջ պիտի յաւիտեան ծնիք.

Դո՛ւք, գաղափարի կարմիր ախոյեաններ, դուք զինւորեալ վարդապետներ սրբազն սկզբունքներու, դուք՝ ձեր հողերուն տակ, խաղաղօրէն անվրդով, յաղթանակներու հանգրւանին մէջ հպարտօրէն հանգչեցէք:

Եւ այսուհետեւ մեր հոգիներու Պայտադիտին վրայ, փոխան քսան կախաղաններու, պիտի կանգնին քսան անդրիներ հերոսացած յեղափախականներու: Ձեր աճիւններն ու նշխարները մեր սրտերու սկիհին մէջ, յիսուսներու գինիովը թրծուած պիտի պահուին ոզգէս անմահական մասունք: Եւ ձեր անուններն ու յիշատակը, ձեր սէրն ու ձեր սզզբունքը վսեմ, որպէս նուիրական խունկը պաշտամունքի ձեր գաղափարակիցներու և հետեւողներու հոգիներու ատրուշանին մէջ յաւերժօրէն պիտի վառին:

Պաշտամունք քսան սպիտակ անդրիններուն:

նոր, երկրպագելու ցածնալ... Այդ ազնիւ հօգիները եթէ խոնարհեցան ամբոխին մէջն իջնալով, բայց մոռցան անոր ճղճիմ հաշիւները, մոռցան և ինքովնքնին, ի տես Գաղափարի տարրուհին, որուն խենթ սիրահարներու պէս փաթթուեցան, վերջապէս ճերմակով պատկուելու համար...

Զէ՞՞որ ծղիան ալ ըսաւ.

— Ամէն ինչ որ կը գագաթանայ, ճերմակով կը պատկուի:

1915 Յունիս 15 ի գիշերը ճերմակ շապիկներով պսակւեցան մեր Քսանները, այդ գեղեցիկ Գաղափարի սիրահարները, ազատութեան տարրուհին երկրպագուները: Բայց ափսո՞ս, այդ առինքնող, աստւածային Դիցուհին յաճախ որքա՞ն արիւնառւշ և անկուշած է: Ինչ զգլիվէ է անոր սէրը և ինչ երկար անոր քունը: Անիկա թեւերը կը բանայ, իր ծոցին մէջ խեղդելու համար:

* * *

Մռայլ և արտում զգացումով մը ուղուեցայ Պայաղիս: Զեմ գիտեր թէ ի՞նչու և ի՞նչպէս գացի: Ատիկա ենթակայ—հաւատացեալի տեսակ մը շարժումն է, թէ ոչ այն բաղձացւած սէրը՝ որ կը տառապեցնէ:

Il est plus fort que moi.

Զէ՞՞որ կը սիրենք սիրոյ թախիծը, կը սիրենք մեր վիշտը, երբ մանաւանդ անիկա գեղեցիկ և հպարտ է, որպիսին է Քսաններունը:

Երթալ Պայազիս, յօւզուելու, տիսրելու և չար բախտը անիծելու թէ ոչ ցաւագինօրէն անդրագառնալուհամար սիրալի յիշատակներուն, կեանքի անհանդուրժելի խեղկատակութիւններուն, կամ ենթարկուելու համար տիսրել ու սինիք և զնութեան մը: Խորհիլ թէ՝ մեր բոլոր գեղեցիկ ու ազնիւ գաղափարները հրէշայիններու պիտի զոհւին. Թէ՝ մեր կեանքը ոնքագործ ձեռքերու խաղալիքն է... որ օր մը կարմիր յարդիսով մը կրնայ եռոտանիի մը վրայ անշարժ կախել: Ինչպէս ծաղիկ մը՝ գրքի մը վրայ, կամ պատկեր մը պատին վրայ...:

ՈՒԽՏԱՒՈՐԻ ԽՕՍՔԵՐ

Գրեց՝ Մ. ՕՇԻՆ

Ես Քսանները անձամբ չեմ ճանչնար, բայց միթէ՞ կարելի է անձանօթներ նկատել բոլոր անոնք, որ մեր ցաւերով տառապեցան, մեր Ցեղին Յարութեան երազովը խաչուեցան:

Այդ սրաերը անոնցմէ չե՞ն, որոնք իրենց մէջ ամբողջ աշխարհ մը խտացնեն, աշխարհի մը համար կը բարախեն, իմ և իմ արիւնլուայ Հայրենիքիս ցաւերը այդ աշխարհին մէջ են:

Ուխտաւորի Ջերմեռանդութիւնով, սրտի անօրինակ և անբացատրելի մղումով մը Պայազիս երթալ ուզեցի, Պոլիս դալուս յաջորդ օրն իսկ:

Քրիստոնէ սկան Հաւատքի ուխտագնացութիւնը չէ, այլ Գաղափարի, այն գիտակից ու զօրաւոր Հաւատքին, որուն քարոզիչ առաքեալները նոյնքան ներշնչւած և համոզուածներ էին, որքան շատ մը մարգարէներ, իւկ շատ աւելի խիզախ ու ինքնուրաց էին, որքան չեղաւ նոյնինքն նազովրեցին՝ Գողզոթայի վերելքին կամ խաչին վրայ: Անիկա ինչ դժւարութիւնով իր խաչը տարաւ, և մէկ գաւաթ քառակը ըմպելէ առաջ ինչքան դառնորէն բացազանչեց, մինչ մերինները ատարիններ շարունակ խաչերուն էն՝ ծանրը ատարին և դառնութիւններուն էն՝ դառնը քամեցին ցմրուր: Իրաւ է թէ իրենց Մայր Հաղը խելայեղօրէն սիրեցին, կառչեցան անոր, բայց երբէք չյօժարեցան գերին դառնալ, կապւիլ ա-

Ամէն հոգի իր քարիսներն ունի:

Պայազիտ ուխտի երթալ ուզեց հոգիս, թիթեռնիկի մը պէս, որ լապտէրին լոյսին կը մօտենայ, կարծես այբելու համար իր թեւերը:

Կրնայ հոգին թիթեռնիկ ըլլալ, կամ հրեշտակ, չեմ գիտեր, բայց մարդկօրէն խորհելով, հրէշներու ճիրանին տակ տուայտող հոգիներ կը սիրեն թաղել իրենց մաւկանացուի փոքր վիշտը՝ անմահներու վիշտին մէջ, նետիլ երազներուն կամ ինքնամոռացութեան զիրկը: Եթէ ատիկա երջանկութիւնն իսկ չէ, գոնէ գժբախտութենէն տարբեր բան մըն է:

Քսաններու պէս, կեանքի տարրական իրաւունքէն զրկողները, մեր մէջ կըսաեղծեն անբոնաբարելի, անսահման ազատութեան մը տենջը, լաւագոյն կեանքի մը հեռապառերը: Հոգ չէ թէ կարճատեւ ըլլայ այդ պատրանքը:

* *

— Պայազիտ..., պոռաց վաթմանը:

Ուշաբելով վար իջայ հանրակառքէն: Մինարէի մը ճիշտ դիմացն էի: Ալ' կարելի չէ երազել, Դաժան իրականութեան առջեւն էի: Կանգ կ'առնեմ իս երազներուս հետ, գլխէն զարնուածի մը, կամ գնդասեղով տախտակին գամւած միջատի մը պէս: Դրտեցի մինարէները, անլուր ոնձիրին այդ լուս վկաները: Անոնք ինծի թուեցան ահարկուեամբարտաւան: Զեմ գիտեր թէ երկիրէն՝ երկինք բարձրացող օրհնութիւնն է այդ, թէ ոչ երկնքին կողն ի վեր միաւղ անէծքը: Տարբերութիւն չըներ: Որովհետեւ սա անպիտան աշխարհին մէջ չհասկցանք թէ ո՞րն է անէծք, և ո՞րը օրհնութիւն: Որովհետեւ մարդիկ օրհնութիւնով կը գործեն զարհուրելի ոճիրները, և անէծքով կը պասկեն պատւական հերոսները... Այս ուրւականը մտքէս և աչքէս հեռացնելու համար թողուցի մինարէները, ու պարտէզի կանաչութեան և ծաղիկներուն մօտեցայ: Բայց անոնք տիրութիւն բուրեցին: Յանկարծ այն տիրուր մտածումն ունեցայ որ՝ այդ ծաղիկները անկուած էին անոնց կողմէ, որոնք քազիկ կեանք իսմրեցուցին; անգին կեանքեր քզբացին ալնքան

վայրագորէն: Ես այդ խամրուած ծաղիկ կեանքերուն խընկելի յիշատակին ուխտի էի եկեր, առանց խունկի և ծաղիկի: Կեղծիքի ծնունդ են ատոնք, և յաճախ, գարշահոտութիւններ մոռցնել տալու համար:

Ծաղիկներուն մէջտեղը վայրի գազան մը կայ, քարացած, բերանը բաց կատղածի սարսափելի երեւոյթով մը, որ սարսափ չաղղեր բոլոր անոնց, որոնք եւրոպական դրախտավյար երկիրէ մը եկած չեն, այլ Տէր Զօրէն կամ Ռէստիւլոյնէն և որ տեսած են վայրի գազաններէն շատ աւելի արիւնկզակ մարդ—գազաններ, սարգակերպ բորենիներ և վերջապէս երկոտանիներու անվերջ վոհմակը, որոնք անմեղներուն ու տկարներուն ինչքը, պատիւը, կեանքը խլեցին, իսկ վայրի գազաններուն՝ գոյութեան իրաւունքը...:

Ու ես, իր հմայքը կորսնցնող այդ վայրի գազանին արգահատագով մը ըսի:

— Ալ’ երանի թէ քու շուրջի բոլոր մարդ գազաններն ալ քեզի պէս անշարժացած ըլլային հոգ չէ թէ ծաղիկներու մէջ: Պահապան շան մը պէս սպասեն, առանց անցնող գարձողին կարենալ վնաս հասցնելու: Ու աշխարհի վրայ, արիւնէն զատ տարբեր բանով կշանալու վարժուէին:

Կախաղաններուն տեղն էի:

Ազօթատեղի մը, ուր մըննջելու համար դոց եղած ազօթք մը չունէի: Կարելի չէ որոշ կերպով ըսկ թէ ինչե՛ր մտածեցի սոյն պահուն:

Բայց անզբագարձայ որ գիշեր մը Փարամազներու և վանիկներու գեղեցիկ գաղափարները իրենց գանկին, և ձայները՝ կոկորդին մէջ խեղղել փորձեցին մարդամեքենաներ, պարանի մը պրկումով, անշուշտ ի փառս Ալլահին:

Օձի պէս պարաններով խեղղել կարծեցին հանրային խզճատանքը, աղատութեան ճիշը և վերջապէս՝ Գաղափարը:

Մեռելաթա՛ղներ, որոնք թաղել կը կարծեն քանի մը թի հոգի տակ՝ ամէն բան: Ու երեւակայել որ՝ ասոնք հոգիի անմահութեան ալ կը հաւատան:

Արդարեւ եթէ այդ բանը կարելի ըլլար, անոնք որչա՛փ հանգիստ եղած պիտի ըլլային, իսկ մենք՝ որչա՛փ անտարբեր...

Տարիներ ետքը՝ անոնց գաղափարները կը տանջեն մեր երեակայութիւնը, անյեղելի ճշմարտութիւններ կը ցցւինմեր դէմ, ու կը ցնցեն մեր էութիւնը, անչուշտ բսելու համար թէ Քսան կախողները՝ զիրենք կախողներուն կարծածին պէս կեանքէն՝ յաւիտենական մահ չէ որ գացին, անոնք մոռացութեան անդունդին մէջ չեն մնար, այլ փառքի բարձունքի մը վրայ: Եւ երգւընցած սերունդ մը կայ, որ դէպի այդ բարձունքը կ'ուղղուի:

Երբ մարդիկ յաւիտենապէս փակել կը փորձեն Քսաններու աչքերը, անոնց սուր և հեռատես աչքերը՝ եռոտանիին ատկը, և անդէնի սեմին վրայ՝ տեսած ըլլալ կարծեցին նոր հորիզոններ և արշալոյսներ: Այդ իսկ պատճառաւ, ըրին յայտնութիւններուն է՛ն գեղեցիկը, երազներուն է՛ն անուշը, և հեգնութիւններուն է՛ն դառնը:

Եւ հիմա մինք՝ «կաթիլ կաթիլ մեանող»ներս, նոր հորիզոններէն, նոր արշալոյսներուն հետ կուզենք ողջունել Պէնէին ռիսան հազարներ»ու յաղթանակը . . . :



ՔՍԱՆ ԿԱԽԱՂԱՆՆԵՐ

Գրեց՝ ՎԱՀԱԳՆ ԻԶԳԱԼՈՅԵԱՆ

Քսան կախաղաններ . . .
Աէնպօլ մըն են այս երկու բառերը, հանգրուան մը՝ աղգային մեծ իրադարձութեան մը պատմութեան մէջ:

1915 Յունիս 2:

Սուզի ու անէծքի սեւ թուական մը, երբ Պայազիտի հրապարակին վրայ քսան կտրիճներու կեանքը կը խլուէր բռնակալներու կողմէ:

Ո՞գ էին այդ կտրիճները:

Կեանքի շահամոլ ճղճմութենէ բարձր կանգնած հսկաներ էին, որոնք անձնուրաց զոհաբերութեամբ մը, ժողովուրդի ճնշուած զանգուածին, անոր ծովածաւալ վշտին ու տառապանքին հետ ապրիլ և տանջուիլ փորձեցին:

Տիտաններ էին, որոնց կեանքը նուիրումն էր համականեծ իսէւալին, որ կ'առաջնորդէ ստրուկ ժողովուրդ մը այն կատարները, ուր կը կերտուի անկէ խլուած ու յափշտակուած աղատութիւնը:

Զինջ ու մաքուր գաղափարի մշակներն էին, որ բարձրացան ու բարձրացուցին իրենց հետ հասարակութիւնը, պատրաստելով զայն կռուի ու պայքարի, ընդդէմ բռնակալ տիրապետութեան:

Եւ պատմութիւնը ահա, այդ կտրիճներու կեանքը իրը օրինակելի դաս կը կտակէ անոնց յաջորդող սերունդին, որ ամէն անգամ ակնածանքի ու յարգանքի նուիրական զգացումներով միայն պիտի յիշատակէ զանոնք:

Կեանք մը, սակայն, որ իր հետ կ'օղակէ ու կը միաւորէ ամբողջ շրջանի մը արիւնոտ պատմութիւնը։ Յարգանքի ամէն յիշատակութիւն անոնց մասին, վերյիշումը ընել կուտայ հայ յեղափոխական շարժումին՝ իր բոլոր դըրուագներով։

Ակամայ մեր աչքին առջեւ կ'ուրսւազծի բանակալական այն շրջանը, երբ ստրուկ ժողովուրդ մը կը ճնշուէր ու կը հալածուէր։ Խումբ մը հերոսներ ըմբոստութեան շեփորը կը հնչեցնէին, և յեղափոխական ալիքներ կը յառաջացնէին, հրաւիրելով հայ ժողովուրդը մեծ ու օրհասական կուիւի։

Սակայն, պատմական իրողութեամբ յեղափոխական գործը կը կասէր։ Թուրքիան կը մտնէր սահմանադրական երկիրներու շարքին մէջ։ Տարիներ ստրութեան շղթաներու տակ կքած ժողովուրդ մը՝ ազատութեան երազով զինովցած, կ'ողեւորուէր ու ուրախութենէն արբշիո կը մոռնար ամէն ինչ։ Օրուան կարգախօսն էր։ Ազատուրիւն եւ հաւասարութիւն։ Վերջ պիտի գտնէին այլեւս զուլումներն ու տանջանքները։

Հիասթափութիւնը շուտով յաջորդեց ասոր։ Բանակալութիւնը կը յայտնուէր նոր եղանակով։ Իթիհատի խմբակցութիւնը կը ձգտէր որդեգրել նոր քաղաքականութիւն մը։ Համարդական ցնորքը եղաւ իր ուղեգիծը։ Ատանայի ջարդը բաւական էր անգամ մ'եւս օդը ցնդեցնելու սահմանադրական բէժիմի անւանական արժէքը։ Թուրքիան կը կքէր իր նոր բանակալներուն ձեռքին տակ։

Ս. Դ. Հնչակեան կուսակցութիւնը՝ վերահաս այս իրողութեան պէտք է ծագեր իր դիրքը։ Յեղափոխական յորածանքները պէտք էր որ գարձնաւ փշրէին բռնակալներու աթոռաւերը։ Սուհաշտ կաիւ պէտք էր թուրք տիրապետութեան դէմ։ պէտք էր անջատել այլ եւս երկու ազգերու ճակատագիրը իրարժէ։

Աւատի, լան ու խոնուն աշխարհայեացքով այս կուսակցութիւնը մտաւ կոռուի ասպարէզ, հեռու կանգնած ազգայնամոլական թթու ըմբռնումներէ, ճգնեցաւ դնել հայ ժողովուրդը ազգերու մեծ ընտանիքին մէջ իրեւ իրաւա-



ԵՐԵՄԻԱ ՄԱՆՈՒԿԵԱՆ



ԳԱՐԻՆԻԿ ՊՈՅԱՃԵԱՆ

հաւասար անդամ։ Պատմութիւնը եկաւ նուիրագործելու
այդ տեսակէտը։

Բայց նախքան այդ, կար անմիջական վտանգ մը։ Թա-
լէադ—էնվէրտական տիրապետութենէն յառաջացած վտանգը,
որ կ'սպառնար բովանդակ Հայութեան գոյութեան։ Յետա-
զայ դէպքերը եկան ապացուցանել զայն։

Հեռացնել այդ վտանգը՝ եղաւ Ս. Դ. Հնչակեաններու
վճարական որոշումը։

Դէպ դաւադրական կորի։ Ահա՛, իր յեղափոխական
անմիջական յղացումը։

Կոռի ճամբուն վրայ հանդիպեցան այս հէք քսանները,
որոնք կախաղան առաջնորդուեցան բռնակալներու ձեռքով,
որպէսզի խաչուի ու կործանի այն ըմբռստ շարժումը, որ
սեւ ուրուականի մը նման կը ցցուէր անոնց դէմ։

Կախուեցան անոնք, և հայ բանթէոնին մէջ իրենց հո-
գինները հանդիպեցան բռնակալներու սարքած մեծ եղեռնին
զոհ՝ գաղափարի եղբայրակիցներուն։

Մեղադրանքներ պակաս չեղան անոնց հասցէին. բայց
շուտով հոչակուեցաւ այդ մեղադրանքներու սնանկութիւնը։
Հայ ժողովուրդը ոչ միայն արդարացուց անոնց ընդգրկած
ուղին, այլ քսաններու չիրմին առջեւ երկիւղածութեամբ
ծունը եկաւ, և ըմբռնեց, որ անոնք ընդգրկած էին էն՝
ուղիղ ճամբան, որ պիտի առաջնորդէր հայ ժողովուրդը
դէպի իր ազատութեան հանգրուանները։

Այդ քսան կախաղանները՝ հազարաւոր ու միլիոնաւոր
անմեղ արիւններու մէջտեղ. իրենց խրուտ կեցուածքով,
կոթողներ են, որոնք սերունդէ սերունդ պիտի պատմեն
հայ մարտիրոսագրութեան շարանը՝ իրեն է՛ն սրասուչ ու
աղեխարչ գրուագններով. պիտի խօսին վայրագ բարբարո-
սութեան ոճիրներն ու նախճիրները՝ իրենց քստմնելի ու
նողկալի դէպքելով, և այդ բոլորին հետ պիտի փառաբանեն
յաղթանակը այն գատին, որ ձեռք բերուեցաւ կռուի ու
պայքարի գաղափարի մարտիկներու արեան գնով։

Անոնք իրենց կախողաններու վրայէն մէկ կտակ միայն
թողուցին հայ ժողովուրդին, մեծ վեթերանին — Փարամա-
զին — բերնով։

Խիզախ յեղափոխականը՝ իր վերջին բոպէին զգուշացուց հայ ժողովուրդը թուրք էնթրիկներէն, և այն բոլոր մերկացումներէն, որոնք մօտալուտ անկումը պիտի պատրաստեն անոր:

Այս օրերուն մէջ, երբ նման մտքեր չրջան առնել սկզբան մեր մէջ, կախուողներու այդ կտակը լսել կը թելադրենք:

Զգո՞յշ հայ ժողովուրդ այդ խարդաւանանքներէն:

Քանները յուշարարներն են, իր փորձութիւններով լի անցեալի արինոտ պատմութեանդ, և առաջնորդ ապագայ ուղիիդ:

Հետեւէ՛ անոնց ձայնին, որ քեզ կ'ուղղուի իրենց պատկանած կուսակցութեան բերանով:



ՄԵՐ ՎԵՐՁԻՆ ՄԱՐՏԻՐՈՍԱԳՐՈՒԹԵԱՆ ՆԱԽԱՎԿԱՆԵՐԸ

(ՎԱՆԻԿԻ լիւատակին)

Գրեց՝ ՏԻԳՐԱՆ ԶԱԽԵՆ

Մեր քաղաքական կեանքին մէջ խոշոր դեր մը կատարած կուսակցութիւններէն մէկը՝ «Ա. Դ. Հնչակեան կուսակցութիւնը» կը յաւերժացնէ յիշատակը իր խումբ մը գործիչներուն, զոր նահատակեց իթթիհատական վրէժինդրութիւնը՝ բանի մահով մը:

Կային զոհերուն մէջ այնպիսիներ, օրինակ, Գեղամը կամ Վանիկը, որոնց հոգին մաքուր էր ինչպէս շուշանը, պայծառ՝ ինչպէս բիւրեղը, քնքուշ, ինչպէս կուսական ժպիտը, բայց հզօր ու խանդավառ, ինչպէս հոգին անոնց, որ յդի է աղատութեան, եղբայրութեան, ընկերային արդարութեան փոթորկալից իտէալով:

Եկ՛ զմ Վանիկ ...

Աչքիս առջեւ կուգայ հիմայ իր քաղցր, արտայայտիչ, եղբայրական դիմագծութիւնը:

Աչքիս առջեւ կուգան հիմա, թափօրով, իր թանկագին ձիրքերը, իր անաղարտ յատկութիւնները մարդու ու գործիչի, շիտակութիւնը, երիտասարդ աւիւնը, գաղափարի անձնւիրութիւնը:

Ան անկարող էր եղեռնահան ատելութեան դէպի նոյն-

իսկ իր ովերիմ թշնամիները . այնքան մեծ էր իր մէջ քառութեան , վեհանձնութեան , ասպետական ոգիին ուժը :

Ու կը մտածես . ո՞րքան ատելութեամբ , ո՞րքան վրէժխնդրութեամբ , ու չարիքի ի՞նչ անդիմադրելի պէտքով մը լեցւած ըլլալու էին , իր դատաւորները , որպէսզի քաջութիւնն զգային իրենց մէջ դատապարտելու զինքը ...

Վանիկը կորսնցնողը ևղաւ նամակ մը :

Նամակ զոր գոած էին իրեն Բարիզէն , Հնչակեան կեղրոնէն . առաջարկելու համար պաշտօն մը :

Իրաւագիտութեան ուսանող էր ինքը հոս , շրջանը նոր աւարտած :

Իր իտէալն էր երթալ Լոյսի քաղաքը , կաելու համար իր միտքը մեծ գաղափարներու սալին վրայ , կոփելու համար իր կամքը՝ մեծ կիրքերու հոսքին մէջ :

Կուզէք երթալ Բարիզ : Բայց հրաւէրը չէր փորձեր ամենեւին զինքը :

Կը փափաքէր ազատ զգալ ինքինքը : Ազատ՝ հասունացնելու լը մտածումը իր բնական հակումներուն համաձայն , ազատ՝ զօրացնելու իր համոզումը՝ կատարեալ անկախութեան մէջ :

Բայց կը պակսէին իրեն միջոցները՝ երթալու համար Բարիզ իր փափաքած պայմաններուն մէջ :

Բացաւ իսծի իր սիրու :

Ես չկրցայ օգտակար ըլլալ իրեն , դժբաղդաբար , իմ խորհուրդներովս :

Քէօսթէննէի ժողովէն յետոյ էր :

Ու օր մըն ալ քակւեցաւ ձերբակալութիւններու կծիքը , բորենիներու պետին՝ թալէաղի գէմ դաւադրութեան ամբաստանութեամբ :

Բռնեցին նաեւ Վանիկը :

Վանիկը դաւադի՛ք : Երբէ՛ք :

Ոչ թէ անոր համար , որ անընդունակ էր ինքը յեղափոխական մեստերու : Ո՛չ :

Վանիկը կարելի էր օրինակ ցոյց տալ նոյնիսկ անձնաւոհութեան :

Եւ յետոյ , ո՞վ է ըսեր թէ յեղափոխականութեան միակ վկայականն է ոռւմբն ու հրացանը :

Եթէ այդպէս ըլլար , պէտք է յեղափոխական հոչակւէին բոլոր անոնք , որ կը գործածեն ոռւմբ ու հրացան :

Ընդհակառակը , ոռւմբն ու հրացանը լծակն են ռէաքտիօնի՝ յետաղիմութեան՝ երբ չեն պայթիր ճիշտ բապէին , հոգերանական բռնէին :

Վանիկը յեղափոխական էր , իսկական յեղափոխական , որովհետեւ յեղափոխական էր իր ուղեղով , իր ըմբռնումը այսինքն կրնար զեկավարել յեղափոխական մտածումը , ինչպէս մեստը :

Ու Վանիկի մահը ևղաւ հպարտ ու գեղեցիկ , ինչպէս էր իր կեանքը :

Ան մեռաւ քաջութեամբ , ինչպէս վայել է հերոսին՝ արհամարհելով մահը . գամելով դատապարտութեան անարդսիւնին՝ իր դահիճները , որ միամտութիւնն ունէին սպաններու իր ըմբռստութեան անմահ գաղափարը , իր դիւրաբեկ ու վաղանցուկ մարմնին մէջ :

Ես կրնամ , ուրեմն , վկայել հոգիովս , որ անմեղ էր Վանիկը . և իր դատաւորները բարձրացնելով զլնքը կախաւութիւնը անարդեցին անարդարութիւններուն է՛ն անարզն ու է՛ն վայրագը :

Տալով իրեն անպարտութեան այս անօգուտ վկայութիւնը , մտքէս չանցնիր զանազանութիւն մը հաստատել իր դժբաղդ ընկերներուն մէջ :

Եթէ չեմ խօսիր միւսներու մասին , անոր համար է , որ չեմ ճանչնար զիրենք պէտք եղածին չափ կամ ամբողջովին :

Եթէ ծանրացայ Վանիկի պարագային վրայ , ապացուցանելու համար է , թէ Արգարութեան ի՞նչ զիշակեր ըմբռնում կը սաւանէր այն դատարաններուն վերեւ , որոնք կոչւած էին դատելու այս երկրին քաղաքացիները :

Այդ ըմբռնումը հասաւ արգէն կատաղի խենթութեան , երբ պայթեցաւ արեղերաւուն պատերազմը , ուր մարդակեր բորենիները փշրւած զգացին վանդակները այն դատագե-

դին, որ կը բանտարկեր իրենց չարագործ մոլեգնութիւնը։
Ա.Դ.Հնչակեանքսան կախողները եղանպարզապէս նախա-
վկաները այն ցնօրեցուցիչ, այն անկարելի մարտիրոսագրու-
թեան, որ բարձրացաւ, արիւնի, աւերի, սուգի թաթառի
մը պէս, այս վերջին չորո անիծւոծ տարիներու ընթացքին,
ու ընկաւ հայ ժողովուրդին կեանքին վրայ, որ ընկղմած էր
արդէն մահւան, արհաւիրքի ճիշերու մէջ...

Ահա՛ ինչու իրենց յիշատակը կը խռովէ ու կը խան-
դաղատեցնէ մեզ...



ԾԱՆՐ ՑԻՇՈՂՈՒԹԻՒՆՆԵՐ

Գրեց՝ Լեհու թիկիթինձեն

1915-ի գարունին էր։

Օսմանեան ուսանողութեան և աւարտականներու հետ
ութ հարիւրէն աւելի հայ երիտասարդներ, 19—27 տարե-
կան, խոստմալից, եռանդուն ու պատրաստուած, լեցուած
էին զինւորական վարժարանը և կը պատրաստուէին իրեւ-
թարմ ուժ, եռանդ մացնելու օսմանեան կազմալոյծ բանա-
կին մէջ։

Այդտեղ էին Պօլսոյ և թէ Եւրոպայի ուսանողական
զանազան ֆուայյէներու բոլոր խմբակները, երիտասարդ
նորածիլ ուժեր, որոնք գրական թէ հասարակուկան կեան-
քի մակերեսը կսկսէին բարձրանալ իրեւ նոր գունաւո-
րումներու, նոր ցնցումներու և լոյսերու ուրախալի թր-
թիւները։

Եւ բոլոր մատորական այդ խմորումները, բոլոր հա-
ճելի ու գեղարուեստական մտերմութիւնները, որոնցմէ պի-
տի հասուննար մեր վաղուան մշակոյթը, ցրուեր, լուծուեր
և դադրեր էին ձուլուելու համար Հարպիյէի դռնէն ներս,
որպէսզի կեանք տան ուրացող և անհարազատ ու դաւա-
ճան «օսմանցիութեան» հարենիքին պաշտպանութեան գոր-
ծին։

Ես այս ամենը վերյիշցի անցեալ օր «Կայծ»-ի մէջ
կարդալով «Կայծ»-ի պատմութիւնը» յօդուածը, յիշեցի այդ
ուսանողական խումբը, ինչպէս նաև միւսը, «Երկունք»-ի

շուրջ հաւաքուած դաշնակցական ուսանողութիւնը, բոլորը ընկերներ, միենայն բեմերուն ունկնդիր և կենսունակ:

Ինձի համար դառն ու թախծագին էր վերիշել այդ ամէնը և տակաւին չատ ախուր վշտեր, անձնական ապրումներ, որոնք կապուած էին այդ անցած գացած օրերուն, այդ մորմոքելի յիշողութիւն դարձած բարեկամներուն մասին . . . :

Անցողակի «Կայծ»-ի յօդուածին մէջ, յիշուած էր Վանիկին անունը, կապուած թերթին հիմնադիր ուսանողներու օղակին մէջ, և ինչպէս չիշէի ես այդ պատանին, ինչպէս չիշէի անոր յաւէտ հեռացման օրը . . . և մէյ մըն ալ երեք ամիս յետոյ զարհուրելի կախաղանը, որ անոր մարմինն անշնչացուց իր 20 նահատակ ընկերներուն հետ միասին:

**

Երեք տարի առաջ, նոյն օրերուն էր. Հարավիյի զուարթ շրջանակին մէջ վարժարանի բոլոր ուսանողութիւնը մարզանքի ելած էր: Մեր մօտ, իր ջոկատին մէջ կեցած էր Վանիկը. մեր տրամադրութիւնը ուրախ էր, շուրջերնիս մեծ քաղքին զուարձալի աղմուկը և գեղեցիկ հետաքրքիրները . . .: Յանկարծ մեզի կը մօտենայ զինւ. ոստիկանութեան պաշտօնեայ մը (գանուն). թուղթ մը կը ներկայացնէ զոկատապետ սպային և այս վերջինը թուղթը կարդալէ յետոյ կը կանչէ.

— Գեղամ էֆ.!

Վանիկը դուրս կուգայ շարքէն:

— Զեզ կանչած են, կըսէ սպան, կարող էք երթաւ, յետեւեցէք պաշտօնեային:

Կասկածը կը մտնէ մեր օրտերը: Հնչակեանները ձերքակալուած են. Վանիկը Հնչակեան է. սարսափելի ամբաստանութիւններ կան . . . կը վախնանք իրեն համար:

Վանիկի Դաշնակցական ընկերներէն մէկը կը մօտենայ իրեն և կը հարցնէ ցած, թէ արդեօք ունէ խնդրի մը մէջ կապ ունի՞: Վանիկը կը դառնայ մեզ.

— Ոչ մէկ բանէ չեմ կասկածիր, — կըսէ ան, կերեւայթէ Հնչակեաններու խնդրին համար. է խսկապէս: անշուշտ

պարզ հարցաքնութենէ մը յետոյ ինձի կը ձգեն, և ձեռքի բարեներէ յետոյ երեկոյեան միանալու խոստումով կը հեռանայ:

Կը տեսնեմ տակաւին իր սիրելի սիլուէթը, զանունին ետևէն, որ կը դառնայ Հարավիկին մեծ զռնէն անցնելու համար. ու անկէ յետոյ ամիսներ ոչ մէկ լուր իրենցմէ . . .

**

.. Զարհուրելի լուրերը մեզ կը հասնին Պուլկարիա, յեղակարծ ու ընկճող լախտի հարուածներ. յուլիս ամսին է. կախաղան, աքսոր, ջարդ, ահա մեր մտաւորական դէմքերու հաւաքական բնաջնջումը. ահա այն ծաղիկ երիտասարդութեան գերեզմանը, ուրկից մաղապուր զերծած կրտսերներս իզուր կը թափառինք օտար հարիզոններ, իզուր քընտուելով մեր բնականոն հասունացման գուայինները՝ մոխի՛ր դարձած, մենք ալ ցրիւ ու խամրած . . .



ՅԱՐԳԱՆՔ ՔՍԱՆ ՆԱՀԱՏԱԿՆԵՐՈՒՆ

Գրեց՝ Պ. ԹՈՐՈՍԵԱՆ.

Ա. Դ. Հնչակեան կուսակցութեան Պոլսոյ ընկերները՝
երբ յուշարձամով մը կը պատրաստուին իրենց յարդանքը
արտայայտել կախաղան բարձրացով քսան նահատակներու
յիշատակին, պարտք կը համարեմ, մարգսիստական մէկ ու-
րիշ կուսակցութեան որպէս անդամ, յարշանքի քանի մը
խօսքեր ընել զոհաբերուած արիւններուն համար, շատ տկար
զգալով ինքզինքս, յաւերժացնել ժողովրդական այդ ան-
կաշառ գործիչներու պաշտելի յիշատակը: — Քսաններ՝ կա-
խաղաններու վրայ . . . :

Հայ կեանքը, մեր յեղափոխական պատմութիւնը, շատ
ունի արձանագրած նմանորինակ արիւնոտ էջեր: Շատ ու-
շատ է շարանը կախաղաններու, մեր իրականութեան մէջ: Սակայն այս քսանները ճիշդ մէջտեղը կը կանքնին վերջին
հրէշային տրամին, խորհրդանշելու համար հայ իտէալիստա-
կան և յեղափոխական ողին, իրենց կրած զրկանքներու և
ձնշումներու պատմութեամբ և վերջապէս իրեն տարած պայ-
քարի յալթանակով . . .

Այսօր, պատմական այս օրերուն մէջ, երբ յետադարձ
ակնարկով մը կը վերադառնանք դժոխային այդ հին օրե-
րուն, աւելի քան եւս պայծառ, մեր աշքին առջեւ կը ներ-
կայանան յեղափոխական մեր անխոնջ մարտիկներն ու նա-
հատակները, որոնք տասնեակ տարիներ բռնակալութեան
ալիքներուն դէմ մաքառեցան անօրինակ ոգեւորութեամբ,
և կերտեցին հայ աղատագրական՝ կոփւը կազմակերպուած
կերպով:

Այս դոյզն յարդանքը որ կուգանք մենք արտայայտել
մեր գաղափարակից նահատակներու յիշատակին, արդիւնք
է այն գործունէութեան, որով անսնք անշահամնդիր խո-
յանքով մը, պատրաստեցին գերեզմանը Արեւելքի միջնա-
դարեան կարգերուն և հոգեւարքի մէջ տապլտկով տւատա-
կանութեան: Այս քսանները անդամներն են այն կուսակ-
ցութեան, որ ծնունդն ըլլալով կեանքի յառաջադէմ պայ-
մաններուն՝ հրապարակ կուգար իր ազգային որոշ ըմբռնում-
ներով, իբրեւ արտայայտիչը Հայ աշխատաւոր դասակարգի
քաղաքական խոչաներուն և անոր դասակարգային ազա-
տագրութեան: Հայ աշխատաւորութեան այս կազմակեր-
պութիւնը իր յառաջընթաց գաղափարներով, կ'ոգար հաս-
տատել դասակարգային զիտակցութեան ոկզբունքները և
ազգային ազատագրութեան խանդակառ տենչանքները, հայ
իրաւագուրկ զանգուածներուն մէջ:

Այսպէս, Ա. Դ. Հնչակեան կուսակցութիւնը, միջազգա-
յին տեսական մտածողութեամբ չէր միայն որ մեր մէջ կը
յայտնուէր, այլ գերազանցօրէն իր գործնական աշխատու-
թիւններով: Ան մարգսիստական տեսական մտածողութեան
հետ զուգընթաց, յառաջ կը տանէր Ազգային յեղափոխական
մասսայական շարժումները և պատրաստելով հայ ժողո-
վուրդը յեղափոխական կուտի, անոր կուտար բարոյական
առողջ ըմբռնումները իր բոլոր արտայայտութիւններուն մէջ
և կը ձգտէր առաջնորդել զայն, մարդկային աղատութեան
այն հանգրուածնը, որ Սոցիալիզմ անունով նուիրագոր-
ծուած է:

Զէ կարելի երբէք ուրանալ այն դերը, զոր ունեցաւ
յեղափոխական այս կուսակցութիւնը, որ տարիներ շարու-
նակ զեկավարելով մեր հասարակական, քաղաքական կեանքը
այնքան հեռատես քաղաքականութեամբ, հայ ժողովրդի
աղատագրութեան համար թափուած այս աշխատանքը վե-
րածեց այսօր կենդանի գործի մը:

Ոհա՛ այս կուսակցութեան ծոցէն ծնած են այն քսան
նահատակները, որոնք սնած ու դասակարակուած ամենու-

րեք տեսդօրէն ծաւալուող ընկերվարական առողջ հիմունք-ներով և պատրաստուած գիտական սոցիալիզմի և Մարքսիզմի գաղափարաբանութեամբ, առաջին անգամ լլաղով ևկան պատրաստելու հայ աշխատաւորութիւնը համամարդկային ձշմարիտ ազատադրութեան կոռուին համար :

Անոնք արհամարհեցին կեանքը և կենդանի զոհ մը դարձան իրենց իտէալին : Զվարանեցան անոնք կախաղան-ներուն վրայէն խիղախօրէն արտասանել իրենց վերջին կամքն ու կտակը :

Մեր յարգանքը այս քսաններու հանդէպ պիտի ըլլայ մեր կենդանի գործը, մեր պատասխանը այդ հրաւէրին : Անոնց յիշատակին առջեւ ամէնքս ալ կը խոնարհինք և կ'ուխտենք որ պիտի հետեւինք իրենց կոչին :

Հանդի՛ստ Զեր սոկորներուն, նահատակ ընկերներ, թող հրճուի Զեր հոգիները, որովհետև կախաղանները անզօր եղան մեռցներու Զեր գործը : Հայ ժողովուրդը իր աննկուն պայ-քարով պատրաստ է քալելու Զեր արիւնոտ ճանապար-հէն :

Հանդիստ Զեզ :

Յարգանք Զեր սուրբ յիշատակին :



ՔՍԱՆՆԵՐԵՆ՝ ԵՐԿՈՒԻՔԸ

Աստուածալին ու աննւան
ՎԱՀԱԿԻՆ-ՓԱՐԱՍՍԶԻՆ

Երկիւ դածօրէն ու պատումով՝
Ա. ՍԻՐՎԱՆ

Անոնցմէ, որոնք կեանքերնին տուին օդակարկառ ան-թեւ խաչերուն վրայ, այդ սեւ խաչերու քսան ճերմակ խաչ-եալներէն երկութք մանաւանդ, մաս մը տարած են հետեր-նին իմ սիրտէս, ու իրենք, իրենց մեծ սիրտէն ու վեհ հո-գիներէն բան մը թողոցած են միտքիս, սիրտիս մէջ, ան-ջնջելի ու անմեռ :

Եւ արդէն երկար ատեն իմ սիրելիներուս մահէն վերջ, ես կասկածած եմ անոնց չգոյութեանը, մեռնելուն : Ի՞նչ է մահը : Մարդուն նիւթական անհետացո՞ւմը : Էհ, որքան ձղձիմ ու փաքը հայիւ արդարեւ, քանի որ կ'ապրի յիշա-տակը :

Սյոօր ալ տհա, կարծես դժուար է ինձ համոզուիլ ի-րականութեան մը՝ որ դասն է ու անողոք :

Իրենց զմայլելի վեհութեանը մէջ, Փարամազն ու Վա-սիկը, կը կանգնին ճակատը քսաններու դժբաղդ՝ այլ ան-մահ շարանին, ո՛չ թէ անոր համար որ ես զիրենք աւելի մօտէն վայելելու հոգեկան անկարնչելի ու վսեմ գոհունա-կութեամբ մը կրնամ հրճուիլ այսօր, այլ՝ որովհետև անոնք, վանիկն ու Փարամազը, ախտաններն են իրապէս անցնող այդ վսեմ փաղանքին, և ամենէն հզօրները ու պաշտելիները՝ ի-րենց հոգիովն ու որտովը :

Եւ ճիշտ ասոր համար է թերեւս որ այդ եղերական՝ այլ հերոսական մահացումը այնքան կոլիծ կուտայ հոգին ներուն անոնց՝ որ ծանօթ են իրենց։ Վասն զի չի ճանչցած արժէ քներու մասին՝ կը հիանաս, կ'ափսոսս սրտիդ մէջ, ու կը պաշտես զանոնք՝ երբ մօտեցած ես անոնց հոգին ներուն։

Այսպէ՞ս ահա, կեանքիս ամենէն մորմոքելի ու հուծկու կը սկիծը ապրեցայ առաջին անգամ. այն օրը, եղբօրս ու սրբելիներուն մահերուն ու կարմիր լուրերէ՛ն ալ առաջ, այն սև տարիին ուցա՛ծ օրին, Յունիս 15ին, երբ Շիշլիի մեր փախստեայ ընկերոջ Արտաշէսի հետ, ողբաձայն կերկերը արձակեցինք՝ զսպուած ու սեղմուած մեր կոկորդներէն, դառնադին ողբը այդպէ՞ս՝ ի լուր քսան արեւներու սարսուալի խաւարումին, որուն մէջ երկու արեւներ սակացն, մէկը հորիզոնէն նոր ծագած, ու միւսը՝ դեռ կերդրոնը անոր, յանկարծ սեփ սե կը կարէին, անկենդան, պաղ, անլոյս...

Զգուշաւոր ու գաղտնի մեր հեծկլտանքը տեւեց երկար ատեն, վասն զի ոչինչ ունէինք ընելիք այն ատեն, մենք, զինաթափ ու կաշկանդուած, երբ յստակ ճիշ մը ու բարձրագոչ հառաջանքն իսկ արգիլուած էր մեզ։

Ուրանա՞լ կամ մոռնալ ազնուութիւնը միւս հոգիներուն, ու գաղափարի դիւցաղնական նուիրումը այն տասնըութին, Աչըգաշին, Պէնսէին, Ռուբէնին ու Երուանդին... յանցանք մը պիտի ըլլար ի հարկէ ինձ համար. բայց որ ես բանամ սրտիս դուռները, ու հոնիչ ցուցնեմ պահիկ մը իմ երկու սիրականներու, այդ թող իմ իրաւունքս ըլլայ այս անգամ։

Գաղափարի միեւնոյն տաճարին երկրպագող այս երկու վարդապետները սակայն, Վանիկն ու Փարամազը, իրենց Առածոյն միւսնոյն աղօթքը կ'ընէին, մէկը մեղմ ձայնով, մը մունջով, ու միւսը՝ որոտալից, գուցէ՝ սպառնական։ Իսկ իրենց պատկամը նո՛յն շեշտն ու ոդին կը կրէ՛ ինչպէս էր իրենց աղօթքը։

Միեւնոյն տաճարին մէջ և միւսնոյն գաղափարին համար երկու հակոտնեայ ուժեր, մէկը իր հեղութեամբ աստ-

ուածային ու զմայլելի, իսկ միւսը իր խրոխառութեամբ բունկող հրդեհ մը յաճախ։ Վանիկը յաւիտենական ներողը ու բարերարոյ, ու Փարամազը հաւատացեալ ոխերիմ մը բոլոր չարիքներու, ու դաժան մերկացնող մը՝ ամէն կեղծիքի։

Յեղափոխութիւն ի՞նքն էր Փարամազը, մարմնացած վրէմինդրութիւնը, և անձնուրաց տիպար ընկերականը ու ընկերվարականը, որ իր հետ տարաւ հայ ազատագրական ու ընկերվարական շարժումէն կարեւոր մաս մը։

Իր հմայքը շատ հեռուներէն ու շատ տարի առաջ խառնուած էր յիշողութեանը մասկութեանս։ Դեռ 97-ին, Վանի ջարդին յաջորդող տարին իսկ, իր մուտքը Վասպուրական, ձերբակալման ու հոչակաւոր դատավարութեան պատմութիւնը լսած էինք մեր մեծերէն։

Եւ սակայն այդ պատմութիւնները ա՛լ աւելի լարած էին հետաքրքիր տենջանքը՝ զոր ունէինք այդ յեղափոխականը տեսնելու։

Ու օր վայելեցինք զինքը արդարեւ, ըմբոշնեցինք՝ որչափ կրնայինք։ Վասն զի ինքը հոգի կուտար ուսանողներուն, ամէն անոնց՝ որոնք իր սկզբունքներուն և իր վարդապետութեան մօտէն ծանօթանալ, բան մը ուսմիլ կը բաղձային։ Փարամազը հիւանդագին վիճակի մէջ գիշերներ լուսցացած է իր խօսքին ու քարոզին ծարաւ ուսանողներու հոյուով մը բարուած, ու իո խոյստ ու հուժկու ծայնը, համոզիչ ու գերազանցագէւ տրամաբանական, տիրապետեց մեր սիրտերուն, կապեց մեզ իրեն։

Ու այս՝ Վանի, Խարբերդի, Տիգրանակերտի, Ուրֆայի մէջ, բոլոր այն տեղեր՝ ուր առիթը ունեցաւ իր աէրվիշ առաքեալի քայլերը պատցնել, չարքաշ ու անսիւթական, կէս կուշտ՝ կէս նօթի՛ յաճախ։

Պատմական մաթերիալիզմի այս հուժկու քարոզիչը, այս կորովի ու համոզուած ախոյեանը, որ իր բոլոր դասախուութիւնները այդ վարդապետութեամբ կը վերլուծէր ու անով կը համեմէր, չունեցաւ վայրկեան մը՝ իր «գրապանի մաթերիալիզմ»ով զբաղելու։ Համայնագէտի կուռ հմտութիւնով կը իալիզմ»ով զբաղելու։ Համայնագէտի կուռ հմտութիւնով կը մօտենար ամէն հարցի, գիտական, վիլիսովիայական ամէն

վերլուծումի, զոր կ'ուղղէր իրեն՝ իր գաղափարներուն ծառաւի երիտասարդութիւնը:

Եւ ամէնքը կը գոհացնէր, ամէ՛նքը առհասարակ, և ուսանողը ու բրօֆէսէօրը, մասնագէտը ու համալսարանական: Իր համոզիչ ու յստակ շեշտը մարքսիզմի մասին, բաղմաթիւ հակառակորդներ շշմեցուցած է:

Փարամալը՝ մարքսիստ մը հաւատացեալ՝ իր գաղափարներովը, և անիշխանական մը՝ իր հոգիին մէջ:

Վայ անոր որ կը յանդգնէր հրահրել այդ՝ մռայլ ու ոխակալ հոգին: Իր վրէժի փոթորիկը կը պայթէր այդ պահուն, և ինքը կը փնտուէր կարծես գերերկրային ուժեր, Սամսնի բազուկներ՝ խորտակելու անբարոյութեան և աղտառութեան մարդկային ներկայ շէնքը: Խքքը՝ ունեորի զաւակ ու կալուածատէր, և սակայն հրաժարած այդ ինչքն ու վայելքն, եկած էր նուիրուիլ պաշտպանութեանը դատերուն՝ բոլոր զրկուածներուն, անիրաւուածներուն, և մաքառելու տիրող կարգերու անարդարութեանց դէմ:

Իր «Խուկի Վերխ» (Զեռքերը վեր) աննման տռամը, քաղուած Պաքուի պուրժուական և շանթաժիստ-անարշիստական կեանքէ, իրական ու պայծառ ցոլացումն է Փարամալի հոգիին ու հաւատամքին: Ինքը Փարամալն] է որ կը խօսի անոր մէջ, կը քարոզէ, կ'որոտայ...

Եւ իր բիէսին ընտրած հերոսին-Միշային նման, կարծես ի՞նքն ալ ինքնակամ դիմեց դէպի կախաղան, երբ մեծ ոճիրին բզքառումը կը ծրագրէր իսլամին ոստանին ու իթթիհատի օձախին մէջ:

Ու հո՞ն, այդ եռաթե ցիցին մէջտեղէն ճօճելէ առաջ, Նիմիսիսի իր արդար ու հզօշ սուրը երբ կը վշրուէր, ու ինքը ճերմակ հագած աթոսը կը բարձրանար, վերջին անգամ ի՞նչ դառն ու յաղթանակի ի՞նչ անպատում ողեւուրութեամբ խօսած է ան իր ճառը. իր հոյակապ հուսկ բանքը, մահը գրկելէ՛ առաջ, ցնծաշուրթն ու լիաթոք աւետելով իր ցեղին տառապողներուն յաղթանակը մօտալուտ, և անարդանքի հեղնոտ քրքիջը թուքնելով՝ իր մահովը հրճուողներուն...

Իսկ վանիկը, մե՛ր և ամենուն սրբութիւն-սրբո՛ցը հարազատ, այդ ջինջ հոգին ճանչնալու համար հարկ չկայ թերեւս ետ ու առաջ երթալու, պատմութիւնը քրքրել փորձելու: Հարցուցէ՛ք բոլոր անոնց՝ որոնք առիթը ունեցած են մօտենալու իրեն, ու կարդալու անբժութիւնը իր հոգիին, ճաշակելու քաղցրութիւնը իր ընաւորութեան, և վայելելու վեհութիւնը իր սրախն:

Ու այդ ամէնքը, ծեր թէ տղայ, գայրոցակա՛ն թէ չուկացի, աղատակա՛ն թէ պահպանողական, Հնչակեա՛ն թէ Դաշնակցական, ամէ՛նքը մէկ խօսք ունին պաշտումի, սիւնոյն շեշտը հիացումի: Ամէնքը մէ՛կ բերան:

Իրենց անձին վրայ ու իրենց հասարակական կեանքին մէջ գաղափարական որոշ ուղղութեան մը արտայայտիչները ու պայքարողները, ընդհանրապէս չեն կարող արժանանալ ընդհանուրի գնահատանքին և ընդունելութեան:

Վանիկը բացառութիւն մըն էր և՛ այս տեսակէտով, և գուցէ եղական այս տեսակին մէջ: Իր անշեղ ուղղութիւնն ու համոզումը, իր հաստատակամ նկարագիրը զինքը սիրելի բրած էին ամենուն քով, ամէ՛ն տեղ:

Ու այս տողերը որ կը գրեմ կատարեալ համոզումով ու առանց իր սրբութենէն ու բարձրութենէն բան մը աւելցնել փորձելու, վատա՛հ եմ նոյնութեամբ կ'ըսդունին բոլորը, բուլո՛ր Վանիկը սիրողները, Վանիկը վայելողները, ու հասկըցողները:

Փարամալի նման հաւատացեալ ընկերվարական մըն էր և Վանիկը, իր գաղափարներուն ճշմարտութեանը և յաղթանակին համոզուած մրնշեւ իր հոգիին խօրը:

Կեանքի մէջ ամէն երեսոյթ սովոր էր վերլուծել ընկերացին ակնոցով, ինչպէս իր վարպետը: Ու իր այս համոզացին ակնոցով, ինչպէս իր վարպետը: Ու իր այս համոզուները կը ցոլացնէր գիմացինին՝ յստակ շեշտերով, համբերատար ու ասինքնող:

Իր հեղութիւնը՝ այնքա՛ն ծանր ընկերական աշխատու-

թեանց հետ, իր համբերատար հոգին, ուղղակի զմայլելի էին, գերմարդկային ըլլալու աստիճան :

Ոչ ո՞ք աեռած է իր բարկութիւնը : Ան եթէ նեղացած ու պոռթկած է երբեմն, այդ ալ մարդկային անարդարութեանց, կեղեքութիւնը հանդէպ միայն :

Իր անունն ու յիշատակը սրտիս կը պատկանին դեռ մանկութեանո օրերէն, դպրոցական սեղաններէն, որոնց վերջիշումը կը թելադրէ զիս քանի մը տողերու մէջ դարձեալ ոգեկոչել վինքը, խօսեցնել իր սուրբ ստուերը :

905-6-ի ձմրան էր :

Մեր առունին մէջ անքուն գիշերներու տքնութեամբ պատրաստուած խմորատիպ թերթի մը, (որուն աշխատութեանը մէջ ե՛ս ալ բաժին ունեցած ու մատներս ողջ՝ մանիշակ ներկելու վարժուած էի) գաղտնից քրութիւնը ստանձնած էր Գեղամը, ձիւնոտ, փոթորիկի գիշեր մը :

Եթէ կարիճ ես, հե՛տո եկուր ըսաւ ան :

Ու ցատկեցի առանց առարկելու, ու գացինք միասին, դէմքերնիս բուրդէ վզնոցներ անցուցած, քիչ մը անձանաչելի ըլլալու միտումով կարծեմ : Ու թերթերը յանձնեցինք՝ ուր որ պէտք էր :

Յաջորդ օրը արդէն կը ժպտէինք մենք իրարու դպրոցին մէջ՝ բարեկամաբար, մեզի վերապահուած նախորդ գիշերուան մեծ գաղտնիքը? մատնան շելով կարծես :

Ես հպա՛րու էի իրմով : Ինձմէ երկու կարգ վեր էր ան :

Դասամիջոցներուն չէի բաժնուեր քովէն՝ լսելու համար իր վիճաբանութիւնները : «Մուրձ» ամսագիրը և ուրիշ կարգ մը կարեւոր պարբերականները ու հրատարակութիւնները մեր հաւաքական ընթերցանութեան նիւթը կը կազմէին այդ օրերուն : Իսկ առանձին ընթերցանութեան զրքեր միշտ պատրաստ ունէր ինձ համար Գեղամը, իր մասնաւոր ցուցմունքներուն ու յանձնաբարութիւններուն հետ մէկտեղ : Վէէրք Հայաստանի»ի, «Ասմուէլի», «Ֆիենթ»ի ու «Կայձեր»ի առաջին վայելքս իրեն կը պարտիմ :

Այնքան զօրեղ եղաւ այն ատեն իր ընկերական կրթիչ ոգիին ազգեցութիւնը իմ վրաս, որ ես, ուսուցիչներէս աւելի՝ կ'ակնածէի իրմէ :

Պատահար մը՝ որ անջինջ է միտքէս :

Երեք կարգ՝ միւնոյն ընդարձակ զսաարանը նստեցուցած էին այն ձմրան : Հարգեցուցիչ հնայաղութեան մը արդիւնքը թերեւս, դպրոցին համար : Թուաբանութեան դասուչի՛ սորված ու յանդիմանութիւն լսեցի ուսուցիչէս :

Ես այլայլեցայ ու սարսուացի, այդ անպատրաստ վիճակիս Գեղամը հեռառէն ականաւես ըլլալուն համար լոկ :

Ու այս զգացումիս ազդեցութեամբ, նոյն շարթուայ դասականական ժողովէն խոյս տուի : Ենչպէս ուրիշ օր մըն ալ, նորէն անպատրաստ, զգուշացայ դասի մտնելէ :

Վանիկը հեռացած էր վանէն, 908-ի գինովութեան օրերուն, բայց իր հոգին մեր մէջ էր :

Ուսանողութիւնը, իր գաւանանքին ու իր գաղափարականին հետեւող, իր միջոցաւ կը փնտուէր յածախ գոհացում՝ իր գաղափարի ծարաւեն :

Գեղամը հոս, «Կայձ»ին հոգին էր, անոր վրայ իր էութեամբը գուրգուրացող :

Հարցե՛ր էր որ կը տեղացնէինք իրեն, գաւանէն, հոգերանական-ընկերային բարդ խնդիրներու շուրջ, և կը խընդերէինք լուսաբանութիւն, պատասխան :

Են՛զ Գեղամ, կը ջանար գոհացնել, բացատրել, մեկնել՝ որքան գիտէր ու կրնար :

Ու մենք կը շարունակէինք :

Լաւ կը յիշեմ, պատճառաբանուած երկար հարցումներ ուղեցինք «Կայձ»ին՝ իր միջոցաւ, մօնիգմի մասին, որուն առիթ տուած էին Յ. Գաղանձեանի ոգեհարցութեան մասին գրած յօդուածները, և Բրօֆ. Մինասեանի դասօխոսութեանց առթիւ կաղմուած վիճաբանական ժողով մը :

Որքա՛ն գուրգուրանքով պահած էի մաթէրիալիստական մօնիգմի մասին իր և կիսուրի ի միասին տուած բացատրութիւնները, հոգիի և նիւթի փոխ յարաբերութեանց մէջ՝ մեր տեսակէտին պարզաբանութիւնը :

Իր ուսանողական համակ բեղուն ու աննման նուիրումի կեանքը դադար չունէր :

Իրեն հանդիպում Պոլոսյ մէջ, առաջին անդամ, իղձե-

ըուս պատկումը կ'ընդունէի ես : Զէ՞ որ ան միւսոյն վա-
նիկն էր :

Բայց, ափսո՞ս, ընդհանուր պատերազմը չուշացաւ զըր-
կելու մեղ՝ զինքը վայելելէ աւելի՛ լիովին, աւելի՛ ոըր-
տովին :

Համակերպեցաւ ինքն ալ Հարպիի դաւ :

Երախայական լաւատեսութիւն մը՝ պատերազմի տեւո-
ղութեան և Թուրքիոյ չէզոքութեան մասին, զուարթ և
զբօսեցուցիչ մարզանքի շրջան մը անցնել տուաւ մեղ Բան-
կալթիի պատերազմական այդ հսկայ վարժարանին շրջարա-
կերէն ներս, երկու ամսի չափ :

Վանիկը, հոս ալ կը գրաւէր ամենուն ուշադրութիւնը,
իր անհոգ ու բարի կատակներով, իր մաքերով՝ դէպի զին-
ւորական ասպարէզը :

Ու օր մըն ալ եկած էին հեռացնել զինքը այդ շէնքէն,
առաջնորդելու համար, հոն՝ ուր իր ընկերները ամփոփուած
էին արդէն, իրենց չգործած կամ գործելիք մեղքերուն հա-
շիւը տալու համար մեծ ոճագործներու :

Մրգական զնդանը մահարոյր, ցաւադին ու տանջալի
ապաշխարումը եղաւ քասաններուն հետ և վանիկին՝ իր սուրբ
մեղքերու քաւութիւնը վիստակելու համար կարծես :

Բայց ո՞վ կ'ըսէ որ սուրբը պէտք ունի ապաշխարու-
թեան : Մարդկայնօրէն ունեցած սխալանքներու ու մեղքե-
րու քաւութեան համար, ինչպէս սովոր ենք դատել ինը մը
սուրբերու մասին :

Բայց վանիկը՝ իր սուրբ, և կեանքովը անրիծ, իրեն
արժանի եղբայրներ ունէր հոն բանահն մէջ, Փարամազն ու
երուանդը, և սուրբերուն սուրբ իր հայրն ալ՝ Մուրատը,
Կեսարիոյ կախալանին վրայ . . .

Ի՞նչ կարծէ արդարեւ սովորական ու անփառունակ հո-
գեւարքը՝ մեծ ու փառայել հոգիներու համար : Անոնք պէտք
ունին բարձրանալու հասարակ մահերէն վեր, հասարակ մահ-
կանացուներէն վեր, տարբեր մահով մը վերջ տալու կեան-
քին՝ որ, ափսո՞ս, հո՛ս կը վերջանայ արդէն . . .

Եթէ հա՛րկ է որ ապագայ մեր սերունդը սովորի ազօթք
մը՝ իտէալին ու անձնուիրութեան, այդ մրանւնջը աղօթքին
պէտք է ուզգէ ան նոր ժամանակներու այս սուրբերուն՝
արդար և իսկական :

ԱԶԱՏՈՒԹԵԱՆ ՌԱՅՎԻՐԱՆԵՐՈՒ Ն

Գրեց՝ Բ. ՄԱՏԷՆՃԵԱՆ

Յարգա՞նք Զեղ, նահատակ ընկերներ, վեհագոյն գաղա-
փարներու Դո՛ւք Մարտիրոսներ, որ ճշմարտութեան Դրօշը
Զեր ձեռին՝ ուխտեցիք կուռիլ աղիտութեան և անարդարու-
թեան դէմ: Քալեցիք սնյողդողը, Զեղ վիճակուած ծանր
խաչը ուսերնիդ՝ մինչև Գողգոթա, հոն զոհաբերելու Զեր
կեանքը տառապող հայրենիքի և ամբողջ մարդկութեան
համար :

Զեր վեհապանծ գլուխները չը խոնարհեցան անարգնե-
րու ձեռքով պատրաստուած կառավինատին առջեւ, Զեր
խրոխ հոգիները արհամարեցին ստրկութիւնը և նախընտրե-
ցին մահը՝ կեանքէն:

Ցոյց տուիք մարդկութեան այն ուղին, և պայքարեցաք
30 տարիներ անընդհատ, ու հարթեցիք զայն վերջապէս Զեր
մահուամբ՝ Մահուան վրայ յազմական :

Մե՞նք, գաղափարի ուխտեալ զինուորներ՝ պիտի քա-
լենք Զեր ցոյց տուած շաւիղով Զեր կտակին համա-
ձայն :

Պիտի շարունակենք պայքարը, նեխած կարգերու և
բռնութեան դէմ, որուն հիմերը Դուք սարսեցիք արդէն, և
մեզ կտակեցիք անոր աւերակներուն վրայ հիմնելու այն գե-
ղատեսիլ շէնքը՝ որուն յատակագիծը այնքան ճարտարու-
թեամբ պատրաստեցիք :

Կ'ուխտենք Զեր թանկագին ոսկորներուն և բոլոր սրբու-

թիւններու անունով, որ հաւատարիմ պիտի մնանք Զեր
աւանդութեան :

Եւ այն ատեն Զեր լուսաշող հոգիններն պիտի հրճուին՝
տեսնելով իրենց կիսաւարտ գործի ամբողջութիւնը հիմնուած
է իսկական Ազատութեան, Արդարութեան և Հաւատարու-
թեան վրայ :

Յարգա՞նք և փա՞ռք Զեր, Գաղափարի Ռահվիրանե-
րուդ :



ՓԱՌՔ ՑԱՂԹՈՒԱԾՆԵՐՈՒՆ

Մի' ողբար ահոնց վրայ, որովհետ
չհմկան վասերու պիս:

Անցո՞րդ, զիա ըսկ' Հայաստանի որ
մենի ինկանի հոս, իր օրհնվերուն
հպատակելու համար .

ԳՐԵԳ' ԵԴՈՒԱՐԴ ԶՈԲՈՒԽԵԱՆ

Անոնք առաջնորդուեցան անաղմուկ, և մինչաղին,
դէսի կախաղան, Յունիսի առաւօտ մը, որովհետև ըմբոս-
տացեր էին, որովհետեւ համարձակեր էին անիրաւութեան
դէմ ծառանալ, որովհետև մտածեր և գործեր էին «Անկախ
ու ինքնօրէն Հայաստանի մը կազմութեան համար», ինչպէս
կ'ըսէր պաշտօնական ամբաստանագիրը :

Ե՞րբ և ո՞ւր տեսնուած է որ անիրաւութեան կուռքերը
ներեն իրաւունքի առաքեալներուն: Հաճելի է՝ խլուրդնե-
րուն, լոյսը արեւին և կ'ախորժին ազատութենէն բռնապետ-
ները: Անոնք համարձակեր էին լոյս պահանջել այս տարա-
բաղդ երկրին ժողովուրդներուն համար, անոնք յանդզու-
թիւնը ունեցեր էին ձգտիլ ազատութեան, արհամարհելով
մահն իսկ :

Քսան հօգի էին, երիտասարդ ու խանդավառ, եռուն

յոյսերով և ստեղծագործութեան տեսչով։ Հայութիւնն իսկ էր կարծես, որ եկեր էր, իր ամբողջ գասակարգերով, նետելու արդարութեան դիմակ հագած ոճրագործներու երեսին, այն ճշմարտութիւնը թէ՝ հայ ժողովուրդը պատրաստ է մեռնելու իր իտէալի յաղթանակին համար։

Հն էին մտաւորականն ու արհեստաւորը, ուսուցիչն ու ուսանողը, առևտրականն ու աշխատաւորը։ Անոնք քաղաքին կողք կողքի դէպի բանութեան խորանը, ազատ մտածութի ժամանակաւոր դամբարանը, մատուցանելու առաջին զոհերը հայկական նորագոյն մարտիրոսագրութեան բազինին։

Չորս երկար տարիներ արգիլեցին գալու ձեր անփառունակ շիրիմին այցելութեան։ Անվերջանալի օրեր ապրեցանք Զեզմէ յետոյ, սպասելով այն ժամին, երբ պիտի կը նայինք աղատօրէն բերել մեր եղբայրական յարգանքն ու հիացումը այն հողին, որ ծածկեց մեզմէ յաւիտեան, ձեր խրոխտ դէմքերը։

Սակայն, յոյսի եւ անձկութեան այս օրերուն, երբ ուխտի կուգանք ձեր շիրմին, ըսէ՛ք, խօսեցէ՛ք մեր հոգիներուն հետ թէ երբ կ'ակսէր ուրուագծւիլ առտուան արշալոյսի ցոլքերուն մէջէն Պոլսի սիլւէթը՝ իր մինարէներով եւ գըմբէթներով, և երբ կը ծառանային ձեր կաղախանները այդ մթաստուեր ֆօնին վրայ սպառնալից ու վրէժինդիր՝ քունին ու զեղիսութեան մէջ ընկողմանած անարդ քաղաքին վերևը՝ իբրեւ նոր խաչերը Գոզգոթային, որ թաղեց իր շուքին տակ մարգարէասպան Երուսաղէմը, ըսէ՛ք, այդ եղբարական բոպէներուն, երբ դաւաձան չուանը կ'անցնէր ձեր վզին, չտեսա՞ք շառագունիլը Արեւելքին, հրեղէն բոցերով, չլսեցի՞ք այն աղաղակը, որ կը բարձրանար Մասիսի երկու կողմերէն, տարածուելու համար Հայաստանեայց աշխարհին վերև, չնըշմարեցի՞ք ձեր աչքերուն առջեւէն շարքը Հայորդիներուն, որ զէնք էին վերցուցեր Կովկասէն մինչեւ Վասպուրական, Ամերիկայէն մինչև Կրլիկիա, լուծելու համար ձեր վրէժը և մարմացնելու այն իտէալները, որոնց խորանին վրայ դուք կը զոհաբերէիք այդտեղ ձեր երիտասարդ արեւը։


Վստահ եմ, դուք ունեցաք այդ միսիթարութիւնը։

Դուք ունեցաք տեսիլը այն գեղեցիկ Առաւօտին, որ պիտի ծագէր փոթորկալից դիշերէն յետոյ, որովհետեւ անխռով էիք ինչպէս մրրիկներուն կուրծք աւող արծիւները, պաղարիւն էիք, ինչպէս մահուան դիմագրաւող Լէօնիտասաներ։

Դուք չպարտուեցաք, այլ յաղթեցիք, Զեր ֆիզիքական մահը եղաւ յաղթանակիը ձեր գաղափարներուն։

Ահա՛ թէ ինչու, այսօր, երբ ձեր ողջ մնացած ընկերները կուզան յարգանքի արտայայտութիւն մը ընել ձեր ամիւններուն առջեւ, չունի՞ն արցունք, չունի՞ն ողբ, որովհետեւ դուք ինկաք մահովը քաշներուն։





ԱՐԻՔԵՆ ԿԱՐԱՊԵՏԵԱՆ

Ա. Ս. Ա.

ԸՄԲՈՒՏ ԷԶԵՐ

ՀԱՅԻ ՊՍՀԱՆՁԸ

Գրեց՝ ՓԱՐԱՄԱԶ

Նորից հիասթափուեց Հայը :
Նորից յուսախաբութիւնը նրա դարեւոր վշտերի պատ-
մութեան մի օղակը դարձաւ :

Բալկանեան պատերազմը իր յետեւից բերաւ Խումելիի
ազատումը Ստամբուլի դարեւոր լծից : Անջատուեց Մակեդո-
նիան, անջատուեց Եպիրոսը և լեռնական Ալբանեան ստա-
ցաւ ինքնուրոյն գահը՝ եւրոպացի թագաւորով : Կատարուեց
այն, ինչ որ պատմական բնա-անհրաժեշտութեամբ պիտի
գար բաղը որոշելու այն կառավարութեան, որի միակ
ձգտումն է եղել և է իր հապաակներից ճորտեր ստեղծել,
իր եաթաղանի տակ « ուայեա »ների պարտակատար, հլու-
հօտեր պատրաստել, և միջոցը այդ ձգտման՝ աւեր, կոտո-
րած Զուլում :

Ազատուեց Խումելիի ազգաբնակչութիւնը, իսկ «Ատա-
նաները»՝ Հայի մարտիրոսագրութեան ապօթէողը, դարձեալ
մաց կայուն, անշարժ վիճակի մէջ :

Եւ նորից նոյն վիշտը, նոյն գալարումները...
Դեռ երեկ էր, հայ գէտային հրաժեշտ տալով Մար-
տիկի, Զաքարեանի... ըմբոստ ոգիներին, զէնքը ձգեց,
« Սահմանադրութեան » հիւրը իյէթ, ատալ էթ, մու-
սավաթ, ուխուվ վէթ ստուերանկարի տակ դաշտը ի-
ջաւ, մշակոյթի դործիքները առաւ, իր քանդուած տունը,
իր անթեղուած օջաղը վերշնելու, կեանքի հրճուանքը ճա-
շակելու :

Դեռ Երեկ էր, Հայը՝ տանջուած համիտեան ուժիմից, փարեց «Սահմանադրութեան» և մոռացութեան տալով հրէ-շային խժդութիւնները, Նուիրուեց Երկրի վերաշնութեան, վերածնութեան ինարար գործին:

Սխալուեց Հայը, սխալուեց արդեօք յանդուգն Փիտ ային, երբ « Սահմանադրութիւն »ից յետոյ զէնքը վայր դրեց քայլայուած երկիրը վերածակելու մոռուի :

Մեր առջեւն է պատմութիւնը՝ ժահըստ, մռայլ, դժուխյին, չայի Այսօրուան պատմութիւնը — շարունակութիւնը, ճիշտ յար և նմանը նախկինի, իր գարեւոր վշտերի, իր հոգու փլուզումների, իր աւեր ու կոտորածի:

Այսպէս ամսալուեց Հայը պատմական անորակելի սխալով, սխալուեց հայ գէտային, երբ ոգեւորութեան ազդեցութեան տակ կարողացաւ ինքնիրեն հաւատացնել, թէ Օսմ. Տիրապետութեան տակ, տիրապետութիւն տարուած նեղ ցած ու գծուծ շովինիզմով և իրամական անհամբերատար աշխարհայեացքով, կարող է պաշտպանուել բաղկացուցիչ ազգերի շահը՝ անտեսական, հոգեկան, մտաւոր :

Սիսակուեց Հայը, երբ «Միտհատեան Սահմանադրութեան» մէջ տեսաւ իր վշտի, իր նեղութեան ու ուժապառման վերջնակէտը, այն «Սահմանադրութեան», որը իր էութեամբ մի գրդուիչ ազդակ է տիրող պետութեան աստուածակետական՝ Զիլլը - Ուլահութեան, ձդտումներին և հպատակ ժողովուրդների ստորադասման՝ էմանէթ - Ուլլահութի վիճակի փոխարարերութեան մէջ բանօրէն պահելու համար:

Վեց տարուան իր գոյութեան ընթացքում, նա՝ «Սահմանադրութիւն»ը իր ներքին տրամասութեան պատճառով ոչ մի ընդունակութիւն, ոչ մի տրամադրութիւն ցոյց չտուեց մասնադրելու ժողովուրդների ձգտման համապատասխան դեկազար ոյժեր, և վարչական մեքենան առաջ տանելու համապատասխան կառավարիչներ։ Ընդհակառակը՝ կանգնած շուրջն ու մոլեռանդ հաօկացողութեան վրայ, նրա վարչական առաջնորդները, սկսած փտածութեան օջակ Բ. Դրան եպարքոսից մինչեւ վերջին գիւղի յետին միւտիրը, պետութիւնը

կազմող տարրերի մէջ իրար յօշոտելու, իրար ծուէն ծուէն
անելու սերմերը ցանեցին, նրանց կենազրիելու ճիգ ու գոր-
ծունէութիւնները ունեցան: Ատանան, Հաւրանը, Սանամն
մեր առջեւն են՝ «Սահմանադրութեան» այդ ողջակեղերը:

Քաւութեան նոխաղներ թուրք ազգայնամոլութեան :
Զոհը էսվէրի, զոհը թալէաթի, զոհը Հառզը և այլ եպար-
քոս, նախարար փաշաների, պէտերի :

Եւ ի զուր չասաց սահմանադրական Ալի Քէմալ —
թրքութեան գաղափարաբանը, խաչօլօգբը. — «Իսլամ թուր-
քը գաղափարական միացումի գործիքն է, նա կը տրորէ
կամքերը, վերջ կը դնէ ազդութիւնների ին,
նրանց կը շաղախի և կը դնի հաւասարութեան մակար-
դակի վրայ»:

Այլեւս ի՞նչ բացարութիւն։ Պապիկեանք արլւող
գրուած Տեղեկադիրը սրանց Post Scriptum-ն է։

Տարուած տոյն երեւակայական յղացումներով, ազգայ-
նամոլական հակապատմական տեսչերով, այս վեց տարուած
ընթացքում նաև «Հէրիաթական Սահմանադրութիւն»ը անա-
տակ եղաւ գծելու և գործադրելու Ֆի օրէնք, որ նպաստա-
ւոր պայմաններ տար ազգաբնակչութեան իր պատուի, իր
մալ ու միւլքի տէռը դառնալու, իր հանդի մէջ ու
ծածկի տակ ապահովութիւն տեսնելու, իր հոգեկան վա-
յելքները ճաշակելու : Ընդհակառակը արուած Միլլէթը-
Հաքիմէի ցաւագար երազանքով, և է քմէթի - իւլք
մէթի մտայնութեան որոճումներով, համբաւական, եւս
առաւել անդարոյ, նախատալից ռէժիմով, մասնաւանդ Հա-
յութեան համար, շէրիաթական տրամադրութիւններ ստեղ-
ծագործեց ու գործադրեց ազգերի կենսունակութիւնը քամե-
լու, քաղաքակրթութեան, յառաջդիմութեան, բարելաւու-
թեան ազգակները տրորելու, «հաւասարութեան մակարդա-
կի վրայ զնելու» : Օրէնքը «Օսմանլիութեան Սահմանադրու-
թեան» ձեռքին մի գործիք դարցաւ սահմանադրական ազգե-
րը ջնջելու : «Հայերին միայն մնում է պահանջել ու գանգա-
տիլ, իսկ մեր գործն է ու պիտի լինի նրա ինդիքները մերժե-
ու իրեն էլ հարուածելը» : Այսպէս է ասում Բիթլիզի դատա-

բանապետը իրեն դիմով բողոքարկու հային։ Այսպէս է խօսում օրէնքի հոկողը, օրէնք բացատրողը, օրէնքի հայրը։ Պէտք է իրեն էլ հարուածեն . . .

Եւ օրէնքը խլում է հայի հողը, հայի աղջկը, հայի ազգութեան ստորոգելիները՝ դպրոց, եկեղեցի, մամուլ, այն էլ այսօր, այն՝, հէնց այսօր, երբ արտաքին ճնշումների տակ սոհպուած ստորագրում է Հայաստանի բարենորոգումները։

«Հայաստանի բարենորոգումներ» . . . զաւեշան է դա այն շարան շարան կոսորածի, թալանի, հրդեհումի, առեւանդման, հողազրկութեան, որը հայ իրականութեան պատմութեան մէջ իր բոսոր արիւնով արձանագրուած է՝ ՀԱՅԻ ՄԱՐՏԻՐՈՍԱԳՐՈՒԹԻՒՆ վերտառութեամբ և որի գերակատարն է թուրք բռնապետութիւնը եւրոպական շահամոլ կառավարութիւնների ռէժիսէօրութեան տակ։

«Հայկական բարենորոգումն» . . . դա վաւերագրութիւնն է տիրապետող տարրի անսամբ գործողութեան իրաւասութեան, իր նախաճիրների մէջ անպատասխանատու մնալու։ Դա Օսմանեան կառավարութեան՝ իրերի գրութիւնից մը կերպ ձերբազառուիլն է։ Դա բաժան-բաժանումն է Հայի Հայրենիքի՝ Հայաստանի, յօշուումը Հայկական Հարցի։

Սակայն Հայկական Հարցը մնում է հարց, քանի նա Հային չի տուել իր բաղձանքները, իր պահանջի գէթ նուազագոյն չափը, որը կարողանար երաշխաւորել նրա կայքի, գոյքի, անձի անձեռնմխելութիւնը, նրա աշխատանքի ապահովութիւնը։ Հայկական Հարցը մնում է հարց, քանի որ նա հայը, դուրս չեկաւ «ուայեայ»ի ամօթապարտ կացութիւնից տեղական ինքնավարութիւն, գէթ եւրոպական կոնտրոլ ստանալով։ Եւ այնքան ժամանակ նա հարց կը մնայ, որպէս և դրացի ու շահագրգուուղ պետութիւնների համար — երբ թէկուզ մը հայ էլ մնայ Հայաստանի մէջ իր ներկայ վիճակով, իսկ այս վիճակից ազատութիւն, Հայկական Հարցի վճիռը միայն և միայն կը վճռուի հայի հաւաքական և դրական ոյժով։ Եւղափողութեամբ։

«Ապագան պատկանում է այն դասակարգին, որը ինքն

է ստեղծում իր հաստատութիւնները», այսպէս ասաց Վանտէրվէլը, և մենք աւելացնում ենք՝ և այն ազգերին, որոնք կենուունակութիւնն ունին ստեղծելու իրենց հաստատութիւնները։

Անառարկելի է որ, Հայը իր հաստատութիւնները ստեղծելու կենուունակութիւնն ունի։ Նրա լեզուն, գրականութիւնը, սէրը դէպի միարար ձգտումը, հայրենիքի տեսչը, ազգութեան օղակապը, դասակարգային գիտակցութիւնը, ընդօրինական ճկունութիւնը, նորատեցութեան ժխտումը, — որանք այն գործօններն են, որոնք տանջանքով կուռած, արիւնով զօդուած՝ կաղմել են Հայի Մեծ Կամքը՝ նրա հաստատութիւնների ամբողջութիւնը։ Հայը գիտէ իր վիշտը արտայատել փիլափայօրէն, իր ուրախութիւնը՝ բանաստեղծօրէն։ Նա շինել է Մհերի դիւցազներգութիւնը, հիւսել է Արտաւազդի շղթաների կոող գարբինների բարայավէպը, ծառացել է երեսուն տարի Համբարի և նրա ոչժի՞մի դէմ, — յատկութիւններ, որոնք նոյն իսկ ձրօրու ասել են տալիս մեզ թէ նա՝ Հայը, պատրաստ է ու կարող է մեռնիլ իր հաստատութիւնները պահել-պաշտպահելու և զարգացնելու համար։

Եւ նա շատ է մեռել։

Իթթիհաս-Գերմանական «բարենորոգումները» հայութիւնը բնաշնչելու նորագոյն այլ որոգայթները, նրա բնական ձգտման առարկան չեն։ Նա իր ստեղծած հաստատութիւնները սրբագրել գիտէ իր արիւնով։ Նա յեղափօխականացած յեղափօխական է։

... Բայց այս կենսունակութիւնները խեղդում են, նրա ստեղծագործած հաստատութիւնները հիմնայատակ են անում։ Աւերածութեան Կաղ-Դեւը՝ զինուած պանիսլամիզմի և «Տիրող-Ազգի» ամէն ինչ սահցակոյտ դարձնող սեւեռեալ դալափարով, ծուիկ ծուիկ է անում այն հիմքը, որի վրայ ձեւուած, հինուած է հայի ստեղծած հաստատութիւնները — Հայութիւնը։ Քաղաքական նրատեցիւնները զուգորդուած իւրամական կոչութիւնների հետ և համարզ ընդունած եւրոպական շահագիտական ներհակութիւնները, ծուծն են

քամում այն մարտիրոսութեան խաչը շալկած ու Գողգոթայի բարձունքին կառչած Հայութեանը:

ՀՅՅԻ ՄԵՌՆՈՒԹԻՄ է ԿԱԹԻԼ ԿԱԹԻԼ:

Բանականութիւնը, գոյութեան իրաւունքը, հրճուանքի և վայելքի ձայնը կոչ են անում ժողովրդի երաշխաւորներին ու իրենց հրամայական պահանջը շեշտում. « Փ ո խ անակ կ աթիլ - կ աթիլ մեռնելու և անէ անալու, Հայը միանգամ էլ պիտի մեռնի, որ Հայը ապրի »:

Ահա Հայութեան պահանջը բղխած իրականութեան հրամայականից: Այս պահանջի դրական դիրքի պատուէրներիցն է որ մեզ պիտի գան այն դէմոկրատիք կերպերն ու դրութիւնները, որոնք միայն ընդունակ են երաշխաւորելու մեր կեանքի, կայքի, գոյքի և ազգովին ապրելու պայմանները: Եւ Հայը իր միջոցները չպիտի խնայէ մինչեւ չստանայ իր բաղձանքների իրական արժէքը՝ Հայաստանի տեղական ինքնավարութիւն լայն ռամկավար կարգերով:

Կրաւորական տենչերով չէ, որ Հայը պիտի հասնի իր մարդավայել ապրելակերպին: Իթթիհատը՝ երկիրը ծախսելուն չնորսիւ, միշտ էլ շահագլխական եւրոպայի մէջ իր բարեկամները կունենայ, որոնք ընդունակ կը լինեն տալու միմիայն իթթիհատ - Գերմանական բարենու որոգու մաներ, որոնք ոչ այլ ինչ են, եթէ ոչ Հայութեան դարեւոր կազնին ճղնաթափ անելու, օսմանցիացնելու դաւադիր նկրտումներ: Յանդուգն պահանջ և ոչ կրաւորական աղերս — ահա մեր դիրքը:

Ինքնապաշտպանութեան խնդիր կայ դրուած մեր առջեւ, մեր լինել-չինելու խնդիրը՝ ազգովին ապրելու խնդիրը: Քան երբ և իցէ այժմ է որ մենք պիտի ստեղծենք մեր ազգային առնական քաղաքականութիւնը հիմնուած գոյութեան կռուի երկաթէ օրէնքների վրայ, որի արամագրութիւնն է հաւաքական ինքնապաշտպանութիւնը իր իրաւունքներով և միջոցներով: « Յարձակման դէմ դիմագրութիւնը ոչ միայն արդարանալի, այլ և հարկադրական է: Ան-

դիմագրութիւնը մեզանչում է թէ եսասիրութեան և թէ այլասիրութեան դէմ միանգամայն: Այսպէս է ձեւակերպում Հերպերդ Սպէսսէր տիեզերական բարոյագիտութեան այս հրամայականը, որին ի պաշտպանութիւն ոչինչ ունինք ասելու, եթէ ոչ միայն այն աւանդը, որը իզմիրլեանը տուեցիր հօտին՝ Երուսաղէմ աքսոր ճանապարհուելու միջոցին՝

« Հան ուր արդարութիւն չկայ, ամէն հաւատարմութիւն կեղծ է »:

Ազգային առնական քաղաքականութիւն՝ ահա՝ մեր պահանջը: Յանդուգն պահանջ՝ ահա՝ մեր դիրքը:

Փոխանակ կաթիլ-կաթիլ մեռնելու ու անէանալու, Հայը միանգամ էլ պիտի մեռնի, որ Հայը ապրի:

(ՀՆԶՈՒԿ, 27 սարի, թիւ 1, Մայիս 1914)



ԿԵԱՆՔԻ ՆՊԱՏԱԿԻՆ ՇՈՒՐՋ

Հետեւեալը այն վերջին յօդուածն է, զոր գրեց Վանիկ
«Կայծ»ի Գ. Տարեշրջանի 12րդ թիմ մէջ:

Գրեց՝ ՎԱՆԻԿ

Մէկ քանի ընկերներ ինձի կը հարցնեն թէ կեսնքը նպատակ ո՞ւնի: Ոմանք կ'ըսեն թէ ո՞չ, ուրիշներ կ'իշնան բնազանցութեան մէջ: Թող ներուի ինձի ըսել թէ անոնց առարկութիւնները կուշի արամաբանութիւններ են, մորքի մարզանք, փիլիսոփայական խաղեր:

Այստեղ պիտի պատասխանեմ թէ՝ կեանիք նպատակ ունի եւ այդ նպատակն է մարդու բարձրացումը եւ կատարեալ երջանկութիւնը: Քանի որ կամ, ուրեմն նպատակ մը պիտի հետապնդեմ: Ներկայ կապիտալիստական զզուելի կարգերու տակ ճնշուող մարդկային հոծ զանգուածը, պրոլետարիստը, մի նպատակ ունի, վերցնել ակրող սորկացուցիչ կարգերը, հաստատել կատարեալ ազատութեան, հաւասարութեան և երջանկութեան գրութիւն մը՝ ապրելու համար իրեւ կատարեալ մարդ: Առարկողները կը նմանին ճիշտ այն մարդուն՝ որուն տունը հրդեն ինկած կ'այրի, մարդը իր ընտանիքով միատեղ փճանալու վրայ է, և սակայն նստած կը խորհի թէ իր տունը

քանի աղիւսով շինուած է, հողը ի՞նչպէս գոյացեր է, ի՞նչու հրդեհը բաց պիտի տար և ինչո՞ւ բոցէն ծուխ պիտի ելլէր:

Այսպէս նաև ժամանակակից կարդ մը փիլիսոփաներ չեն աշխատիր վերլուծել թէ ինչէ՞ն կրնան յառաջ չեկած ըլլալ ներկայ թշուառութիւնները և ո՞րն է զանոնք վերցնելու արմատական դարձմանը, այլ կը սկսին «փիլիսոփայել», թէ ինչո՞ւ կեանքը պիտի լինէր և մինչև ո՞ւր պիտի երթայ, ինչո՞ւ տիեզերքը կայ, և լու: Ես չեմ մտներ այդ հարցերուն մէջ, ատոնց մէջ միորնուած են շատ ու շատ մեծ փիլիսոփաներ ու սակայն այն տեղ ալ բարուած են:

Ես կ'ուզեմ մտնել անօթութենէ չորցացած կուրծքին տակ, այնտեղ մրափող առխւծին բաշերը թափ տալու համար, ես կ'ուզեմ մտնել արցունքու մօր աչքերուն մէջ՝ այնտեղ կայծկլող հուրը բոցավառելու համար: Ես կ'ուզեմ զորք ունենալ աշխատող բազուկներու հետ, անոնք են կեանքի, երջանկութեան աղբիւրները: Ահա իմ փիլիսոփայութիւնը:

Նպատակը միջոցի հետ խառնուեցաւ, ո՞չ, բառախաղութիւն չեմ ուզեր ընել, վերջին նպատակ: Այո՛ կայ այժմնւ, բայց ոչ երբէք վերջին նպատակ, որովհետեւ ո՞վ գիտէ թէ՝ վաղը մարդիկ կատարեալ ապրելու համար ուրիշ ի՞նչ նպատակներ պիտի ունենան, բայց նորէն այդ բոլոր նպատակները մարդու սպարելու նպատակին համար են: Այսորուան և վաղուան նպատակները նոյն չեն, որովհետեւ կեանքը ինքը կը հոլովուի, իրեն հետ կը փոփոխուին նաև նպատակները: Իսկ եթէ անփոփոխ, բացարձակ նպատակ մը կ'ուզեմք, ի զուր որոնում մը միայն ըրած պիտի ըլլանք: Մէկ բան կայ, — բարձրանալով ապրիլ, ուրիշ խօսքով ապրիլ ու բարձրանալ, այս է բացարձակը: Ապրիլ հասկցուած հաւախական կեանի մը՝ զարգացած, երջանիկ: Երեկ կ'ուզենի մարդկային կեանի վերջին նպատակ մը՝ այս միայն կրնանի գտնել: Իսկ այժմ ընկերվարական պայքարող մը մէկ նպատակ միայն պիտի ունենայ, ուրիշ ոչի՞նչ — տապալում ներկայ կարգերու և հաստատում մարդը բարձրացնող դրութեան: այդ

գրութիւնը, մօտ ապագային համար, ընկերվարութիւնն է, եւ երբ պրօլետարական բանակին հետ միասին իմ ֆիզիքական գոյութիւնս պահպանելէ ու զարգացնելէ ետք հնարաւորութիւն կ'ունենամ հոգեկանս ալ, մտաւորականս ալ զարդացնել, այն ատեն ես ալ կը ջանամ պրատել, անդուլ փնտռել, գտնելու համար մարդոց հետ զիս ալ զբաղեցնող շատ մը հարցերու պատասխանը — ինչո՞ւ կայ տիեզերքը, ինչո՞ւ պիտի ըլլար ձգողական օրէնքը, ինչո՞ւ թռչունը պիտի երդէր, ինչո՞ւ մարդը պիտի ըլլար և ինչո՞ւ այսպէս պիտի մտածէր: Ու այսպէս այժմ եղած ու վաղը թերեւս բազմանալիք շատ մը հարցեր, որոնց առիթ տուող ինդիրներու գոյութեան մասին այժմ գաղափար իսկ չենք կրնար ունենալ: Ուրեմն գործնական փիլիսոփայութիւնն է այժմս, նախ ինց ցոյց տուած նպատակը հետապնդել, ապա ուրիշ նպատակի մասին փիլիսոփայել: Էսել կեանքի նպատակը չենք գիտեր, կը նշանակէ չհասկնալ կեանքը: Էսել թէ մարդկային ուղեղը սահմանափակ է լուծելու համար շատ մը խնդիրներ — դա կրնայ թերեւս ճիշդ ըլլալ այսօրուան համար, բայց ո՞վ կրնայ ըսել թէ վաղուան համար ալ այսպէս պիտի ըլլայ:

Զգիտութիւնը ամենայիմար փիլիսոփայութիւնն է, որ երեւէր եղած ըլլայ:

Իսկ մեղ՝ ներկայ գարուս մէջ ապրող պրօլետար մարդոց համար միայն մէկ նպատակ կայ, գեղեցիկ, սքանչելի, հարուստ ու որոշ նպատակ, այն է հիմն ի վեր շրջել ներկայ ընկերային փառած կաղմակերպութիւնը և անոր տեղ հաստատել մերինը, ընկերվարականը: Սա է, միայն սա՛ մեզ ոգեւորող նպատակը, զմեղ պայքարել գրդող ու այդ պայքարի մէջ անպայման յաղթել տուող մեծագոյն նպատակը: Անկէ վերջ երբ մարդը կ'սկսի ապրիլ իրբեւ կատարեալ մարդ, թող տքնի փնտռել շատ մը հարցերու պատասխանները: Ներկայի գեանքը մեղմէ զործ կը պահանջէ, ընկերվարական պայքարողի գործ և ոչ թէ կեանքի նպատակը որոնելու համար «փիլիսոփայական խաղեր կամ փորձեր»:

Կան մարդիկ, որ կը սիրեն այդպէս ընել, ոչինչ չունիմ

ըսելիք այդպէսիներուն. նախասիրութեան հարց է:

Իսկ իմ հաստատ կարծիքով մէկը միակ լաւ նախընտրելի ուղի, ունի ամէն բանէ, ամէն հարցի պատասխանը փիլիսոփայելէ առաջ, կոռուկ յանուն պրօլետարիատի յաղթանակին, զործել յանուն ընկերվարութեան, կազմակերպել յանուն մարդկային երջանկութեան, պայքարիլ որպէս զի մարդը ապրի բառին ամենազարգացած իմաստովը, որուն մէջ կը մանէ նաև կեանքի նպատակը գտնելու աշխատանքը:

Ահա՝ մեր նպատակը, ահա կեանքի նպատակը: Կարծեմ կրցայ ինքզինքո պէտք եղած կերպով բացատրել: Պատասխանելուն նպատակը այդ իսկ էր, կ'ուղէք փիլիսոփայութիւնը ըսէք:

Բայց իմ ցանկութիւնուն էր տեմնել իմ ընկերները պրօլետարեատի կացութեամբ հետաքրքրուող, տիրող անհաւասարութիւնները ու զգուելիութիւնները վերցնելու համար պայքարող լնկերվարական գրութափաներ:



ՑԱՆԿ ՆԻՒԹԵՐՈՒԻ

Զօն
Յանկ Նահատակներու

3
4

Ա. ՄԱՍ

ՄԱՀԱԳԱՏԻ ՓԲԸ

| | |
|---------------------------|----|
| Չերքակալութիւնները | 7 |
| Կախաղաններուն նախօրեակին | 13 |
| Մահավճիռը | 21 |
| Կախուող Քսան Հնչակեանները | 23 |
| Փարամազ | 36 |

Բ. ՄԱՍ

ՆԱՀԱԳԱՏՈԿՆԵՐԸ

| | |
|---|----|
| Փարամազ | 39 |
| Գեղած Վաճիկեան | 44 |
| Բանտարկեալի մը խորհնութքներն ու փարամումները | 64 |
| Առամ Աշընապատեան | 69 |
| Երաւանդ Թօփուզեան | 72 |
| Բասթեն մէկ բանիները | 74 |

Գ. ՄԱՍ

ՑԱՐԴԱՆՔԻ ԽՈՍՔ

| | |
|--|-----|
| Բասեր | 81 |
| Վերջին անգամ | 85 |
| Փառահանդես | 87 |
| Նահատակներուն | 89 |
| Փրկիչները | 90 |
| Փարամազի յիշատակին | 93 |
| Բասն կախաղանները | 96 |
| Ուխտաւորի խօսեր | 98 |
| Բասն կախաղանները | 103 |
| Մեր վերջին մասիրանսագրութեան նախավկանները | 107 |
| ամր յիշողութիւններ | 111 |
| արգանք բան նահատակներուն | 114 |
| Բասններն երկուքը | 117 |
| Ազատաւրեամ ռահնվիրաններուն | 125 |
| Փա՛ռք յաղրուածներուն | 128 |

Դ. ՄԱՍ

ԸՄԲՈՍՏ ԷԶԵՐ

| | |
|---------------------|-----|
| Հայի պահանջը | 132 |
| Կեսնի նպատակի շուրջ | 139 |

«Ազգային գրադարան



NL0200422

